

**NATIONAL ASSEMBLY OF  
SEYCHELLES**

*Monday 15<sup>th</sup> March, 2021*

*The Assembly met at 9am*

*National Anthem*

*Moment of Reflection*

*Mr Speaker in the Chair*

**MR SPEAKER**

Bonzour tou Manm Onorab e bonzour tou nou piblik, nou lodyans ki pe swiv nou lo tou nou bann zil e osi nenport pei ki zot ete.

En Manm ti'n demann mwan laparol pou adres en lokazyon, me mon ti a prefere fer li mon menm lo lapar Lasanble an antye e sa se laniverser en ansyen *Leader* Lasanble ki ozordi i Prezidan Sesel.

Onorab Wavel Ramkalawan in fer 21 an servis dan Lasanble. E la mazorite sa letan koman *Leader* Lopoziyon e i premye ki'n pas dan lofis Prezidan atraver Lasanble. Alor mon krwar sa i met an valer nou lenstitisyon e son koneksyon avek lezot lenstitisyon dan nou sistenm demokratik.

Alor lo son laniverser 60an mon swet li e son fanmir

bonn fet e tou de byen pou zot lavenir. Mon pas sa mesaz pou ki bann Manm pa bezwen fer li enn par enn e mon demann zot pou kit zot salitasyon o komansman zot bann lentervansyon kourt silvouple.

Avek sa nou a pas dan Staz Komite pou kontinyen avek konsiderasyon. Nou annan prezantasyon dokiman. Madanm Clerk.

**MADAM CLERK**

Mersi Mr Speaker. Bonzour Mr Speaker. Bonzour tou bann Manm e tou dimoun ki a lekout. Bann papye ki pe ganny prezante i *comme* swivan:

*S.I. 21 of 2021 Prevention of Proliferation Financing Regulations, 2021.*

*S.I. 22 of 2021 Prevention of Terrorism (Implementation of United Nations Security Council Resolutions on Suppression of Terrorism) (Amendment) Regulations, 2021.*

*S.I.23 of 2021 Public Health (Fixed Penalties) (Amendment) Regulations, 2021.*

*S.I.24 of 2021 Broadcasting and Telecommunication (Per-second Billing by Operators of Public Land Mobile Network) Regulations, 2021.*

*S.I.25 of 2021 Public Health (Emergency Use Authorisation of Vaccines and Medical Products) (Amendment) Regulations, 2021.*

Mersi Mr Speaker.

## **DEPARTMENT OF FOREIGN AFFAIRS**

### **MR SPEAKER**

Mersi Madanm Clerk. E avek sa nou a pas dan Staz Komite e nou a demann pou bann zofisye ganny apele dan Lasal silvouple.

Bonzour bann zofisye. E nou annan avek nou ozordi, nou pe pran Bidze *Department of Foreign Affairs* premye. E nou annan avek nou dan lasal Minis pou *Foreign Affairs and Tourism*. Anbasader Sylvestre Radegonde e osi ankor Mr Damien Thesee, *Principal Secretary for Finance* e Mrs Nellie Coopoosamy, *Director Public Budget Management* dan Minister Finans.

E lo kote Departman *Foreign Affairs* nou annan Dr Marina Confait, *Principal Secretary* e Mrs Bessie Banane, *Financial Controller*.

Avek sa nou a komans konsiderasyon Bidze *Foreign Affairs* ki lo paz 471 ziska 477 pou en total R95milyon 253

mil. Minis mon ava envit ou fer lentrodiksyon lo ou Bidze.

## **MINISTER SYLVESTRE RADEGONDE**

Mersi, bokou Mr Chair. Onorab *Leader* Lopozisyon, Onorab *Leader* Zafer Gouvernman. Tou bann Onorab bonzour e bonzour tou dimoun ki pe swiv sesyon Lasanble. Partou kot zot ete, Sesel e aryer.

Mr Chairman, Departman Zafer Etranze i responsab pou enplimant Polisi etranze Sesel, defann lentere Sesel lo lasenn enternasyonal e rod bann led, bann sipor pou Sesel.

Nou fer sa pou konmela atraver 9 Lanbasad. Me i vre ki avek *COVID*, sityasyon *COVID* dan sa dernyen lannen, nou'n bezwen parey tou Zafer Etranzer, tou Polisi Zafer Etranze, nou bezwen tanzantan revize, re adapte, aziste. Me in pli neser fer sa pandan sa dernyen lannen, sertennman depi ler ki mon'n pran sa responsabilite, 4mwan pase, an fonksyon sityasyon mondyal.

E nou'n bezwen revwar nou bann priyorite e nou priyorite Zafer Etranze ozordi, apard promosyon touristik, e se sa ki sa 2 Minister in rezwenn kanmarad, i osi pou

negosye bann det Sesel. Kontinyen promouvwar e defann nou bann lentere an se ki konsern sanzman klima. Bann lentere Pti Leta, bann size ki konsern lanvironnman, sekirite maritim.

Don, an gro nou *focus* lo Zafer Etranzer ozordi i lo sa bann size ki mon'n dir. Nou annan en pti *staff*, ofet Zafer Etranzer. Nou annan 93 *staff* e ladan i annan 82 ki baze isi Maison Queau de Quincy e ladan i annan zis en 40tenn ki aktyelman bann Diplomat. Lezot i bann *support staff*.

Atraver sa 9 Misyon aletranze, nou annan anviron 11 *staff* Seselwa e avek zot i annan en 38 bann anplwaye non-Seselwa. Sa i bann *support staff*. *chauffer, cleaners*, drayver, ensidswit.

Mr Chair, Bidze Zafer Etranze, parey bokou bann Minister, bann Departman. In trouv en rediksyon sa lannen e kot nou'n ganny en Bidze R95.25milyon e sa i en rediksyon 13.46milyon konpare avek Bidze lannen pase.

E en gran parti sa rediksyon i an rezilta fermtir 3 Lanbasad. Setadir *Cuba, Sri Lankan* e nou reprezantasyon Genève. Me osi sa Lanbasad ki nou pa ouver, ki ti dan Bidze

lannen pase, sa Lanbasad *Maurice*. Ki nou pa'n ouver e nou pa pou ouver.

Bidze i konpri 3 program, i annan en program ki konsern gouvrenans, zesyon ek ladministrasyon e sa i kouver *Secretariat Minis, Secretariat prensipal* ek ladministrasyon. E pou sa program nou'n ganny R21.9milyon.

Pou program 2 ki pli gro parti Bidze, i konsern relasyon enternasyonal enkli relasyon Bilateral, protokol, servis konsiler e osi i kouver depans sa 9 Misyon ki nou annan aletranze. E sa nou'n ganny en Bidze 66.2milyon.

E finalman program 3 se pou 3.2milyon e i ganny mete pou konsantre lo relasyon multilateral.

Mr Chair, mon bezwen la dir ki okenn travay ki nou fer, sa travay ki nou fer ek sa pti resours ki nou annan, imen e finansyel, i en gran parti gras a sa *staff*. PS li menm e son tim zafer etranzer. Zafer etranzer i annan en tim zenn profesyonnel, zenn Diplomat ki sertenman zot bezwen ganny ankadre, bezwen ganny ankouraze. Me i en tim ki dinamik e ki oule avans e ki oule fer dibyen ki donn tou zot zefor pou Sesel. E mwan

sertennman mon pe ankouraz zot dan sa direksyon.

I annan *training* ki reste en *challenge*, sirtou dan sa sityasyon ki nou ladan ekonomik, posibilite anvoy bann Diplomat *train* deor i pa pou posib. Me ki nou pe fer, nou pe regard alternativ fer bann *training* lokal. E la mon kontan pou dir ki mon pe servi bann ansyen Anbasader ki'n annan leksperyans dan plizyer domenn, pou fer sa bann *training* lokal, partaz zot leksperyans.

E sa nou pe komanse byento, nou annan en program ki nou'n met an plas.

Nou'n osi resaman Mr Chair, re striktir *Foreign Affairs* pou plis performans. En mannyer ki responsabilite tou dimoun i kler, me osi donn lespas bann zenn Diplomat ki oule avanse dan zot karyer, donn zot en pti pe plis lespas pou bouze.

En kantite *focus* nou pe mete lo relasyon rezyonal. Komisyon Losean Endyen byensir, me osi nou relasyon avek Linyon Afriken. Nou relasyon dan SADC, nou relasyon COMESA. ensidswit. So, i annan novo divizyon ki mon'n kree pou zafer rezyonal

e sa i ganny *head* par en Direkter Zeneral.

En lot keksoz ki nouvo, ki mon pe met en kantite lanfaz lo sa, se nou relasyon avek nou *diaspora*, nou kominote Seselwa atraver lemonn. Mon krwar dan lepase nou'n tant pou, mon a dir inyore, mon a met li koumsa. Plito inyore prezans nou kominote, nou Seselwa atraver lemonn, e apresye valer ki sa kominote i annan e ki kapab anmennen pou Sesel, dan devlopman Sesel. Par kontribye finansyerman dan bann proze, dan lenvestisman me osi par lide e sizesyon.

Mon pe vwar en sistenm kot demen ler nou pou bezwen en spesyalis dan kek domenn, nou al tap laport nou bann Seselwa atraver lemonn. *Australie*, *Langleter*, *Canada*, partou kot zot ete. Sa lobzektif e nou'n komans met sa *unit* pou responsab *diaspora* deza lo lipye e nou oule al for an avan lo la.

An gro Mr Chair, vwala. Lezot *challenge* mon ava petet rezerv sa ler i annan kestyon ki monte. Me enn ki *saute aux yeux* parey Franse i dir, se nou kontribisyon dan bann Lorganizasyon Enternasyonal. Sesel i manm dan en kantite

Lorganizasyon Enternasyonal, tro bokou a mon avi.

E ler mon regarde i paret konmsi nou'n vwar en bato i pase, nou zet en konsey lekel ki abor, e nou osi nou oule en pla abor. E ler nou'n ariv abor, prezan ki nou ganny dir konbyen pasaz pou koute. Me ou'n deza lo bato, bato in kit por pe ale, ou pa kapab sote, ou pa kapab dir bato retournen.

E se sa en pti pe sityasyon ki nou trouv nou ladan ozordi. Nou pey enormeman lo kontribisyon, lo souskripsyon lo bann Lorganizasyon Enternasyonal ki nou ladan.

E *Foreign Affairs* nou'n komans en legzersis, nou bezwen kontinyen vreman fer en *assessment* detaye, lo ki sa bann lorganizasyon i anmennen pou nou. E kot benefis i minim ouswa napa, ouswa ki nou kapab ganny benefis dan en lot lorganizasyon, akoz fodre dir osi ki i annan en kantite diplikasyon serten dan sa bann lorganizasyon.

Kot sa i le ka mon krwar i pou nesaser ki nou sorti e nou ava byento anmenn en papye kot *Cabinet* avek serten rekomandasyon, pou nou redwir kantite larzan ki nou

depanse dan bann Lorganizasyon Enternasyonal. E parey zot konnen e sa i an foreks.

Vwala, Mr Chair. Avek sa bann remark mon ava aret la e mon atann kekyon ki bann Manm Onorab i annan pou demann mwan. Mersi.

### **MR SPEAKER**

Mersi Minis. Wi nou a komans ek kekyon bann Onorab. Mon apel Onorab Esparon.

### **HON REGINA ESPARON**

Mersi Mr Speaker. Bonzour Minis ek ou delegasyon e tou dimoun a lekout.

Mr Speaker, mon ti ava anvi demann Minis konbyen larzan ki zot pe anvizaze benefisye atraver sa legzersis ferm sa 3 Lanbasad, e an zeneral sa restriktirasyon? E ki reveni zot pe anvizaze anmase atraver dispozisyon bann *asset* kot bann Lanbasad ki'n fermen? Mersi Mr Chair.

### **MR SPEAKER**

Mersi Onorab Esparon. Minis e *panel* silvouple zis lev lanmen pou sinyale lekel ki pou reponn. Wi Minis.

### **MINISTER SYLVESTRE RADEGONDE**

Mersi, Mr Chair. Mersi Onorab. Mon a reponn premye parti sa keston e apre mon a pas laparol avek *PS* pou lezot detay.

An se ki konsern sa 4 Lanbasad ki nou'n fermen, nou pe fer en *savings* si oule R13.2 milyon e si ou *convert* sa an deviz etranze ou vwar kantite *dividend* deviz etranzer ki nou pe sov pei. Nou'n - *as a result* sa legzersis ferm Lanbasad, nou'n bezwen vann bann *assets*, maksimonm bann *assets* ki ti annan. *Cuba* ti annan 3 loto ek bann pake. *Sri Lanka* bann pake avek 1 loto. *Genève* ti en *fully furnished* akomodasyon. Me ti annan enn de, mon krwar pa si ti annan okenn *sale of assets* *Genève*.

An se ki konsern lezot benefis - *PS*.

### **MR SPEAKER**

*PS*, wi.

### **PS MARINA CONFAIT**

Bonzour, Mr Chair. Bonzour, tou Manm Onorab. Mersi Minis. Bon sa dezyenm parti keston Onorab. *Genève* ler i ti fermen le 29 Zanbye, i ti annan €41mil dan kont. Wi, konmsi larzan ki'n met dan kont letan Lanbasad in fermen, sete €41mil.

E Sri Lanka, Colombo ti annan \$65mil e Cuba ti annan \$35mil. E fodre dir, *Cuba* ti annan osi €105mil, me selman ti annan larzan ki nou ti deza drwa Lanbasad Kiben avek bann Dokter Kiben ki pe travay isi, avek anvoy larzan pou zot, fer transfer larzan. Alor nou ti fer en pe sanzman sa larzan avek *Cuba* pou pran en pe sa larzan ki'n reste e pou re pey sa bann larzan ki'n bloke dan kont kot Labank Santral. Mersi Mr Chair.

### **MR SPEAKER**

Mersi. Onorab Lemiel.

### **HON SYLVANNE LEMIEL**

Mersi Mr Chair. Bonzour Minis avek ou delegasyon. Mon keston ti dan menm laliny avek pou Onorab Esparon. Me ki mon santi mon bezwen en pti pe plis laklerte lo la Minis.

Sa sonm ki *PS* i donnen la, ki annan sa larzan dan kont sa 3 lanbasad ki'n fermen, eski sa I an rezilta sa bann *assets* ki'n ganny vann? Or I son larzan ki ti la me ek *assets* zot pa ankor kapab konnen ki kantite zot in fini vann, konbyen zot in anmase?

Mon dezyenm keston, eski Minis sa bann dimoun ki ti pe travay dan Lanbasad la,

eski zot pe reganny anploye kot *Foreign Affairs*? Eski zot pe reganny en post dan Minister kot *Foreign Affairs*? *E si wi petet nou ti a kontan konnen ki post ki zot pou hold?*

Aprè eski zot in kapab reisi *review* enn zot bann *strategies* ki zot pe mazin fer la, ziska 2023 se *review* en pti pe rol bann *Honorary Consuls*, so ki zistans zot in arive avek sa pou lemoman?

E aprè mon ti a kontan konnen Minis ...

**MR SPEAKER**

Mersi, Onorab ou'n fer 3 pwen la.

**HON SYLVANNE LEMIEL**

*One thing.*

**MR SPEAKER**

Ou'n fer 3 pwen silvouple.

**HON SYLVANNE LEMIEL**

En klarifikasyon Mr Speaker.

**MR SPEAKER**

Wi.

**HON SYLVANNE LEMIEL**

I enportan ki nou demande keston.

**MR SPEAKER**

Wi be selman nou'n met limit ki sak Manm i annan 3 pwen. Ale napa gran largiman.

**HON SYLVANNE LEMIEL**

Mr Chair les mwan klarifye sa enn silvouple.

**MR SPEAKER**

Nou pe gaspir plis letan dan largiman fer ou pwen me selman mon pe demann bann Manm pou tenir sa an kont. Nou'n met en limit 3 pwen alor obzerv li silvouple. Wi.

**HON SYLVANNE LEMIEL**

Dan sa 3 dan sa 9 Misyon aletranze Minister ki kantite larzan Gouvernman pe depanse avek sa bann *staff* dan sa 9 Misyon? Konbyen larzan an tou dan ou Bidze nou pe depanse? Mersi.

**MR SPEAKER**

Mersi. *Panel* wi Minis.

**MINISTER SYLVESTRE RADEGONDE**

Mersi Mr Chair. Mersi Onorab pou ou keston. An sa ki konsern larzan ki ti kont sa bann Misyon. Mon bezwen eksplike ki prosedir ordinerman se ki byensir sak Lanbasad i annan en kont. Me larzan tou le mwan i ganny transfer dapre balans ki reste. Konmsi napa sa zafer ki tou le mwan ou ganny egzaktman menm sonm, menm dat.

Mon konnen ler mon'n *find out* ler mon'n ariv isi se ki sa pa ti pe neserman aplikab pou tou Misyon. E mon krwar la petet plito kote Finans parske Finans *or Central Bank* pa *Foreign Affairs* ki petet serten Misyon zot pa'n kontrol ase, larzan in rantre e ki fer ki misyon *Geneve* par egzantp *Cuba* en lot, i fer ki zot ti annan en balans, ler nou'n fermen ti annan en balans ki ti bokou plis ki zot ti bezwen pou loperasyon, pou loperasyon.

Serten lezot larzan ki'n antre, parey *Cuba* sa 100 ekek mil Ero, *PS* i ava eksplike i an plis ki sa ki ti deza dan kont, sa se pou *sale* bann *assets*. Alor bann pake, bann keksoz ki'n vann. Apre deryer osi i annan en loto ki'n vann me sa i pa dan sa sonm in anvoy direk isi. So *PS* i ava kouver sa apre.

Lo bann Diplomat ki retournen, i annan 3 Diplomat konsernen. *Geneve* sa manmzel ki ti *Geneve* menm si i ti'n ganny ofer en pos isi, in prefere aksepte en pos *Geneve* kot i ti ete. Donk i pe travay avek Nasyon Zini. I annan en Kontra mon krwar pou 2an, sa ki in dir mwan se ki ler i a fini sa Kontra i ava retournen. Mon kontan pou li, parske i en

*further exposure* dan en lorganizasyon enternasyonal ki nou bann Diplomat pe gannyen.

Pou lezot Anbasader *former* Anbasader *Cuba* avek *former* Anbasader *Sri Lanka* zot tou le de zot la. Enn i dan konze enn i deza konmans travay *Foreign Affairs*, yes i la. e zot pe ganny *assign* bann *duties* spesyal pou fer dan *Foreign Affairs*. An gro ki pou konsernen se siport sa bann zenn Diplomat ki la, zot annan en *exposure* enternasyonal ed zot. E apre bann proze spesifik ki zot a ganny donnen pou fer.

Tout an gardan zot bann pei ki zot in akredite. Par egzantp Anbasader ki *Sri Lanka* i reste akredite *Sri Lanka*, me baze Sesel. I menm zafer pou *Cuba*.

Bann Konsil Onorer wi i annan en travay ki nou pe fer ofet nou'n degrosi. Ler mwan mon'n vini ti annan plis ki 100 Konsil Onorer. E ler mon'n demann en rapor lo ki sa bann Konsil Onorer pe fer zot kontribye pou pei, ti annan en kantite ki zot la lo papye.

E nou'n fer en legzersis ki nou'n tir zot la nou dan prosedir pou formelman termin sa prosedir enform sa bann Gouvernman dan pei kot zot ete, ki sa bann dimoun i nepli



Konsil Onorer. Ki fer savedir nou a reste avek anviron 80 dan 59 pei. E sa bann ki nou asire, byen ankadre sa ki mon krwar le problem dan lepase zot byen ankadre e fer sir ki zot fer travay ki nou espekte, siport bann Lanbasad kot i annan e siport Sesel.

E mon bezwen dir ladan ki sa dan sa letan *COVID*, lapel ki'n fer par Gouvernman pou zot kontribye dan *COVID Fund* sa bann Konsil Onorer an gran parti in sorti e in kontribye e mon krwar zot kontribisyon tou in ariv anviron R5 milyon e an deviz etranzer ki zot in fer rantre.

E zot pe kontinyen bann aktivite i annan ki pe ed nou pou *secure medicine*, *secure* vaksen, lekipman medikal, so vwala nou asire ki sa group ki reste la i pou en group dinamik.

Konbyen sa 3 Misyon, konbyen *saving* nou'n fer se sa ki ti kestyon Onorab dan sa bann ki reste? Sa 9 ki reste *PS* i ava annan sa lenformasyon. So avek ou permisyon Mr Chair mon a pas laparol avek *PS*.

### **MR SPEAKER**

*PS* wi.

### **PS MARINA CONFAIT**

Mersi Mr Chair. Mersi Minis. Pou klarifye larzan ki ti reste letan sa 3 Lanbasad ti fermen, sa i larzan ki'n reste dan kont avek *disposal of assets*. Me selman zot ti annan zot Bidze. *Sri Lanka* son Bidze ti 4.2 milyon e a lafen lannen i ti reste li 3.4milyon sa son Bidze. Sa *assets*. Ler in fini vann *assets* bann larzan ki ti reste zis avan i ti fermen. *Ok?* E *Cuba* son Bidze ti 3.9 milyon i ti'n depan s 1.3 milyon e *Geneve* son Bidze ti 3.2 milyon e i ti'n depans 2.3 milyon, *ok?*

### **MR SPEAKER**

Mersi, pa ankor fini? Ale Onorab terminen silvouple.

### **HON SYLVANNE LEMIEL**

Mr Chair mon sa ki mon ti demande dernyen, i annan 9 Misyon ki zot in dir zot pe i reste, mon le konnen konbyen larzan dan zot Bidze ki pe al an ver sa 9 Misyon? Mersi.

### **PS MARINA CONFAIT**

Mersi Mr Chair, mon pa ti ankor fini reponn mon ti'n klarifye *assets*, prezan mon pe reponn kestyon konsernan sa 9 Lanbasad.

Sa 9 Lanbasad son total i R54 milyon pou Bidze 2021. E ladan i annan 8.5 milyon pou Lanbasad *Londres*, 6.5 milyon

pou Lanbasad *New York*, 4.6 milyon pou *Paris*, 5.4 milyon pou *Sud Afrique*, 5.3 milyon pou *L'Inde*, 6.9milyon pou *Brussels*, 7.1milyon pou *La Chine*, 3.1milyon pou *UAE*, e 5.8milyon pou *L'Ethopie*. An tou i fer 54 milyon. Mersi Mr Chair.

**MR SPEAKER**

Ok mersi *PS*. Nou a swiv avek Onorab Labrosse.

**HON RICHARD LABROSSE**

Bonzour Minis. Bonzour ek ou delegasyon. Mersi Mr Chair. mon premye kestyon pou Minis pou Zafer Etranzer, Minis mon ti a kontan konn pwennvi Zafer Etranzer dan sa bann demars ki Sesel pe fer an se moman dan domenn finansyer pou retir pou met nou lo en lalis dwat, mon krwar ou okouran sa.

Konmsi nou pa pe tann Zafer Etranzer ditou dan sa bann konversasyon mon ti a kontan konnen ki ou departman pe fer lo sa laliny?

Aprè mon dezyenm kestyon i konsernan bann zwenn ki swazir en karyer dan la diplomasi, zot in met sa bann konsern devan ki dan lepase zot in vwar zot ganny kit deryer sirtou, zot ki'n ganny sa Degre zot ki'n al devan, me nou

vwar plito bann lapwentman fer lo baz politisyen lo baz politik, mon pe gete si dan sa nouvo fason fer ki lespwar ki ou kapab partaz avek zot lo sa?

E mon dezyenm mon dernyen kestyon Mr Speaker, mon'n vwar ki dan dokiman Bidze Zafer Etranzer zot in dir ki zot in *secure* en pe bann program finansye enternasyonal pou bann proze kominoter, so la mon ti a kontan konnen konbyen distrik dan lepase ki'n ganny asiste anba sa program e sa lannen konbyen zot pe espekte? mersi.

**MR SPEAKER**

Mersi Onorab. Minis wi.

**MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. An sa ki konsern diskisyon lo sa lalis nwanr mon krwar ou pe refer sa lalis *Europeen* ou *CDE, Foreign Affairs*, i pe partisipe ladan e byensir vir natir sa bann diskisyon i ganny *led* prensipalman par Minister Finans nou, nou donn sipor deryer.

E parey tou soz, nou pa pou tann naryen aköz en kantite bann negosyasyon sa i fasil negosyasyon ki pe *ongoing*

la. E parey en kantite sa bann negosyasyon i bann negosyasyon ki pas trankil, konfidansyelman e ler nou ganny en rezilta apre nou anonse.

An sa ki konsern bann Diplomat ki'n zwenn *Foreign Affairs* an term zot karyer zot devlopman, parey mon'n dir i annan en group bann zenn diplomat tre zenn Diplomat, dan *Foreign Affairs* dinamik e ki zot oule avanse.

E mon'n dir ki nou pe fer tou pou nou ankadre zot, e nou'n met en sistenm depi ler mon'n vini sertennman mon'n met en sistenm ki nou kapab *mentor* sa bann Diplomat mye.

Mon'n demann tou *line managers* pou asiz avek zot tou le mwan omwen en fwa par mwan asiz avek zot, pou gid zot pou ekoute *issues* ki zot annan problem ki zot annan. E biro *PS*, parey mon biro i ouver osi pou nou ekoute.

Mon'n koz lo program *training* ki nou'n met an plas lokalman. I bann zenn Diplomat ofet se vre ler mon regard *Foreign Affairs* e mon a dir ki 99.9poursan bann manrmay avek omwen premye Degre. Bann manrmay ki'n zenn ki'n sorti liniversite zot annan sa *knowledge* petet liniversite zot annan sa. Me

prezan zot bezwen ganny ede dan bann teknik *Foreign Affairs* diplomasi. E se la kot pe angaz bann diplomat ki'n retournen bann ansyen Anbasader, pou ede dan sa *training* dan en moman ki nou pa kapab anvoy zot deor.

Me zot karyer a mon *avis* i *bright*. Zot pe ganny tou sipor e mwan sertennman mon'n donn mon lekor en lobzektif i ler mon ariv a lafen mon manda mon oule ki mon'n kapab prepar en bon *nucleus* zenn Diplomat e se sa nouvo group la ki pou anmenn diplomasi Sesel pli devan. E o nivo *Headquarters* e o nivo bann prezantan aletranze, prezantasyon aletranze pardon.

Bann led proze kominoter wi i annan en Gouvernman partikilye ki pe ed nou en kantite avek bann proze kominoter. I kler ki dan bann lannen ki'n pase nou'n en pe an retar pou itiliz bann fon ki nou'n gannyen. Ti annan environ R30milyon si mon pa tronpe, R35milyon pou bann proze kominoter. Dan en premye trans e i nou pa'n kapab servi tou sa larzan, mon krwar i reste en balans lo 2 milyon.

Me deryer sa ler nou fini sa 35milyon 30milyon i annan

osi en lot 35milyon deryer ki nou bezwen pou pou nou servi.

Me nou problem nou *challenge* ki nou gannyen dapre sa ki mon vwar se ki nou pa pe ase al ase vit lo soumet proze e depans larzan. Vwala nou *challenge* ki i annan b larzan pou sa bann proze kominoter an partikilye avek en Gouvernman etranze i la.

E mon espere ki nou a kapab pouse al vit pou depans sa larzan. Mersi Mr Chair, mersi Onorab.

**MR SPEAKER**

Wi Onorab ki klarifikasyon ou bezwen?

**HON RICHARD LABROSSE**

Non Mr Chair i pa en klarifikasyon, me mon ti a kontan dir avek Minis, mon'n tann li dir i annan en pti pe *delay* par-ler ler pou prezant sa bann proze devan.

So la ou pe dir par egzant si mon annan en poze pou Plaisance mon anvil vin met devan ou la, ou kapab travay lo la pou nou? Mersi.

**MR SPEAKER**

Mersi. Wi Minis.

**MINISTER SYLVESTRE RADEGONDE**

Mr Chair Onorab wi sertenman proze limit ki nou'n dakor avek sa Gouvernman se ki i pa desot 7 milyon, R7milyon. So sak bann proze endividyel i devret *maximum* 7milyon. Si i annan en proze dan en kominote ki *access* ou proze so mon ankouraz ou parey mon ankouraz tou lezot Onorab dan zot diferan distrik, *come up* avek proze ki nou kapab propoz avek sa Gouvernman pou finanse. Mersi.

**MR SPEAKER**

Mersi nou a pas lo Onorab Cosgrow.

**HON WALLACE COSGROW**

Bonzour Mr Chair. Mersi Mr Chair. Bonzour Minis. Bonzour PS. Bonzour tou Manm Onorab. Bonzour tou dimoun ki pe ekout nou. Minis I annan 3 Lanbasad ki Anbasader in swa *retir* ou swa *resign*, eski zot pe ekspekte *fill-up* sa bann pos *soon*?

E dan lespri ki ou'n dir nou pe ankadre bann zenn Anbasader, eski bann zenn Anbasader pou ganny konsidere pou pran plas dan sa bann Lanbasad?

Aprè osi Minis mon rapel letan Prezidan Michel ti vin Prezidan, i ti koz lo 'diplomasi

aktiv', mon panse se pour sela ki Sesel in osi zwenn bokou lorganizasyon enternasyonal: Sesel in benefisye en kantite an term Korperasyon teknik avek bokou sa bann lorganizasyon ki zot pa neserman larzan, me lekspertiz teknik. Ki zistans ou ete lo sa evalyasyon kot bann lorganizasyon ki nou'n zwenn, eski ou krwar nou pou dezavantaz si nou kit enn de sa bann lorganizasyon an term lekspertiz teknik, ki nou kapab gannyen avek sa bann lorganizasyon ?

E trwazyenmman eski Departman Zafer Etranzer an se moman in fini travay lo son plan restriktirasyon, eski zot konnen ki kantite *staff* pou reste kantite *staff* ki pou ganny petet mon pa le dir 'met deor' petet ki pou bezwen *find en alternative employment* ? Mersi bokou.

### **MR SPEAKER**

Mersi Onorab. Minis wi.

### **MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. An sa ki konsern bann apwentman bann nouvo Anbasader. Mon oule fer kler e sa mon dir pou lenformasyon Lasanble mon

dir pou lenformasyon kominote deor e mon dir osi pou mon *staff Foreign Affairs* deza zot konnen mon pozisyon, pou mon dir ki post Anbasader i pa en pos otomatik, se pa aköz ou'n fer 20an 40an dan *Foreign Affairs* ki ou *next step* i Anbasader.

Anbasader i en pos ki demann serten kalifikasyon - serten kriter, me en kantite osi latitud, latitud ou kapab pli kalifye si oule, ou kapab ou'n fer 40an me si ou latitud ou pa en dimoun pou kapab depan lo la, en dimoun ki ou kapab *trust* ki ou parske deor ou pou travay ou tousel. Ou pou al defann bann dosye si ou pa kapab ganny konfyans ki ou pou fer sa, san sipervizyon ou pa pou kapab ale. Pa tou dimoun ki kapab vin Anbasader.

I demann en serten nivo. E se pou sa ki mon dir tou bann *line managers* ler zot pe *mentor* zot bann zenn diplomat, ouswa bann *staff* ki travay avek zot pou bezwen *manage* zot lekspektasyon. I pou annan nesese detanzantan pou anmenn dimoun dan diplomasi ki sorti an deor. E mwan mon ankouraze sa. Parske i anmenn en nouvo vizyon en nouvo fason fer keksoz. I pou

bezwen pa tou Anbasader ki pou neserman sorti *Foreign Affairs*.

Osi lontan ki sa balans i byen. Ou pa annan en *number* bann *political appointees* epi ou ganny tre pe bann Diplomat. Mwan ler mon'n kit isi an 2006 mon'n al travay dan *compagnie* prive *L'Angleterre*. Mon'n fer 11an 12an dan sa *compagnie*.

E toultan mon dir ozordi mon dir ki mon ti voudre mon ti'n konmans mon karyer dan prive e apre al travay dan Gouvernman, parske ou fason vwar keksoz ou fason fer i konpletman diferan - konpletman diferan. Mon pa pou al an detay la, me sa i en remark an pasan.

So Onorab mon plan sertenman ankouraze pouse *train* dimoun maksimonm prepar zot pou pran *leadership* e Minister e osi dan bann Lanbasad, pou bann ki pou kapab fer li.

An sa ki konsern *review* bann lorganizasyon e enternasyonal ou a eskiz mon si mon'n mank mon'n mank egzaktman kwa ki ou ti le soz - si ti pou annan pert? Non sa legzersis ki nou pe fer se i pou annan serten keksoz serten lorganizasyon ki annan en *overlap* e nou pa pou le kit en

lorganizasyon ki Sesel i riske perdi en kantite.

Me si ou demann mon si nou pa pou perdi, wi i en posibil pou vwar mank keksoz la. ou a mank en *scholarship*. Me si ou pou pey en lorganizasyon en legzanp \$50mil par mwan par an konman ou *annual subscription*.

E sel keksoz ki ou perdi ladan se *scholarship* i kler kote balans i ale avek \$50mil ou a fasilman pey sa *scholarship*, so ou pa devret reste dan sa lorganizasyon enternasyonal.

So pou asir ou nou pou fer sir ki bann lorganizasyon ki nou reste ladan, i bann lorganizasyon ki pou benefisyé Sesel.

An sa ki konsern restriktirasyon, wi nou'n fini fer restriktirasyon wi mon kapab donn ou garanti ki napa personn ki'n perdi plas, napa personn ki pou perdi plas.

E mon fer sa avek en *proviso*. E mon'n dir ek tou dimoun napa naryen si mon *staff* i tande la ki pou sekre pou zot. Napa okenn dyob ozordi ki garanti pou mwan pa garanti. Dimoun i bezwen *perform* zot konnen zot annan bann ler travay, zot bezwen travay. Diplomasi i pa en travay 8er 4er i pa en travay

Lendi Vandredi. I 24er 7 zour sir 7 365 zour par lannen.

Si nou konpran nou tou sa, e nou konpran dan *Foreign Affairs* i annan serten ki nou espekte ki tou *staff* i respekte. Zot delivre travay *on time*, mon demande ki zot proaktif ki zot pa esper *ine manager PS* Minis demande, zot proaktif. Zot, zot *come up* avek *issue* bann dosye si travay i koumsa napa personn ki pou devret per pou son louvraz.

So Onorab mon le donn ou lasirans ki avek sa restriktirasyon tou dimoun ozordi i dan en pos. E napa okenn personn a mon *avis* mon *PS* i dir mon otreman ki'n ki la i annan en lepe deryer son ledou pou dir li ou riske perdi ou plas. Vwala mersi.

### **MR SPEAKER**

Mersi. Onorab Cosgrow klarifikasyon, wi.

### **HON WALLACE COSGROW**

Wi zis en tpipti Mr Chairman. An konsernen sa 3 Lanbasad ki vid, eski nou pe *plan fill them up soon or non?*

### **MR SPEAKER**

Mersi. Wi Minis.

### **MINISTER SYLVESTRE RADEGONDE**

Mr Chair mersi, mersi Onorab. Non i pa pou *soon*, napa nesosite napa irzans pou apwent Anbasader toudswit. Nou pou regarde ofir sa lannen pou nou apwente par staz.

E sa ki nou'n vwar se ki pei i kontinyen tournen pandan sa letan *COVID* pou tou dimoun i reste se li, kot en kantite sa bann Lanbasad in napa Anbasader keksoz in kontinyen marse. So nou pou kontinyen koumsa ziska ler nou trouv kandida ideal e nou a fer sa gradyelman ofir bann mwan ki vini. Mersi.

### **MR SPEAKER**

Mersi. Onorab Mondon.

### **HON TERENCE MONDON**

Mersi Mr Chairman. Bonzour Minis avek ou delegasyon. Kestyon i lo size sa 9 misyon aletranze, eski Minis i kapab dir nou parmi sa 9 Misyon lekel ki pe zot pe fer zot pe pey 2 *rental* par egzanp zot pe pey lofis, Lanbasad an menm tan zot pe pey rezidans. E si zot pe mazin en pti pe fer sa ki kot Lanbasad i vin osi en landrwa lofis. E si zot in fer serten travay lo la si ti kapab dir nou lekel.

E mon dezyenm kestyon Minis in koz lo *diaspora* Seselwa aletranze in koz lo pou

ankouraz zot pou investir dan Sesel, eski sa i osi annan posibilite pou zot ankouraz zot osi fer *saving* Sesel en pe parey *L'Inde* i fer ek zot bann dimoun ki aletranze ki zot met zot larzan dan zot pei, ki sa i ava ede dan lekonomi. Si sa osi pou enkli en posibilite avek nou *diaspora* Mr Chairman?

**MR SPEAKER**

Mersi Onorab. Minis.

**MINISTER SYLVESTRE RADEGONDE**

Mersi Mr Chair. Mersi Onorab pou ou kestyon mon a pran sa dezyenm e *PS* si ou pa *mind* ou a pran sa premye lo bann Misyon lo bann *rent*.

An sa ki konsern *diaspora* wi Onorab sa i en konversasyon nou bezwen gannyen. *Il faut dit* nou tou nou konnen i annan osi nou tir politik dan tousala i kler ki dan lepase, i bann Seselwa ki deor petet pa'n ganny ase lankourazman.

E dan serten ka mon a dir ki petet zot in ganny vwar dan en fason *at least* serten Seselwa, ganny fer dan en fason ki pa'n donn zot konfyans pou ki pran sa pei konman zot pei.

Sa pei i pou nou tou *regardless* lo kote ou ete, e nou

ti a kontan ki zisteman an sa konsiderasyon ki sa i ou pei ki ou annan li a ker, ki oule vwar li vin *successful* demen ki wi ou get tou loportinite ki ou kapab fer pou ed li, e sa i enkli fer ou *saving* i, parske ler ou anvoy larzan isi i ede al dan sistenm ede ed pei. Mersi Mr Chair.

**MR SPEAKER**

Mersi *PS* wi.

**PS MARINA CONFAIT**

Mersi Mr Chair. Mersi pou ou kestyon. Wi *Foreign Affairs* i pey *rent* pou Lanbasad e osi pou akomodasyon. Sel landrwa ki nou pa pey *rent* se *Paris*, akoz sa *building* i pou Gouvernman Sesel e osi *UAE* nou ganny en *Grant* ki servi pou pey akomodasyon pou Lanbasad, e osi pou *staff*.

E tou lezot Lanbasad nou annan *rent* depandan kote zot ete, i annan ase ser e an total pou Lanbasad i apepre 6.3 milyon par an e pou akomodasyon pou bann Diplomat Anbasader avek *second* Diplomat, i apepre 7 milyon. Mersi Mr Chair.

**MR SPEAKER**

Mersi. Wi klarifikasyon Onorab.



**HON TERENCE MONDON**

Wi Mr Chairman, zisteman mon ti pe demande ki posibilite zot kapab olye pri sa 2 *rental* sa 7 pei kote i annan pe pey lofis apre ou pe pey *accommodation*, ki posibilite i annan pou zot kapab fer en sel landrwa ki zot pe peye ki zot kapab travay dan menm *building*? Mersi.

**MR SPEAKER**

Mersi Onorab. Wi Minis.

**MINISTER SYLVESTRE RADEGONDE**

Mersi Chair. Mersi Onorab pou ou kestyon. Sa i en legzersis ki nou pe fer kot i posib ki pa tou landrwa ki kapab fer pa tou pei fer pa tou sironstans ki permet sa. Me kot i posib nou fer. Pou redwir me la mon pe koz an zeneral pou redwir bann depans pei - pa selman *Foreign Affairs* me pei dan bann lokasyon kot in posib par egzanp nou pe *merge* avek touris par egzanp.

*Paris* kot *STB* ti pe pey apepre €10mil tou le de mwan tou le trwa mwan pou akomodasyon zot in prezan vin dan Lanbasad ki pou Gouvernman ki ti annan lespas ki zot pa pey nanryen la, eksepte zot bann bil elektrisite ensidswit, *utilities*.

*Londres* i al dan enn bann premye pei petet kot nou pou regard posibilite *merge*, setadir annan Lanbasad dan menm landrwa ki la rezidans Anbasader. I pa neserman mon ki'n viv en kantite dan sa bann landrwa kot ou annan biro lanmenm ansanm avek akomodasyon, i pa neserman tro *conducive* e sirtou ler ou annan en fanmir ki si pe reste anler dan letaz dimoun i anba dan biro, kot piti pe taye pe kriye pe fer tapaz i pa neserman *conducive*. Me kot i posib, nou fer li, nou pou fer li. Mersi.

**MR SPEAKER**

Mersi Minis. Onorab Aglae.

**HON EGBERT AGLAE**

Mersi Mr Chair. Bonzour Minis ek ou delegasyon. Minis mon ti a kontan si ti a sitye nou la fas sa pandemi la rol ki *Foreign Affairs* pe mazin zwe a lavenir. An vi ki Sesel nou ganny klasifye konman en *high income country* e si keksoz i kontinyen dan sa laliny, definitivman nou pe napa reveni i vedir nou pou sorti dan sa nivo.

Petet ki travay ou santi *Foreign Affairs* vi ki dan lentrodiksyon ou'n fer resorti kot zot rol se rod bann sipor

rod bann led kot nou kapab. E ler ou ganny klase konman *high income* i annan bann lasistans ki ou pa resevwar konman en pei.

So ki rol petet *Foreign Affairs* pe sey al zwe pou sey *convince* nou bann *partenaire* pou donn sipor Sesel?

Dezyenm ou'n nonm en pe sa bann misyon Aletranze, mon ti a kontan mon pou refer lo 2 Misyon an vi i annan misyon ki *L'Amérique* li menm sa *permanent mission USA*, mon vwar poudir ti sorti 7 milyon i desann 4.3 milyon pou 2021, dan zot *budget details*. Si ou ti kapab petet eksplik nou bann rezon ki i annan sa koupir *almost* mon kapab met li apepre R2 milyon.

Aprè kote *Londres* li menm misyon *Londres* ou annan en logmantasyon apepre en milyon sorti 5.7 pou vin 6.8. si ou kapab klarifye nou en pti gin kwa ki pe koz lo sa logmantasyon li menm.

E ou'n fer sorti dernyen ki sa 3 Lanbasad *mainly Paris, New York, Sud Afrique* zot pa pe mazin antisipe met en Anbasader la. petet si ou kapab eski pli k nou ki manner zot pe fonksyonnen an se moman la. Akoz petet ou dir mon premye sekreter ki

manner zot pe fonksyonnen? Mersi.

### **MR SPEAKER**

Mersi Onorab. Wi Minis.

### **MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Mon a pran premye kestyon avek ou trwazyenm e mon a les dezyenm pou *PS*.

An sa ki konsern *high income status* Sesel *high GDP per capita* i en *challenge* efektifman. E sa menm ler avan *COVID* nou'n esey angaz bann dimoun bann *partenaire* pou sey konpran ki malgre lo papye nou sipoze ris, me dan *actual fact* i annan en kantite *challenge*, en kantite bann kontrent.

E se sa nou demann zot pou pran bann konsiderasyon spesyal ki asosye avek bann pti leta.

Me sa diskisyon i pli aktyalite la, dan sa sistenm ki nou ete. E ozordi ler nou'n get nou sityasyon ekonomik nou *anything but high income country*. Mon krwar la si ou regarde ou a met nou dan menm kategori finansyerman ou a met nou dan menm kategori avek ki pei pov dan lemonn. Petet pa osi pov mizer

lapo lipye mon le dir. Me pov. Akoz nou napa mwayen finansyel.

Donk i en diskisyon ki mwan sertenman depi ler mon la, e mon asire ki mon pwen neser in fer sa osi. I sa ki nou pe fer avek tou dimoun ki nou pe koz avek dan bann detwa semenn, mon'n angaze avek bann plizyer sa Anbasader ki baze *Nairobi, Maurice*, e mon annan diskisyon avek serten Zafer Etranzer diferan pei. E sa langaz ki nou pe servi ki nou pe met devan.

E mon bezwen dir ki bann pei *Europeen you know* bann manm enportan dan *World Bank* avek *IMF*, zot montre senpati avek sa largiman mon pa dir nou pou vwar en solisyon demen, me zot montre senpati zot konpran.

So mon reste optimis ki sa i ava en largiman evantyeleman nou abouti sa keksoz menm si pa demen.

Ou trwazyenm kestyon ti konsern ki mannyer sa bann Lanbasad ki napa Anbasader ki mannyer i fonksyonnen? Ou konnen Anbasader i sef misyon e par lefe ki Anbasader donn li sa ran donn li akse avek dimoun a enserten nivo. Ler Anbasader pa la swa menm

ler i annan i ale an vwayaz i al vakans ensidswit se son nimer 2 kot i annan en limero 2 ki vin *basically* i vin magazen parey nou dir ziska ler Anbasader i retournen. E i fer menm dyob ki Anbasader i fer.

Sel keksoz sel kontrent ki sa bann zofisye ki en pe pli *junior* sel kontrent se ki akse. I pa pou neserman ganny akse *at the right level*. Me zot fer travay ki devret ganny fer ou'n mansyonn 3 Lanbasad ofet mon krwar i annan en pti pe plis wi i annan *Paris* i annan *Londres* i annan *Pretoria, UN*, osi *Addis Ababa* 5 i fer. Ki napa Anbasader, me i annan bann nimer 2 bann zenn Diplomat la ki pe fer en ekselan travay konman sef misyon.

So mon personnelman si ou demann mwan mon napa okenn lenkyetid ki zot kapab delivre travay ki nou pe espekte de zot. Mr Chair avek ou permisyon mon a pas avek *PS* pou reponn sa dezyenm kestyon.

### **MR SPEAKER**

Wi *PS*.

### **PS MARINA CONFAIT**

Mersi Mr Chair. Onorab ou kestyon ti lo Lanbasad *Londres* e Lanbasad *New York* diferans

dan Bidze 2020 avek 2021 tou le de Lanbasad zot Bidze *well Londres* in mont en pti gin sa i akoz *exchange rate*, e *New York* i desann e in desann akoz *staff* ki ti laba i lo kote *medical fees* avek *tuition fees*.

Pou bann diplomat ki annan fanmir i toultan koupir pli o akoz *medical fees* avek *tuition fees* i vreman o e la ki sa fanmir ki ti laba in desann nou annan en Diplomat ki napa fanmir avek li. So e lo kote *Londres* sa *increase* i akoz *rate exchange rate*. Mersi Mr Chair.

**MR SPEAKER**

Mersi PS. Onorab Woodcock.

**HON WAVEL WOODCOCK**

Mersi Mr Speaker. Mon premye kestyon i konsern en sonm ki *Foreign Affairs*, i dwa *Air Seychelles* pou *VIP Lounge*, sa ti monte dan *IAC* mon krwar ti ganny mansyonnen osi dan *SONA* si mon pa tronpe.

Si ou kapab donn nou en pe detay akoz sa sonm in akimile pou ariv sa kantite? Ki bann mezir ki ou pou pran pou fer sir ki Gouvernman, pa pey sa kantite larzan pou *VIP Lounge*, R10milyon?

Mon dezyenm kestyon, ou manda i annan pou fer avek mobiliz *international assistance*

avek bann led, e mon konnen poudir i annan bokou *MOU* ki Sesel in sinyen avek plizyer pei pou ganny bann lasistans teknikal ouswa finansyel.

Eski dan lepase nou'n angaze avek sa bann pei pou nou ganny sa bann lasistans, e ki ou Minister pe fer pou fer sir ki ban *MOU* ki nou ti avek bann pei pe vreman benefisyé avek parey nou devret?

E finalman Minis, si ou kapab dir nou en pti pe vi ki parey mon dir ou manda se pou mobiliz led enternasyonal pou ganny lasistans finansyel avek bann lezot ed, ki ou Minister pe fer pou nou ganny lasistans sirtou la dan sa moman *COVID*?

Pou nou ganny parey lasistans, *I don't know in-kind* ouswa vaksen bann lezot keksoz, lasistans finansyel e lezot ankor pou ed nou pou dil avek sa pandemik *COVID-19*? Mersi bokou.

**MR SPEAKER**

Mersi Onorab. Minis wi.

**MINISTER SYLVESTRE RADEGONDE**

Mersi Mr Chair. Mersi Onorab pou ou bann kestyon. *VIP Lounge* sa i en nespes kado anpwazonnen ki mwan mon'n erite parmi detrwa ankor.

*Ok, long and short* se koumsa, *Foreign Affairs* i servi fasilite *VIP* avek *Air Seychelles* ki'n arive depi 2013,'14, *bil* pa'n ganny peye, ouswa pa'n ganny peye pa'n ganny swiv pou ganny peye manner ti devret ganny peye. Ki fer ki nou'n akimil apepre R10milyon dan *unpaid bills*.

E ler mwan mon'n demann fer en lanket al regarde i manner, i kler ki sa i pa zis pour, ziska konmela mon osi mon ti anba lasonpsyon ki sa i konsern zis *VIP Lounge* e i pa konsern zis *VIP Lounge* i konsern osi bann pasaz avyon ki nou dwa *Air Seychelles*.

E problem ki nou pe gannyen la se ki *Air Seychelles* pa kapab donn nou laprev bann *VIP* lekel ki'n servi, kan ti servi e pa kapab donn nou laprev sa bann pasaz ki swadizan i dir *Foreign Affairs* i zwenn, i dwa li.

Donk nou dan sa sityasyon, kot i annan en gro sonm ki nou dwa, i kler, mwan pou mon ozordi i kler ki mon pa war ki manner *Foreign Affairs* pou zanmen kapab pey sa det. Nou'n eseye dan trwa dernyen mwan, nou'n fer peyman.

Me sa ti en *one-off* mon pa konnen kote nou'n ganny

larzan. Me sertenman ler mon pe regard Bidze mon pe regard *commitment* ki nou annan *going forward* nou pa pou kapab, *so somebody somewhere* pou bezwen fer en desizyon *write-off* sa det.

Ki nou pe fer prezan pou fer sir ki sa pa ariv ankor ...

### **MR SPEAKER**

Minis *sorry*, ale fini lo sa size apre pas laparol ek *PS* akoz mon krwar i oule adres, kontinyen. Ler ou terminen pas laparol avek *PS*.

### **MINISTER SYLVESTRE RADEGONDE**

*Alright*. An sa ki konsern ki nou pe fer pou fer sir ki sa pa ariv ankor, nou'n fer en revizyon total bann dimoun ki kapab ki annan drwa servi *VIP*, *Il faut dire aussi* ki Lasal *VIP* ti en zafer tou dimoun ki pe vwayaze, tou dimoun i pas *VIP*. Vini avek tonton, tantin, piti, neve, pti nyes, pti tou.

La mon pa pe akiz person en, mon pe zis dir sityasyon manner mwan mon'n vwar. E nou pey apepre €45 *par tête*, par sak dimoun ki servi lasal *VIP*. E ou kapab mazine si en dimoun i vini ek son fanmir, 4 dimoun zis sa 4 konbyen i kout nou e miltipliy sa par tou le mwan par sepa

konbyen pandan en mwan 30 zour, 31 zour.

So ki nou'n fer, nou'n reviz dimoun ki'n kapab servi Lasal *VIP*, nou'n *limit* li *to the minimum* e par egzanp Manm Lasanble zot a konnen, si pa ankor konnen zot a ganny enformen ki bann Manm Lasanble par egzanp i a kapab servi Lasal *VIP when they are travelling on duty*.

E i pou menm zafer pou en kantite lezot kategori dimoun, e apre i limit osi kantite dimoun osi ki kapab akonpanyen. Ou konnen dan letan pase ler avyon ti pas rar isi ou ti bezwen tout lafanmir pou desann pou al *see-off*, sa dimoun ki pe ale. Ozordi vremen i pa vremen nesese ki ou annan tou sa lafanfar ki desann pou al akonpanyen e vin dan lasal *VIP*.

So nou'n redwir lalis dimoun ki entitle pas dan *VIP* e apre nou'n met en striktir an plas pou nou pey nou det a ler. E mon krwar depi ki mwan, nou *up-to-date* avek nou *current* det ki nou annan vizavi *Air Seychelles*.

An sa ki konsern lasistans ...

### **MR SPEAKER**

Eskiz mwan lanmenm la mon ti oule, *PS Thesee* ti anvi donn en komanter.

### **PS DAMIEN THESEE**

Bonzour Mr Chair e bann Manm Onorab. Sa *issue VIP Lounge* si i koumsa ozordi se akoz mon krwar nou'n fer en fot nou'n pran *VIP Lounge* ki ti ek Gouvernman, nou'n pran nou'n donn *Air Seychelles* pou *manage*, in sarz nou e nou ti war ki tou pei i annan son prop *VIP Lounge*.

Gouvernman i annan son prop *VIP Lounge* e *back then* ler i ti ankor ek Gouvernman nou ti pe pey a peyre R500mil a R600mil par mwan. E dapre sa lagreman ki ti ganny fer nou ti pou pey nou R2.5milyon tou le mwan, avek sa kalite laranzman e malerezman i pa'n arive R2.5milyon in ariv plis.

So sa aryeraz i *as a result of* sa *higher rate* ki'n ganny sarze par *Air Seychelles* e sa Bidze R2.5milyon pa ti ase. So lo nou kote nou pa'n kouver sa aryeraz, akoz nou ti demann *Foreign Affairs* sa letan, pou zot revwar sa kalite lagreman ki zot ti donner akoz zot ti donn en *rate* \$90 apre ti annan en kontansyon \$60 apre mon krwar la dernyenrer in ariv \$35.

So i pa pou *sort out* sa *issue* toultan nou pa sey revwar sa laranzman ki nou fer, akoz i pa varyab pou pran en fasilite ki ou ti annan donnen pou *operate* apre nou pe pey apepre R3milyon tou le lannen. Mersi.

**MR SPEAKER**

Mersi, Minis ou a kontinyen silvouple. Ou lot pwen.

**MINISTER SYLVESTRE RADEGONDE**

Mersi Mr Chair. An sa ki konsern mobilizasyon lasistans, e petet mon a *link* li avek ou trwazyenm kekyon Onorab. *Challenge* ki nou gannyan ozordi zisteman, se an rezilta sa sityasyon ki nou trouv nou ladan parey Onorab Aglae in dir pli boner kot nou ganny konsidere en pei ris.

Donk pou ou ganny lasistans ozordi ou transpire e konmsi mwan mon konnen sertennman dan plas kot mon pe asiz la ozordi. Me in kler depi plizyer lannen ler mon ti Anbasader deor ki sa bann largiman donn larzan, ganny larzan i pa pe marse *anymore*.

So ki nou bezwen fer se rod bann lezot fason ki nou kapab ganny lasistans e souvan nou war ki ler nou, par egzanp nou anpandan avek en

lorganizasyon enternasyonal par egzanp nou al asosye nou avek en group bann pti zil lo en proze spesifik, rezyonal, dan lanvironnman, dan sekirite maritim.

La nou kapab benefisy e se sa mon krwar *going forward* ziska ler sa zafer revwar nou stati koman en pei a o reveni, nou pou bezwen kontinyen asosye nou e regarde dan bann diferan poze rezyonal dan en konteks pli gran ki mannyer nou kapab benefisy e.

Me i pa fasil, i pa fasil ditou. I en diskisyon ki nou kontinyen, nou ti kontinyen gannyan avek bann partener pou fer zot konpran sityasyon, me i en travay ki nou bezwen kontinyen fer. Mersi.

**MR SPEAKER**

Klarifikasyon Onorab? Wi.

**HON WAVEL WOODCOCK**

Wi Mr Speaker. In mank sa bout lo bann *MOU*, bann ki nou'n sinyen avek bann lezot pei, bann benefis ki, eski nou'n vremen servi benefisy avek sa bann *MOU* ki nou sinyen? E si ou Minister pou fer sir ki sa bann lagreman ki nou fer sa bann *MOU* ki nou sinyen nou pe vremen benefisy parey nou devret.

Aprè en klarifikasyon Mr Speaker lo sa sonm, mon krwar si mon pa tronpe ou'n mansyonnen poudir *Air Seychelles* napa, pa pe vremen kapab prouve poudir nou vremen dwa sa sonm?

E alor, eski i annan en konponan dan sa Bidze pou pey, konbyen zot in peye *so far*, eski i annan en konponan dan sa Bidze pou pey sa ki reste?

E finalman zis si Minis i kapab donn en garanti ki sa bann labi ki nou'n war dan lepase in arive dan *VIP Lounge* kot tonton, tantin, galan, kouzen, kouzin in servi *VIP Lounge* pou sepa konbyen Milyon Ero sa bann labi pou arete Mr Speaker? Mersi bokou.

### **MR SPEAKER**

Mersi. Minis wi.

### **MINISTER SYLVESTRE RADEGONDE**

Mr Chair. Ou a eskiz mwan Onorab mon pa'n al an detay dan ou kestyon avan konsernan *MOU*. Mon krwar *challenge* ki mwan mon'n trouve avek *Foreign Affairs* e tou dimoun i konnen se zisteman *follow-up*, nou sinyen en kantite *MOU*, nou gannnen en kantite lagreman me apre napa *follow up* ki ganny fer.

E ou a trouve dan en kantite domenn ni vedir nou perdi. I ki sa swa dan *MOU*, ki sa swa dan en lot keksoz, ou konnen mon krwar Prezidan dan en pase resan in fer referans avek *scholarship* ki nou pa pran, i vre, nou gannnen en kantite *scholarship*, nou'n gannnen en kantite *scholarship*.

E la ozordi i annan en kantite *scholarship* ki dan tirwar *Foreign Affairs* ki nou pa'n servi, anfen *Foreign Affairs* mon dir *Foreign Affairs*. *Foreign Affairs* i resevwar apre i pas avek Lotorite konsernen kot Minister Ledikasyon pou swiv. Nou pa servi.

So nou gro problemn ki nou bezwen adrese se *follow-up*, nou siny en lagreman, pa zis ale fer seremoni devan televizyon, fer zoli diskour, se en zafer fer sir ki nou enplimante. Parske le bit ki nou fer sa *MOU* nou pe regard i nou lentere pou nou e fer sir ki nou gannnen lentere ladan.

So sa ki mon kapab dir se ki sa i en travay ki nou pe fer, *going forward* nou pe fer sir ki nou *follow through* bann *commitment* ki nou'n fer. An sa ki konsern *bill Air Seychelles* mon pa konnen si *PS* i pou donn nou larzan.



**MR SPEAKER**

PS, wi.

**PS DAMIEN THESEE**

Mersi Mr Chair. I annan ankore R2.5milyon dan Bidze pou *VIP Lounge*, sa i sa alokasyon ki nou'n mete parey tou le lannen e parey nou'n dir nou konnen ki in annan bann *claim* ki napa *supporting documents*. So nou pa pou kapab *settle anything* ki *Air Seychelles* pa kapab prouve vre i annan sa *claim*. Mersi.

**MR SPEAKER**

Mersi. Onorab Arissol. Sandy.

**HON SANDY ARISSOL**

Mersi Mr Speaker. Bonzour Minis. Bonzour tou dimoun i a lekout. Mr Speaker ankore enn fwa nou tande dan Lasanble Nasyonal R10milyon anba *mis-management* e sa ti vye tim avan, la i annan en nouvo tim.

So anba vye Gouvernman R10milyon e parfwa letan nou tann bann Manm pe koz lo lasyet manze kantite travayer ti kapab ganny en saler R10milyon e napa dokiman pou siport sa.

Alor mon ti a kontan demann Minis, zisteman Minis letan ou'n koz lo an relasyon fer tir bann Lanbasad ki lamazorite bann Manm in koz lo la.

E letan mon pe get ou manda, mon ti a kontan demann ou letan Gouvernman in pran en tel desizyon pou ferm bann Lanbasad avek ou manda ki ou annan, eski sa pa pou afekte travay la diplomasi pou sesel?

E donn nou en pe detay an term finans, konbyen in kout pei, konbyen pei in *save* an relasyon avek sa bann fermtir?

Dezyenmman mon ti a kontan demann ou letan ou'n konfirm, ou ti a kapab donn nou en pe detay, letan ou'n koz lo *Cuba*, mon kontan taler letan Onorab Cosgrow in koz an relasyon avek bann zenn Lanbasad.

Me selman Onorab Cosgrow in bliye Mr Speaker poudir Gouvernman *SPPF* ti fer David Pierre, Marie-Antionette Rose, Dick Esparon pas par devan Marie Louise Potter, pas par devan plizyer zenn ki ti'n la pe espere pou li aspire pou vin en Anbasader en zour.

E zot in vin Anbasader avan sa bann zenn. E ozordi mon kontan letan ou pe rod en tyak Anbasader aköz nouvo tim ou pa ladan.

Mr Speaker mon ti a kontan demann Minis alor, donn nou en pe detay zisteman lo bann Lanbasad, par egzant

*Cuba* donn nou en pe detay transpor, konbyen zot ti annan, konbyen transpor *Cuba* ti annan?

Donn nou en pe detay zisteman lo Lanbasader Mr David Pierre *L’Ethiopie* son lakaz, sekirite, transpor. Konmsi i ava enportan pou nou konnen koman en Gouvernman avek letan zot pe dir fermtir pou nou balanse avek depans ki pei in fer en *savings*, kote nou antre dan tousala?

Minis mon ti a montan ou donn nou en pe detay. Mersi bokou.

### **MR SPEAKER**

Mersi Onorab. Minis wi.

### **MINISTER SYLVESTRE RADEGONDE**

Mersi Mr Speaker. Mr Chair pardon. Mersi Onorab pou ou kestyon. Fermtir bann Lanbasad ki sonm *savings* nou'n fer ki nou krwar nou pou fer se R13.2milyon dapre nou kalkil ki nou pou fer e sa byensir an *forex* ki pa pou kit pei.

Sa ki mon bezwen dir sa komanter zeneral Onorab ant sa 2 kestyon *Cuba*, *L’Ethiopie*, sa ki mon bezwen dir se ki, sa ki mwan mon'n remarke ler mon'n vin isi *Foreign Affairs*.

Mon remarke in annan diferan fason tret diferan Lanbasad e diferan Anbasader.

Mwan mon konnen ki mannyer mon ti pe ganny trete pa li. Kot par egzanp mon pa pou ganny okenn *replenishment* si mon pa soumet mon *account*, annandler ou lo zero, lo *empty*, ou bezwen prezan taye pou tou larzan akoz sa i sipoze regleman. Me sa ki mon war i diskisyon pli boner in soz, se ki i annan serten Misyon ki pe kontinyen annan larzan e menm ler fermen zot annan deza €30ekek mil dan kont.

Mon war par egzanp ki serten Lanbasad e mon sirprann ler mon ariv *Foreign Affairs* mon war serten Lanbasad zot donn ou en pti pe lanmen lib pou *recruit staff* en pe ki zot oule. Si ou pran *L’Ethiopie*, *L’Ethiopie* par egzanp ler mon regarde zot annan, zot ti annan 11sekirite, *ok?*

Donk ler mon'n demann kestyon mon'n ganny dir plizyer leksplikasyon i danzere ensidswit, i posibil, i posibil. Me 11, apre mon ganny dir ki sa 11 i pa neserman *security guards* malgre zot paret koman *security guards* zot gardyen, *ok* me i 11.

Mon regard serten lezot Lanbasad kot Lanbasader in pran lakaz, gran lakaz plizyer lasanm kot in menm kapab prezan *accommodate* plizyer fanmir ki an deor, Seselwa mon oule dir.

Ki *hopefully* non, pa pe lwe sa, *hope* pa pe lwe. Mon krwar sa i ava regle lafen sa dimwan la ki zot in ganny dir donn *notice* pou sorti, kot i annan en Lanbasad i annan 2 diferan fanmir pe reste dan Lanbasad.

I annan serten Lanbasad ki Anbasader i annan en asistan ki al avek li miting, sipoze pou anmenn son *briefcase*, i annan en *Office Manager* i annan en sekreter i annan en dimoun ki pou okip *account* i annan drayver, i annan *cleaner* i annan lot.

Ou konpran? E ki mon dir i mank en lord dan sa zafer, e mon pa pou neserman blanm, non, mon a blanm osi sa Lanbasader. E se sa mon retourn lo mon pwen ki mon ti fer pli boner.

Ler ou al Anbasader la, ou bezwen annan en dimoun ki kapab servi ou latet, konpran ki pei dan sa ka la ki pei i dan sa problem, dan sa moral ou pa kapab fer sa, i pa devret *Foreign Affairs Headquarters* ki devret pe dir li.

So se sa mon pe dir sa kalite dimoun ki nou anvoy koman Anbasader i bezwen li en refleksyon ki vin otomatik, si i pa vin otomatik nou annan en problem, nou annan en gro problem.

So vwala Onorab problem ki nou annan, i mank lord, e fer sir ki *headquarters* osi kit sa bann Lanbasad *honest*. Fer sir ki nou dir ki si ou'n marye ou *entitle* en lakaz sepa en *flat* 2 lasanm, 3 lasanm si ou Anbasader 3 lasanm, maksimonm *ceiling* tan, ki nou reste nou fer sir ki sa i ganny swiv.

Ou pa kapab de pwa de mezir, dapre si ou kontan enn ou pa kontan lot, ouswa lot i konn ki mannyer i pase, i *bypass PS* ek tou lezot i ale i al fer son debrouy pli devan. Mon parmi mon kontinyen mon vin lo mon ka menm *sorry* pou mon servi, mon ka, aköz i mon ka ki mon konnen.

Mon ti annan en pti *flat* par lao Lanbasad, mon flat ti 2 lasanm edmi. *Ok* mon ti annan en lasanm, en lot lasanm apre mon ti annan en pti landrwa kot ou met karo drese. Be ler apre mon ariv isi mon regarde i annan Anbasader dan lakaz 5 lasanm *plus study* i annan ki annan ase plas pou met *staff*

ladan. Mon dir be nou annan en problem *somewhere*.

Ler nou dir ki limit pey lakaz i sepa \$4000 sepa konbyen i ete, i annan pe pey \$5500 par mwan, ki en *drain* lo pei, *ultimately*. Mon poz mon lekor kestyon, so vwala Onorab mon'n fer en detour pou mon dir ou vwala sityasyon ki manner i ete. Me *going forward* sa ki mon kapab donn sa Lasanble garanti se ki sa bann letan in fini, in vreman fini.

**(APPLAUSE)**

**MR SPEAKER**

Mersi Minis. Klarifikasyon Onorab? Wi, terminen silvouple vitman.

**HON SANDY ARISSOL**

Mersi Mr Speaker. Mersi Minis pou ou larepons. I annan zis en pti kestyon Minis ou pa'n reponn pou mwan sa se an relasyon avek letan fermtir Lanbasad, si pa pou afekte travay ki nou pei i fer an relasyon avek Lanbasad?

Sa ou pa'n reponn be selman an relasyon avek ou larepons Minis mon ti kontan ou konfirm avek nou poudir sa ki leksplikasyon ki ou'n donn nou la, sek ki Lanbasader atraver bann Lanbasad ki nou

ti nan atraver lemonn sakenn ti e fer pou li, enn ti fer en kote, e lot ti fer lot kote zis par egzanzp ki ou'n donn nou pou ou. Mersi bokou Mr Speaker.

**MR SPEAKER**

Mersi Onorab. Minis wi.

**MINISTER SYLVESTRE RADEGONDE**

Senp repons pou dernyen komanter Onorab. Larepons se wi. An sa ki konsern si i pa pou afekte travay Lanbasad pou pei si napa en Anbasader, ouswa si nou'n ferm Lanbasad mon krwar mon retourn lo komanter ki mon ti fer dernyen vizit ler mon ti vin isi.

Non, i annan dimoun i krwar konmsi si ou napa en Lanbasad, pei pa pou marse, soley pa pou leve. Nou en pti pei, mon repet ankor nou en pti pei, parske si ou al dapre sa largiman i vedir nou pou bezwen annan en Lanbasad dan tou sa pei dimoun, i pa pou posib.

Nou bezwen dapre nou lentere stratezik pozisyonn nou la kot nou ete, e la menm si ou demann mwan ozordi mwan mon krwar 9 Lanbasad, sa 9 Lanbasad sirtou dan bann landrwa kot zot ete, i annan en kestyon ki nou bezwen

demande, nou bezwen revwar, *still*.

Nou lentere i limite, nou devret regarde kote nou annan plis lenpak, e kot nou a kapab fer li. Si napa en Anbasader, si napa Lanbasad travay i kontinyen e sa i en keksoz ki *COVID* in montre nou, se ki efektifman nou kapab fonksyonnen san Lanbasad.

Tou miting ozordi i fer par *zoom*, mwan tou mon bann aktivite ki mon pe fer *Foreign Affairs* se par *zoom*. Diskisyon pou ganny vaksen, diskisyon pou ganny soz medikal, tou nou pe fer par *zoom*. Pa bezwen Lanbasad, i pa endispansab mon a met li koumsa. Mersi.

**MR SPEAKER**

Mersi. Onorab Loze.

**HON JOHAN LOZE**

Meri Mr Speaker. Minis mon kapab garanti ou ki mon kestyon pa kontenir okenn lenformasyon entern ou Minister ki pou permet en kankan ganny fer kont okenn lennmi politik, okenn dimoun.

Mon kestyon se dan sa letan *COVID* Minis bokou pti pei pe tourn anver en *full platform e-diplomacy*. La mon pa pe koz zis miting, me *to the extent of even supporting*

*consular services online* e i annan pti pei ki'n fini komans al dan sa bann direksyon.

E mon kestyon se, eski Sesel ou santi ki nou pou kapab evantuelman komans eksplere pou al dan sa bann direksyon? An sipor ou largiman ki ou pe, pe dir nou en pti pei nou pa bezwen tou sa bann Lanbasad.

Be eski nou kapab bouz lo en lot nivo kot nou al *to provide full digital diplomatic service* menm avek tou bann partener diplomatik aletranze *that is* lo en baz pei, sa pei kot sa i ganny fer elektronikman?

Mon dezyenm pwen se lo kestyon *redundancies*, Minis nou pou swazir pou fer ou konfyans lo sa ki ou'n dir nou lo kestyon *redundancies*. Menm si i annan serten ou bann koleg ki'n vin devan Lasanble e koz mansonz avek Lasanble, lo sa kestyon *redundancies* dan ou ka nou pou swazir pou nou krwar sa ki ou'n dir nou. Mersi Mr Speaker.

**MR SPEAKER**

Mersi Onorab. Minis.

**MINISTER SYLVESTRE RADEGONDE**

Mersi Mr Speaker, Mr Chair. mersi Onorab. *Food digital*

*diplomatic services* Mr Chair ou konnen Sesel i pa wi, i annan plizyer pei pe fer li sirtou bann ki bezwen *issue visa*. Me nou, nou napa en *visa service*, so bann dimoun ki bezwen bann *controller services* se dimoun ki'n perdi en *passport* ki'n kwense kek par ki'n perdi son tiket ki'n napa larzan in mank son pasaz.

Sa i pa pou posib fer *digitally*. Me wi prensip zeneral pou *move* dan direksyon fer *as much as possible* elektronikman si oule, sa i devret reste mon krwar nou laspirasyon nou tou, ki sa swa dan diplomasi ou aryer. Sa i reponn ou kestyon.

Lo ou dezyenm Onorab mon krwar sa i plito en komanter e ki mon a reste, mon pa a fer komanter lo la. Mersi.

### **MR SPEAKER**

Mersi. Onorab labonte.

### **HON ANDY LABONTE**

Bonzour Mr Chair. Mersi Mr Chair. Bonzour Minis ek ou delegasyon. Mon kestyon i plizoumwèn direktman lo Bidze li menm li, mon pe al lo *Public Sector Investment Program* kot mon war anba *program 1* i annan en

lenvestisman 3milyon 500 ki in ganny *allocate*.

Me selman i pa spesifye, in mete koman '*Foreign Grant*', me selman i pa'n dir ki pei vreman ki pe donner. Petet nou ti a kapab ganny en pti klarifikasyon aköz menm anba *programme 1 SP 2* mon war poudir anba *maintenance and repair* i annan 377mil, prezan mon pe sey gete ki diferans i annan.

Mon dezyenm kestyon i plizoumwèn vin lo *programme 1* ankor kot *security and enforcement* kot mon war in sorti 50mil pou vin 300 mil petet ou kapab donn en klarifikasyon.

Aprè mon'n war Minis, tann Minis dir ki koman en Lanbasader ou travay Lendi pou Lendi nenport keler. Be selman mon annan pti konsern Minis, aköz parey ou'n menm dir poudir ler mon pe get zot manda se ki zot menm asiste Seselwa ki dan difikilte aletranze.

E mon annan en Seselwa aparaman ki dan serten difikilte, e mwan menm mon mon'n anvoy *mail* kot serten dimoun aletranze ki sipoze asiste nou, me selman depi Desanm mon'n ganny en repons mon pa ankor ganny naryen ankor ziska prezan.

E mon ankor pe kontinyen follow up i paret mwan sa dimoun swa i pa anvi reponn swa, me selman mon kapab dir ou direkteman *on one-to-one* pli tar lekel sa, e mon krwar ou okouran lo la akoz mon'n deza kominik ek ou lo la osi.

Petet si i ava en, i ti a bon ki nou fer sa bann dimoun konnen poudir vi ki nou vot pou nou Bidze, so ler zot ganny, nou pe vot pou zot Bidze ki sorti dan pos Seselwa, so zot delivre pou osi ed nou sitwayen. Mersi.

**MR SPEAKER**

Mersi Onorab. PS wi.

**PS BESSY BANANE**

Mersi Mr Chair. Mersi Onorab pou ou kestyon. Ou kestyon avek sa *capital expenditure* 3.5milyon sa i en proze pou renovasyon dan *building Foreign Affairs*. Sa proze ti la depi 2019 in kontinyen e i annan en larzan ki'n deza peye pou serten travay ki'n ganny fer.

Sa ti 1.6milyon, e balans ki'n reste avek lezot *extra cost* akoz sityasyon in sanze, prezan kou pou kontinyen sa proze i pli o, alor i annan lezot larzan ki'n ganny mete ki fer li vin sa 3.5milyon.

Sa se egzakteman pou konplet ban travay renovasyon parey nou konnen *building Foreign Affairs* i en vye batiman, so i annan en kantite travay ki pe ganny fer lo la, lo sa twalet, lo son *roofing*, pou penn e osi i annan bann landrwa kot nou bezwen fer renovasyon ase mazer. Alors sa 3.5 pou ganny servi pou sa. Mersi Mr Chair.

**MR SPEAKER**

Mersi. Lezot pwen, i annan son pwen lo sekirite apre lo lasistans aletranze? Lekel ki pe...? Minis wi.

**MINISTER SYLVESTRE RADEGONDE**

Mersi Mr Chair. Onorab an se ki konsern lasistans aletranze mon regrete si ou pa pe ganny solisyon ouswa repons keksoz ki ou'n met devan. Petet nou a *take that up offline* e mon a ganny plis detay, *I will follow-up*.

Me mon kapab prezant ou mon *apologies* pou sa. Mersi.

**MR SPEAKER**

Sekirite, lekel ki kapab reponn?

**PS MARINA CONFAIT**

Mr Chair, eski Onorab i kapab repet sa kestyon? Nou pa'n ganny li tro kler silvouple.

**MR SPEAKER**

Onorab i oule klarifye.

**HON ANDY LABONTE**

Anba *program* 1 SP2 kot *security and enforcement* mon'n war i annan 50mil ki'n vin 300mil, apre ou pa'n dir mwan *regarding* sa lenvestisman akoz mon war in ganny mete anba *Foreign Grant* ki pei ki vreman pe vann sa? Mersi.

**MR SPEAKER**

Mersi. *PS.*

**PS MARINA CONFAIT**

Mersi Mr Chair. Mr Chair sa 3.5 i pa en *Grant* i larzan ki Gouvernman in met dan sa proze. Parkont *Foreign Affairs* in ganny en *Grant* R3.5milyon. Me sa ti en *Grant* ki nou'n gannyen avek Gouvernman Sinwan, e pa li ki mon pe refer avek i pa a montre dan Bidze.

Konsernan sekirite, *Security Enforcement*, oparavan nou, kot *Foreign Affairs* Minis ti *part time*, so ti napa provizyon sekirite pou Minis. La ki nou bann en Minis *fulltime* prezan nou'n fer provizyon pou nou sekirite pou

sa Minis parey lezot Minis osi i ganny *security services*. Mersi Mr Chair.

**MR SPEAKER**

*Thank you.* Onorab Hoareau.

**HON JOHN HOAREAU**

Mersi Mr Chair. Bonzour Minis ek ou lekip. Bonzour Mr Chair. Bonzour tou koleg. Bon mon kestyon i baze lo *11<sup>th</sup> PDF*, eski Minis i kapab dir nou si sa i ankor aktiv apre mon ava poz li mon kestyon?

**MR SPEAKER**

Ki ou'n demande egzakteman la Onorab?

**HON JOHN HOAREAU**

Lo *PDF* sorti kot *EU*? I ankor aktiv. *Ok*, mersi. So mon pe gete *from the* fasilite pou *technical corporation facility* ki kantite larzan nou'n servi lo sa 2.2milyon ki'n ganny ofer par anba sa fasilite?

Eski nou pe proaktiv pou anmenn bann koman dir sa, bann size vilnerabilite bann pti pei pou nou fer sir ki nou kapab *tap into* sa bann *funding* ki annan? Mon dezyenm kestyon i lo en pti pe baze lo *diplomacy* ki mon krwar Onorab Loze in koz lo la.

Mon pe gete si zot annan, konbyen zot annan, bann *non-*



*Residential Ambassadors* ki pou ganny akredite sa lannen? Mon pa pe dir *envoy* akoz nou konnen dan latab i annan lo *envoy* me *Ambassadors*.

Aprè mon ti annan en kestyon osi lo ki kantite pei, i annan 5 pei ki'n dir ki zot pou annan *Visa Waiver Agreement* avek sa lannen. Gete si ou kapab donn nou en nide lekel sa 5 pei. E dernyen lo kote ...

**MR SPEAKER**

Onorab! Onorab, nou pe tenir lo limit 3 pwen.

**HON JOHN HOAREAU**

*Ok*, mersi.

**MR SPEAKER**

Minis adres sa silvouple.

**MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Lo *11th PDF* mon napa sif egzakt la ki balans ki nou annan. Me sa ki mon konnen dapre en miting ki mon'n annan *desk officer* pou *L'Europe Foreign Affairs* mon konnen tou larzan ti'n fini ganny *committed*, ki ofet difikilte ki nou ti pe gannyen ti zisteman parey mon'n dir avan se pouse pou sey fer sa bann proze avanse.

So si ou pa *mind* mon agree ek mon lekor mon a rod lenformasyon e mon a kominik avek Lasanble. An sa ki konsern akreditasyon pou sa lannen. Eski Onorab i oule, i pe demann mon Anbasader ki pe vin akredite Sesel, ouswa konbyen nou pou akredite aletranze?

**HON JOHN HOAREAU**

Bann ki pou ganny akredite aletranze. Mersi.

**MR SPEAKER**

Mersi. Wi Minis kontinyen.

**MINISTER SYLVESTRE RADEGONDE**

Mr Chair mersi. An sa ki konsern Anbasader ki pou ganny akredite aletranze, i en legzersis ki nou pe fer. E sa i a *link* osi ek sa 5 pei ki annan *vacancy* ki nou napa Lanbasad ladan. Ou'n demann lalis i *New York, L'Ethiopie, Sud Afrique, Paris* ek *Londres*.

Pou annan potansyelman osi *La Chine*, parske Anbasader *La Chine* in ganny *recall* i ava pe desann dan detrwa semenn la. So potansyelman 6 *vacancy* Anbasader. Eski nou pou akredit dimoun? Wi, zot konnen ki anbasader Morel in

sertenman anfen in fini ganny re apwente Anbasader.

So li i ava pran enn bann post byento, pou lezot nou ava regarde okouran lannen ki mannyer nou pou kapab ranpli e a ki moman. Be tre probab ki nou pou akredit, ki nou pou ranpli tou sa bann *post* sa lannen. Si sa i reponn ou kestyon Onorab. Mersi.

**MR SPEAKER**

Mersi. Onorab Gabriel.

**HON JOHN HOAREAU**

Mr Speaker mon pa ankor fini.

**MR SPEAKER**

Wi, ou annan klarifikasyon?

**HON JOHN HOAREAU**

Non, i annan en kestyon ki pa ankor fini reponn. Ki bann pei ki nou pou annan *Waiver, Visa Waiver Agreement* avek?

**MR SPEAKER**

Mersi.

**MINISTER SYLVESTRE RADEGONDE**

Annan, pou ki nou annan? Ki pou annan? Mr Chair sa mon bezwen osi al regarde sa ki mon bezwen dir e *PS Finans* i konnen se ki sa bann zafer *visa Waiver Agreement* i annan

en kantite pei ki pe met kestyon *question mark(?)* avek.

I annan serten pei ki nou ti'n deza komans angaze avek zot e apre swa pou en rezon ou en lot zot in deside met *hold* e apre lo kote nou kote osi nou'n met rol lo serten, pourswiv serten diskisyon.

So menm sa sif 5 mon krwar nou pou bezwen revwar. Mon pa pou kapab donn en larepons kler la dezole. Mersi.

**MR SPEAKER**

Mersi. Onorab Gabriel.

**HON CONRAD GABRIEL**

Mersi Mr Chair. *Welcome* Minis mon a dir zot bonzour ek ou delegasyon. Atraver nou bann Konsil Onorer e osi tou nou bann partener atraver lemonn antye. Mon ti a zis kontan konnen Minis pou le moman so *far*, la kantite larzan Sesel i gannyen oubyen in ranmase dan sa fon *COVID-19*? Sa i enn.

Eski ou Gouvernman i annan plan pou annan son prop batiman pou *house* bann *overseas mission* ki pe pey bann gro, gro *rent* egzorbitan? Parey ou'n mansyonnen.

E dernyerman, eski Minis i kapab donn nou en pti pe pis detay lo sa nouvo lalis *Order of*

*Precedence* ki pou annan?  
Mersi.

**MR SPEAKER**

Mersi. Mersi Onorab. Minis.

**MINISTER SYLVESTRE RADEGONDE**

Mersi Mr Chair. Mersi Onorab. An sa ki konsern sa fon COVID-19, *COVID-19 Fund*. Sa ki ban konsil onorer in kontribye i anviron 4. keksoz R4.5milyon. Sa kontribisyon ki zot in fer diferan sonm par diferan dimoun.

An sa ki konsern eski nou annan plan pou annan nou *own building* la kot nou annan Lanbasad, wi lideal ti a byen sa. Mon krwar *once upon a time* nou ti annan nou prop *building* Langleter, me nou'n vann sa letan ki ozordi ler ou regard pti propriyete Langleter ou ti a war ki ozordi ti en bon investisman.

Parey *PS* in dir pli boner, sel landrwa ki, anfen pa sel landrwa ofet *Sud Afrique* osi lakaz i pou nou. Nou'n aste Rezidans Anbasader *L'Afrique Du Sud*, *Paris building* antye ki *accommodate* Lanbasad Flat Anbasader e flat Dezyenm Diplomat i pou Sesel.

Me pour konmela sertenman dan sa lepok ki nou ladan la posibilite al

investir dan nou prop *building* aletranze i *remote*. mon krwar pa si pou posib, me i sertenman en keksoz ki nou pe regarde a lavenir.

*Order of Precedence* wi *Cabinet* in aprouv sa nouvo *Order of Precedence* semenn pase si pa ankore arive sa lalis ti devret e vin kot Biro Speaker *anytime now*. Mersi.

**MR SPEAKER**

Mersi Minis. Onorab William.

**HON WAVEN WILLIAM**

Mersi Mr Chairman. Bonzour Minis avek ou lekip. Mr Chairman mon ti a kontan demann Minis, mon pe refer la avek *strategic priorities*, mon anvi demann Minis konbyen i kout Sesel pou annan afilyasyon avek tou sa ba lorganizasyon enternasyonal?

E lefe ki sa travay depi avan pou vini ti'n sipoze komanse, eski zot pou donn li la priyorite, akoz par lefe ki parey ou'n dir nou pe perdi me nou pa pe benefisyase.

Dezyenman mon ti a kontan refer avek latab 6 lo kote performans,

**MR SPEAKER**

Avanse, Onorab koze.

**HON WAVEN WILLIAM**

*Un instant* Mr Chairman, mon anvi ganny en pti pe leksplikasyon lo sa bann sif ki ganny donnen la, pou kapab konpran en pti pe par egzant Minis taler ou'n mansyonn ki a ler aktyel zot annan zot 80, 80 bann Konsiler.

Me mon pe regard lo bann latab i montre 115, eski nou annan en rediksyon ouswa sa ti target e mon pe vwar osi poudir zot in met ankor bann lezot target, so ki egzaktman zot pe anvi fer? Eski zot anvi ogmante ankor ouswa zot pou redwir baze lo nou sityasyon mannyer nou ete la?

Epi mon anvi tous lo i annan en poursantaz in donnen lo latab 8. Mon anvi konnen sa poursantaz la, i an relasyon pou fer avek *GDP*? Letan zot pe koz bann *development aid*. Eski sa poursantaz sot in donn nou la i an relasyon avek *GDP*?

**MR SPEAKER**

Ok, mersi. Ou 3 pwen. *Panel*. wi Minis.

**MINISTER SYLVESTRE RADEGONDE**

Mersi Mr Chair. Mersi Onorab. Mon a pran ou dezyenm kestyon e *PS* i ava pran premye avek trwazyenm. Ou dezyenm kestyon i lye avek

non-Konsil Onorer. Wi sa papye ler ti prepare i en pti pe zis avan mon larive, e depi nou'n fer sa legzersis nou'n remersye serten sa bann konsil.

Mon pozisyon mwan se travay plito avek kalite *rather than* kantite. Mon oule bann Konsil Onorer ki efikas, ki fonksyonnen, ki kontribye en keksoz pou Sesel. Mon pa pe get target ogmante, si evantyelman nou ganny 115 ki travay pou Sesel *fair and good*. Me selman si mon kapab ganny zis 50, tan mye osi. Mersi.

**MR SPEAKER**

Mersi. *PS*.

**PS MARINA CONFAIT**

Mersi Mr Chair. Mersi Onorab. Onorab ou kestyon konsernan konbyen i kout nou pou manm sa bann lorganizasyon enternasyonal, nou annan lannen pase *towards* lannen pase, nou ti fer en legzersis nou ti annan 181 lorganizasyon ki nou manm e ti ariv apepre en R55milyon par an. Me selman toulezan Finans i met apepre *on average* en 31, 30 a R35milyon.

So ou kapab vwar poudir nou pa pe pey tou nou bann *Membership Fees* toulezan, so

nou aryeraz osi avek serten lorganizasyon. E la ler nou pe fer sa legzersis i annan serten lorganizasyon osi ki nou pe decide pour aret nou *Membership*. Me sak kou pou kestyon.

Dezyenm kestyon sa poursantaz lo latab 8 i refer avek vreman en logmantasyon dan led ki nou'n gannyen, ki nou antisipe. I napa en baz, toulezan nou ekspekte ki nou pou ganny en pe plis, e ki nou lyez avek sa bann lorganizasyon.

E nou fer demars pou nou ganny en pe plis, so sa poursantaz i pa baze lo *GDP* sa i baze lo la kantite led ki nou gannyen e avek bi ogmant sa led. E sa 15 poursan, i en fason ki ganny mete dan Bidze ki montre en logmantasyon dan kantite led ki nou pou gannyen.

### **MR SPEAKER**

Mersi *PS*. Onorab Pillay.

### **HON SEBASTIEN PILLAY**

Mersi Mr Chairman. Bonzour Minis e bonzour tou dimoun ki pe ekout nou. Mr Chairman mon ti a kontan zis en klarifikasyon avek Minis. Minis ozordi bomaten in donn nou en kantite lenformasyon lo bann

keksoz ki in war bann labi *across* bann diferan misyon.

So Minis mon ti a kontan ganny en pe plis detay lo lenformasyon konkret ki ou kapab anvoy kot Lasanble par egzanp vizavi sa bann diferan misyon.

Par egzanp ou'n nonm nou *L'Ethiopie*, nou ti a kontan ganny plis lenformasyon lo konbyen dimoun ti annan *Ethiopie? In terms of* Anbasader e lezot Zofisye Zafer Etranzer. *PS* si ou kapab *provide* nou avek okenn lenformasyon si i annan okenn *request* ki'n ganny fer par okenn endividi ti ki kot sa Lanbasad pou zot ganny sa bann sekirite. Ou'n dir ti annan 11 sekirite, nou oule konnen si tou sa bann sekirite ti pe viv kot lakaz.

So ou departman i ava kapab *provide* nou en rapor lo tou sa bann Lanbasader lo sa bann Misyon kot i sipoze annan labi ki nou ava kapab gete. Mon pa konnen si ou, ou pou bezwen annan sa lenformasyon aköz ou'n donn nou sa lenformasyon. So petet si ou kapab fer nou ganny sa lenformasyon petet avan lafen sa semenn ti ava byen Minis.

Kestyon ki mon annan pou Minis osi se ki an relasyon avek Bidze ki'n ganny mete devan nou, nou osi remarke ki

malgre ou'n koz lo sa bann labi bann sonm *across* sa bann Lanbasader i ankor preski parey. Swa en rediksyon Minim me lamazorite i ankor parey. *Cross* sa bann diferan Misyon.

Dan ou departman ki rol alors ki departman ki *PS* pou Zafer Etranzer i zwe, lekel ki *monitor* kwa ki pe pase avek bann Misyon? Lekel ki asire ki bann Misyon i *stay within* en serten limit depans e ki zot pa al an deor oubyen zot pa al an ekse? Eski i annan en sistenm an plas pou fer sa?

Ou'n koz osi lo nou vwar akreditasyon bann Minis, nou konnen dan lepase i annan plizyer dimoun ki'n ganny akredite. Onorab Arissol in nonm detrwa, i annan Onorab William, Onorab Marie-Antionette Rose, nou'n war Marylise Potter tousala i ban dimoun in dan Lasanble ki'n akredite koman Anbasader.

E Minis ou menm mon krwar ou ti a en moman donnen form par Parti *SPUP*, e ou'n akredite koman Anbasader. So mon krwar fodre nou revwar sa size Anbasader. E mon kontan ou'n dir sa, ki ou pou regard li de pre, ki mannyer ou pou revwar li so i enportan so, eski sa bann akreditasyon pou vin

devan Lasanble *within the next few months?*

E an relasyon avek sa Bidze lefe ki nou'n tann Departman Finans dir nou ki pou annan sanzman avek sa Bidze, eski sa pou vedir ki nou pou annan serten azisteman dan ou Bidze dan *mid-year review* ki pe vini sa lannen?

E mon dernyen pwen Mr Chairman, *regarding disposal* bann *assets* kot sa bann misyon in fermen, eski ou kapab donn nou lalis tou ban *assets* ki annan kot sa bann misyon? E kan ki Gouvernman Sesel i annan lentansyon pou fer *disposal of* sa bann *assets*?

*Going forward* vi ki sa bann Misyon pa pou pe fonksyonnen oubyen si Gouvernman i annan plan pou retenir sa bann *assets* la *until* ki sa bann misyon ler lekonomi i permet pou li reouver? Mersi Mr Chairman.

### **MR SPEAKER**

Mersi Onorab. Minis.

### **MINISTER SYLVESTRE RADEGONDE**

Mersi Mr Chair. Mersi Onorab. An sa ki konsern *L'Ethiopie* ki Onorab in demande, *L'Ethipioie* nou a fer Lasanble ganny sa lenformasyon. Sistenm

*monitoring* mwan dapre mon konpran, me sa apre mon a les *PS* komant lo la. Se *PS* i ki *run*, ki *CEO basically* Minister. Minis i sipoze la koman *the politic at head*.

So *PS* ki'n la i ava fer komanter ki *mannyer monitoring* in ganny fer, ki *mannyer* ti fer, parske mwan mon'n fer komanter lo sa ki mon'n vwar, lo sa ki monn erite ler mon'n vini.

Onorab in demann lazisteman si ou annan, lazisteman lo dan *mid-term review*, a se pwen mon pa konnen parey mon'n dir i pe probab le mon regard sityasyon ekonomik pei e neseseite *or otherwise* pou annan en Lanbasader dan bann Lanbasad.

I kler ki pa tou Lanbasad ki nou pou met en Anbasader sa lannen. So la kot i pou absoliman nesese, vi plizyer rezon relasyon Bilateral bann dosye ki nou bezwen swiv ensidswit kot i nesese annan sa nou ava regarde.

Me dernyen legzersis ki nou'n fer lo nou Bidze, mon krwar nou pou probableman kapab kouver tou sa bann nouvo apwentman dan Bidze la. *Anyway*, i ava en keksoz ki nou ava regarde, nou annan

detrwa mwan avan *mid-term review*.

An sa ki konsern *assets*, mon oule dir avek Onorab ki bann Misyon ki'n fermen, vi ki nou ti pe lwe sa bann landrwa tou bann *assets* apard bann rikord personnel, bann *file* ofisyel, *computer* ensidswit ki nou'n fer retourn isi, tou bann lezot *asset or as much as possible* in fini ganny vann *dispose of*, in ganny *accounted for*.

Nou devret annan e *PS* i ava re konfirm sa, i devret annan en lalis *assets*, e bann pri ki sak sa bann *item* in ganny vann. Konbyen ti aste konbyen nou'n kapab vann. *Bear in mind* ki a legzersis nou'n fer an konsiltasyon avek Minister Finans, *bearing in mind* ki nou ti annan en *timeline* pou nou vann sa bann zafer.

E serten ka, serten ka petet nou'n vann petet pli bon marse ki nou ti devret me nou pa ti kapab kit en Lanbasad ouver pou nou kapab vann en latab manze avek 6 sez, par egzantp, mon pe servi sa koman en legzanp. So bann *assets* in fini ganny *dispose of* e i devret annan en *account, accounting* ki nou'n fer, ki nou pe fer. *PS* silvouple.

**MR SPEAKER**

PS wi.

**PS BESSY BANANE**

Mersi Mr Chair. Onorab konsernan *monitoring of* bann Lanbasad, zot ganny *monitored* par Lofis PS. Me zot lyez osi direkteman avek *Financial Controller* avek HR depandan lo zot kestyon konsern ki zot annan, me i ganny *monitored* par lofis PS.

Konsernan zot Bidze zot pa ganny *remittance* toultan zot pa montre ki zot, si zot montre ki zot ankor annan larzan dan zot Bidze zot pa ganny peye zot *remittance quarterly*. So sa i ganny *monitored* par *Financial Controller*.

Konsernan *assets, disposal of assets* pou sa 3 Lanbasad ki'n fermen, tou bann *assets* in ganny *disposed of* parey Minis in dir, i annan ki'n ganny *written-off*, nou'n demann permisyon avek Departman Finans, i annan ki'n ganny vann, i annan ki'n ganny desann avek.

So sa i 3 fason ki nou'n *dispose of* sa bann *asset*. An se moman napa naryen dan sa bann Lanbasad in fermen e *asset* in ganny *disposed* dan sa 3 fason. Mersi Mr Chair.

**MR SPEAKER**

Onorab Pillay mon ti a kontan terminen avan ller, so klarifikasyon kourt silvouple.

**HON SEBASTIEN PILLAY**

Mersi Mr Chairman. Mr Chairman mon ti a kontan ki Minis avek bi pou nou kapab ganny plis lenformasyon lo *Portfolio Foreign Affairs*.

Mon ti a kontan si letan ou *provide* nou lenformasyon *regarding* bann Misyon nou oule pou tou Misyon. Pa zis pou *L'Ethiopie* pou tou kot nou annan en Misyon kot nou pe pey larzan.

Nou oule konnen kot zot pe lwe, kot zot pe reste, sekirite ki zot pe gannyen eksetera. An sa ki konsern sa *building Paris* nou oule konnen en evalyasyon lo valer sa *building* akoz koze i se ki sa *building* i apartenir a Leta Sesel e non, pa en *realtor Paris*. So nou ti a kontan konnen ki valer sa *building* e kote ki son ranplasman.

An relasyon avek lenformasyon ki ou'n donn ou PS, PS mon kontan ou'n dir mon i annan ban ki'n isi bann ki'n laba. Me mon ti a kontan ganny sa bann lenformasyon an ekri lo bann diferan keksoz ki'n arive e lo ki rol HR pe zwe.

Akoz mwan mon santi poudir sa ti devret annan en



dimoun ki ou *dedicate* li pou fer sa *monitoring*. Akoz Minis ou'n eksplike poudir i annan en kantite keksoz i pe pase.

Sa enn la dan letan COVID i en lot keksoz me *going forward* i pou enportan ki nou pou annan en *monitoring* sa dimoun i kapab *focus* e HR i bezwen *pull-up* son *socks* e dil ek son problem HR.

*Which brings me to my final point* Minis, enn ou koleg ti vin la anndan mon ti demann li ne keston i ti dir mon ki li i pa politisyen. Ou'n fer kler poudir ou en *political Head* e mon konnen Minis ou en dimoun ek bokou leksperyans e mon respe ou leksperyans, e mon respekté ou leksperyans.

So mon espere ki sa Minis osi i pe ekout ou. Me sa ki nou pe ganny dir se ki pou napa *redundancies*, pou napa isi pou napa laba. Apre nou tann lezot keksoz. So avek bi pou nou fer sir nou ki pa *abreast* lenformasyon ki pe pase.

Nou ti a kontan Mr Speaker atraver ou lofis ki Departman *Foreign Affairs* i *provide* nou avek tou dimoun ki pe travay dan *Foreign Affairs* ozordi ki zot pozisyon ki zot ete ozordi zot *nominal roll*?

Ki nou a konnen, nou a kapab vwar en relasyon avek

sa *Wage Bill*, well mon pou apel li *Wage Bill Foreign Affairs* ki ase sibstansyel pou nou konpran ki mannyer Minis pou kapab kontinyen fer son travay.

E asire ki pei i annan en reprezantasyon serye sirtou pandan letan kot i annan en kantite travay pou li fer li menm li Minis pou nou kapab ganny serten don, serten led pou kapab ed pei. Mersi Mr Chairman.

#### **MR SPEAKER**

Mersi. Minis i annan bann pwen ki ou'n note, eski i annan ki ou avi adrese la? Minis.

#### **MINISTER SYLVESTRE RADEGONDE**

Non Mr Chairman, se pou dir ki mon note nou a prepar sa rapor nou ava anvoy pou Lasanble e vwala. Mersi.

#### **MR SPEAKER**

Mersi. E avek sa nou'n terminen avek keston e nou a vot lo Bidze pou *Department of Foreign Affairs*, lo paz 471 ziska 477 pou en total 95milyon R253mil. Manm ki an faver lev lanmen silvouple?

Mersi, i annan ki kont? Mersi Madam Clerk, Bidze pou *Department of Foreign Affairs*, lo paz 471 ziska 477 pou en

total 95milyon R253mil in ganny 30 vot pour, 0 vot kont e 1 abstansyon. Alor Bidze pou sa departman in ganny aprouve.

Mersi nou ava pran en poz e nou a rezwenn 11er edmi.

**(BREAK)**

## **DEPARTMENT OF TOURISM**

### **MR SPEAKER**

Nou pe pran Bidze *Department of Tourism*, e mon swet la byenveni bann Zofisye sa departman ki'n zwenn Minis pou sa peryod. E nou annan Mrs Anne Lafortune Sekreter Prensipal dan sa departman Mrs Marlene Mondon Direkter *Human Resources and Administration* e pou *Seychelles Tourism Academy*.

Byenveni bann Zofisye e mersi pou zot partisipasyon. Mon dir zot sa annavans, an ka mon bliye a lafen. E avek sa nou a pran sa Bidze *Department of Tourism* lo paz 478 ziska 486 pou en total 53milyon R22mil.

Avek sa Minis mon ava envit pou fer lentrodiksyon.

**MINISTER SYLVESTRE RADEGONDE**

Mersi Mr Chair. Mr Chair *Leader* Lopoziyon, Onorab *Leader Government Business*, Onorab.

Zis en pti mo leksplikasyon pou komanse, zot a, parey zot in aprann i desizyon Gouvernman, i lentansyon Gouvernman pou *merge* Departman Touris ki i ete ozordi avek *STB* e enn fwa ki - sa se enn fwa ki Lalwa ki *set up STB* i ganny retourn isi dan Lasanble pou aboli sa Lalwa.

Me pour le moman sa departman i kontinyen fonksyonnen koman en departman, e *STB* i fonksyonnen koman sa Lotorite Otonom ki responsab pou *marketing*.

Divizyon touris an en mo i responsab pou *market* Sesel e fer sir ki nou kontinyen annan en tourizm ki soutenab pou Sesel.

Dan Departman Touris pou konmela e se sa *challenge* ki'n fer nou revwar sa *setup tourism* mannyer i ete isi Sesel. *Challenge* konmela se ki i annan serten responsabilite ki tonm zis anba Departman Touris e apre i annan *marketing* ki tonm anba *STB* e i mank en pti pe sa kominikasyon, sa partaz responsabilite.

Par egzanp en legzanp ki kler se ki *whereas* STB i responsab pou fer *marketing* Sesel deor, me konmela manner *setup* i ete i napa okenn kontrol lo prodwi, lo kalite devlopman Polisi isi lokal, prodwi ki i pe vann deor.

Donk i nesese pou nou armoniz sa, fer k nou annan en striktir kot i annan vremen sa enteraksyon ki kler ki *fluid* ki marse byen. Alor pou konmela divizyon Departman Touris i responsab pou tou bann zafer ki annan pou fer avek Polisi

Pou sa ki nou apel *product development and diversification* pou *training* ensidswit. Sa ki nou'n war pou konmela se ki anver bann *challenge* ki manner mwan mon war se ki nou annan, nou kontinyen annan en *challenge* lo sa ki konsern prodwi ki nou pe, nou prodwi.

Nou prodwi sa lenfrastriktir li menm bann lotel, *guest house* e osi servis. I reste en *challenge*, zot pa ala oter nesese. Nou annan osi en lot *challenge* pou fer avek *training* e sa *training* formel kot Lakademi Touris e a osi *training* zeneralman dan la kominote ouswa dan bann lotel.

An sa ki konsern *STA Seychelles Tourism Academy*

mon devret enform zot ki i annan sa pos *Principal* ki'n vakans depi ler Mr Joubert in ale detrwa semenn pase e sa pozisyon in *advertise*, pou konmela nou espere kapab atir serten kandida kapab pou re anmenn sa lakademi lo en lot nivo pou nou vwar prodwi ki sa *manpower* ki nou met lo marse pou bann, pou lendistri.

Pou konmela enn nou bann problem ki mon war, se ki lakademi pa pe kapab atir bann etidyan de kalite nesese. E i fer alor ki a sak fwa pou zot *attend quota* ki zot in ganny donnen zot bezwen bes en pti pe nivo e al sers en pti pe partou pou ganny lakantite olye *focus* lo kalite.

E apre byensir mon krwar nou pa pe kapab donn lendistri, donn dan bann lotel, bann letablisman touristik donn zot *staff* ki kalifye e konpetan pou fer travay ki zot devret fer dan lendistri.

Sa enn *challenge* ki nou bezwen adrese e parey mon dir mon espere ki avek sa nouvo *management* lakademi bann restriktirasyon ki zot a fer lo nivo organizasyon en lot nivo *syllabus* lakademi nou a kapab adres sa.

Nou annan osi en size ki petet Lasanble i a oule leve

konsernan sa programm avek *Shannon College* e kote sa i fit dan *training* dan fer sir ki i annan siksesyon dan sa lendistri. Nou'n *train* ziska konmela en santenn preski, anfen nou annan apepre en santenn *graduates Shannon*, e ki nou'n *train* a en gro pri en kantite larzan investir ladan ki pa naryen.

Be ler nou regarde lo teren egzakteman ki sa san, preski 100 *graduates* in anmennen nou pa war bokou. Nou ankor pa war ki mannyer sa bann *graduates* i kapab fer perse dan *management*, pa selman *middle management* me ariv en nivo ki zot kapab aktyelman ariv *senior position* dan bann lotel.

I annan en *challenge* la e par e i annan tou sa size e sa i en kestyon permanan dan Lendistri Touris ki sa swa *STA* me osi avek *Shannon* se *retention* bann dimoun ki'n *train*. So vwala an gro Mr Chair sa ki mon oule partaze pou Bidze Departman Touris sa lannen nou'n ganny en alokasyon R53milyon.

E sa i ogmantasyon 4.6milyon e mon bann koleg apre i ava baze lo kestyon ki zot demande nou ava eksplike. Akoz sa logmantasyon. Mon ava aret la e mon a *welcome*

kestyon ki bann Manm Onorab i annan. Mersi Mr Chair.

### **MR SPEAKER**

Mersi Minis nou a komans kestyon avek Onorab Adelaide. Mikro minis

### **HON FRANCOIS ADELAIDE**

Mersi Mr Chair. Bonzour Minis avek ou delegasyon. Bonzour tou Manm Onorab e tou dimoun a lekout.

Trwa pti kestyon, premye kestyon se ki si i tonm dan sa departman la akote ou a dir mwan la ouswa si dan soz i annan en bout pou fer pou zot. Nou promot Sesel koman en landrwa kot i annan akse lo lans i *free* pou tou touris, e tou Seselwa. E zis dan mon distrik mon annan apepre 10 lans ki annan apepre 6 ki preski enposib pou arive ouswa difikilte.

So nou, nou pe fer en promosyon avek Touris pou nou vann nou lans, e deza nou annan bann baryer lo kote Polisi ki ou Minister pe fer avek bann lezot Minister petet *Planning* ki i pe aprann sa topik pour ki sa keksoz i ganny adrese?

Mon dezyenm pwen se ki nou n tann devlopman *cultural tourism* pou fer kliyan depanse. E Sesel ou'n trouve i annan sa

prensip ki touris i pou bann dimoun ki annan larzan e nou bann dimoun ki anba nou ganny difikilte i nou anvi fer par egzanp lwe en *beach bed*, lwe en servyet e nou pe ankouraz Seselwa pou devlope.

So ankor ki bann keksoz, bann lankadremman bann striktir pou met an plas pour ki i annan lord dan sa bann zafer ler nou pe fer, me ki Seselwa ordiner i benefisye dan Lendistri Touris e pou nou pa trouv zis bann dimoun ki en pe eze ki pe antre dan sa Bidze. Mersi.

### **MR SPEAKER**

Mersi Onorab. Minis.

### **MINISTER SYLVESTRE RADEGONDE**

Mersi Mr Chair. Mersi Onorab mon a fer detrwa remark apre *PS* i ava *step in* an sa ki konsern *beach access*. Wi Polisi in toultan Polisi ki tou lans, tou Seselwa i annan akse, pa zis Seselwa piblik i annan akse avek lans, sa napa okenn sanzman.

Nou okouran ki i annan en problem ki annan, ki kontiyen annan problem isi Mahe parey mon konnen en ka an partikilye Praslin e sa i en problem ki nou bezwen

adrese in avek nou pou tro lontan.

An sa ki konsern *cultural tourism* sa i en keksoz ki mwan mon pe met en kantite lanfaz lo la, sa ki mon dir e mon konvenki *let's say* se ki touris i bezwen benefisye popilasyon lokal. E Seselwa i bezwen war li ki i annan en par dan sa lendistri ki anmenn 2milyon dan bann bon letan.

I anmenn 1milyon dan lekonomi Sesel, e i bezwen trouv son par ladan. Mwan mon dir ki touris ordinerman ler zot vwayaze zot pa neserman oule al dan en pei pou zot revwar en replika zot pei. Sa ki zot pe rode se vremen en depeizman si zot pran avyon pou vwayaz 10erdan pou ariv Sesel, se pour war en lot keksoz ki zot war se zot.

So mwan mon pe kontinyen, e sa i pou kontinyen Polisi e nou pe vwar e mon deza pe travay avek serten lezot dimoun pou nou devlope a en nivo tou distrik e la mon ankouraz zot bann Manm Onorab.

E nou pe travay osi avek bann reprezantan local *government* dan bann distrik pou fer ki i annan aktivite dan bann distrik ki touris i kapab

partisip ladan, depans larzan lo la.

Se vre la *COVID* ki manner i ete mouvman dimoun i pou restrikte menm avek louvertir le 25. Me *longer term, mid-term, longer term* se sa ki nou oule vwar se ki otan aktivite ki posibil pou fer touris depanse.

Pa neserman lo pri, me varyete aktivite ki zot kapab depans lo la. Mersi. Mon pa konnen si *PS* ou annan ....

### **PS ANNE LAFORTUNE**

Mersi Mr Chair. Bonzour Mr Chair. Bonzour tou Manm Onorab, bonzour tou dimoun ki pe ekout nou osi. *With regards to beach access* nou tou nou konnen poudir i annan en Lalwa ki dir tou *beach* i piblik.

So okenn Seselwa i *free* pou li al lo okenn *beach*. Ki arive parfwa selman ki bann *GM* i dir nou ki annandler bann Seselwa, i annan bann *local* ki vini ki fer dezord, ki *misbehave* alors zot, zot ganny demande pour kontrol zot lekor.

Me selman normalman tou *beach* i ganny akse avek e bann *GM* ki annan lotel lo en *beach* zot konnen poudir ki zot pa kapab anpes Seselwa vin lo *beach*.

So e nou gannyen parfwa, nou gannyen bann konsern, zot ekir nou bann *local*, zot dir nou poudir i annan problem dan bann diferan *area*. E nou, nou *get in touch* avek sa letablisman e nou demande ki problem i ete e ansanm nou sey rezourd. Be selman zot pa kapab anpes en *local* al lo en nenport *beach*. Mersi Mr Chair.

### **MR SPEAKER**

Mersi. Onorab Gill.

### **HON CHURCHILL GILL**

Mersi Mr Chair. Bonzour Minis ek ou delegasyon. Mon premye kestyon, Minis eski sa plan klasifikasyon i pou kontinyen la letan ki nou ladan?

Akoz parey ou konnen sa i *involve* i annan bokou bann letablisman ki i demann o zot standar. Me selman parey nou konnen la sityasyon pa permet finansyerman pou zot fer sa. Alors eski sa plan klarifikasyon pou kontinyen?

Mon dezyenm pwen ou'n koz lo pou fer bann distrik vivan ki mon krwar i en bon nide, me selman nou napa en plan konkret kwa ki vremen nou oule fer ler nou dir sa.

Petet la ki nou napa touris pou le moman, mon ti a sizere ki la petet bann, tou

bann parti konsernen i servi sa moman la pou fer en plan konkret, koumsa ler keksoz i ava rebran nou ava deza annan en *roadmap* krwar ki nou oule fer gradyelman nou a fer en mannyer 2an, 3an *down the line* nou a kapab *achieve* sa bann keksoz. Mersi.

**MR SPEAKER**

Mersi Onorab. Minis wi.

**MINISTER SYLVESTRE RADEGONDE**

Mersi Mr Chair. Mersi Onorab. Klasifikasyon mon, e les avek *PS* pou koz lo la, i en kestyon Polisi. Mon pran byen ou pwen Onorab konsernan bann aktivite dan distrik wi, me i annan serten travay ki nou'n deza komanse fer.

Nou'n komans par fer en lenvanter s ki egziste la, sa i en travay ki Anbasader Patrick Victor pe ed nou lo la, pou fer en lenvanter. E apre wi i neser pou nou asiz ansanm avek bann Lotorite Distrik pou devlop sa plis. So nou a kontinyen fer sa. Mersi.

**MR SPEAKER**

*PS* wi.

**PS ANNE LAFORTUNE**

Mersi Mr Chair. Klasifikasyon program parey zot tou zot

konnen an 2019 si mon pa tronpe nou ti ganny *approval* avek Lasanble pou nou *Act*, tou nou bann *Act* ti ganny pase.

E ler bann kestyon klarifikasyon ti monte nou ti ganny dir nou kapab, nou pou kapab fer li mandatwar pou nou klasifye zis bann gran lotel. E nou gran lotel, nou annan nou apepre 52 ki nou apel sa gran lotel, ennler nou dir sa gran lotel nou *mean* bann lotel ki annan pis ki 50 lasanm.

Pou bann larestan parey nou ti pe dir bann *Seychelles secret*, bann etablisman bann pti *guest house*, nou ti dir koumsa annou pa fer li *compulsory* annou fer li volonter.

So sa ki ti desizyon ki ti ganny fer par Lasanble. Since then nou'n travay avek *AG's Office* pou nou devlop bann regilasyon. E tou bann lalis diferan regilasyon ki'n ganny fer e pou sa *but* kote kot klasifikasyon i ankor pe ganny travay avek *AG's Office*.

E parey zot konnen *AG's Office* i vremen ranpli ek bokou travay e la nou fek ganny nou dernyen detay ki nou'n *agree* nou'n aranze, e si tou i mars byen *then* nou kapab met sa regilasyon an plas.

Be parey nou konnen avek *COVID* ki'n arive *whether* nou bezwen regarde ki si i en bon letan prezan pou nou *actually apply* sa klarifikasyon. Be selman dan Bidze in fer provizyon pou fer sa klasifikasyon pou sa 52 lotel.

Provizyon in ganny fer, i la e de ki nou ganny finalizasyon avek *AG's Office* regilasyon in pase nou kapab komanse. E parey mon'n dir sa avek bann nouvo restriktirasyon pe ganny pran e osi bann Polisi pou ganny regarde.

E sa i ava ganny decide si nou pou fer, nou pou kontinyen fer li sa lannen *given* bann restriksyon e bann problemn ki nou'n gannyen avek *COVID*. Mersi Mr Chair.

### **MR SPEAKER**

Mersi *PS*. Onorab Bistoquet.

### **HON ROSIE BISTOQUET**

Bonzour Mr Chair. Mersi Mr Chair. Bonzour Minis avek ou delegasyon. Mon annan 3 pti kestyon, petet mon fer li 2 osi. Ouswa mon a demann avek *PS, PS* ki poursantaz etidyan ki train kot lekol ki kalifye e i reste dan domenn tourizm a lafen dizour petet pou sa dernyen 3an?

Apré mon pe gete dan zot *consulate* zot pe ganny difikilte pou zot kapab *formulate* bann *Policies* avek bann *assessment* akoz zot annan problemn avek *data*. Petet pou konbyen letan zot pe ganny sa, e akoz zot krwar zot pe ganny sa bann problemn avek bann *stake holders* avek bann *MBA's* pou *supply data*. Mersi bokou.

### **MR SPEAKER**

Mersi. *PS* ou a komanse.

### **PS ANNE LAFORTUNE**

Mersi Mr Chair. Mersi Onorab. Mon kapab donn ou en pe detay lo bann *Shannon College*. Apré Brigitte *from STA* a donn ou detay lo bann lezot etidyan. Pour *Shannon College* parey Minis in dir pou egzakte man nou annan nou 92 *graduate*, ok ki'n konplet zot *course* e zot in *graduate*. E dan sa 92 nou annan nou en total 42 ki pe travay dan lotel, dan lotel.

Larestan i kapab pe travay dan bann *tourism-related activities* parey *DMCs, Air Seychelles*, bann landrwa koumsa, pou swa zot kapa pa pe travay ditou dan lotel.

Selman 42 i dan lotel e dan sa 42 si zot oule en pti pe plis detay ankor se i annan 20 ki *at* nivo *Assistant Manager above* konmsi *Assistant*



*Manager above* i annan 20, larestan i pe travay dan en nivo en pe pli ba.

E nou ankor annan nou 6 etidyan ki ankor *island*, ouswa *UAE* ki pa ankor retournen. So sa pou donn en pti pe detay lo bann marmay *Shannon graduates* kot zot ete.

Nou annan nou egzaktman tou bann etidyan sakenn dan zot, dan ki pozisyon ki zot ete, dan ki travay zot ete sa nou annan. Be selman sa en *summary of* bann total. Kekfwa Ms Brigitte prezan i a donn ou en pe lo bann etidyan ki pe ganny *certificate and Diploma at STA*.

### **MR SPEAKER**

Mersi. Wi madanm.

### **AG. DIRECTOR - STA - BRIGITTE JOUBERT**

Ok bonzour Mr Chair. Bonzour tou Onorab. Bonzour tou dimoun a lekout. Mersi Onorab pou ou kestyon. Lo kote Lakademi Tourizm an 2018 nou ti annan nou 83poursan nou bann *graduates* ki ti'n ganny *train*, ki ti'n ganny klase dan Lendistri Touris. An 2019 ti 88 poursan, e an 2020 nou'n desann nou'n ariv 45poursan.

E rezon pou sa se ki lannen pase apre *graduation* ti annan en gran nonm nou bann

etidyan ki pa ti ganny sans neserman pou al travay dan Lendistri Tourizm anvi pandemik, e lefe ki i annan serten lotel osi ki ti fermen pou serten lotel dan lannen. Alors zot ti ganny plase dan bann lezot landrwa pou zot omwen kapab ganny en louvraz.

### **MR SPEAKER**

Mersi madanm. Onorab Uranie.

### **HON ROCKY URANIE**

Mersi Mr Speaker. Bonzour *panel*. Minis mon oule konnen kantite fwa ki zot ganny sans get bann *site* lavertisman ki bann letablisman touristik i fer pou ede ki zot pa pe pibliy okenn keksoz ki pa an konformite avek Lalwa Lokal? Mersi.

### **MR SPEAKER**

Mersi Onorab. Minis wi.

### **MINISTER SYLVESTRE RADEGONDE**

Zis mon a fer sir ki mon'n konpran byen kestyon ki Onorab in demande. Konbyen fwa nou'n regard bann sit lo *internet* oule dir? Ok, mon a les *PS* i annan en seksyon spesyalize ki dedye pou regard bann standar ek kalite servis

dan bann lotel i a reponn si zot pe fer sa *monitoring*.

Me wi mon krwar i byen ou lev sa pwen i en konsern, yer par egzanp i annan en dimoun in partaz en *post* avek mwan ki trakasan e ofet ozordi nou sipoze al fer en lanket ladan. Mersi *PS*.

### **MR SPEAKER**

*PS* wi.

### **PS ANNE LAFORTUNE**

Mersi Mr Chair. Zis pou mon fer en pti koreksyon avan en, pa i annan, mon'n tronpe i annan *21 large hotel* pa 52 en, *sorry* mon en pti pe mon en pti pe mon statistik in melanz en pe, *so 21 large hotel* ki nou apel li pa 52.

*With regards to* lenspeksyon bann letablisman nou annan nou en seksyon antye kot nou regard bann standar. Parey ou konnen tou etablisman e tou bann *tourism activity* ki tonm anba nou, nou bezwen, zot bezwen *meet* en serten kriter ki nou apel sa en *minimum requirement*.

Zot tou zot bezwen annan en *minimum requirement*, e pou zot kapab ganny en *license* zot pou bezwen *meet* sa *minimum requirement* pou zot kapab ganny sa *license*. Prezan parey ou konnen Mr Onorab nou

annan nou 700 etablisman, e dan sa 700 etablisman nou fer en fason pou nou omwen en fwa par an pou nou vizit tou sa 700 etablisman.

Bann ki annan konsern *then* nou al pli souvan, me selman zot bezwen, i annan, ou al avek en senp kriter kot nou bezwen al *tick* e zot bezwen *meet* sa kriter *in order* pou zot bezwen ganny zot *next license*.

Parey ou konnen *license* i tou le 5an. De ki ou'n organiz ou byen pou sa 5an apre ou *license* i *last the whole* 5an. E si ou pa pe al vizit sa landrwa souvan, souvan, souvan, *then* zot definitivman zot pou *lapse* dan zot bann kriter.

Be nou avek sa kantite lenspekter ki nou annan nou seye aköz menm enspekte i bezwen al fer vizit pou *Planning Authority*, i bezwen al fer vizit ansanm pou Lasante, i bezwen al fer vizit ansanm pou *license*. *So which means* ki nou bezwen al fer *regular* vizit pou zot kapab *meet* sa kriter.

Mon pa konnen si mon pe reponn kekyon ouswa si mon'n mal konpran. Wi nou pe *monitor*, nou annan nou osi en *online framework* ki nou apel sa en '*review pro*' ki nou ganny koleksyon osi ek bann touris ki fer komanter. Zot fer komanter

lo bann diferan etablisman ki nou, nou ale nou al regarde.

Aprè nou al lo bann *trip advisors* ki nou al regarde osi pou nou vwar kote bann touris pe fer bann konplent. So nou annan nou *the whole* tim ki *actually on site* toulezour pou zot regard standar *or* letablisman.

### **MR SPEAKER**

Mersi *PS*. Onorab Michel Roucou.

### **HON MICHEL ROUCOU**

Mersi Mr Chair. Bonzour *panel*. Bonzour tou zabitan Mont Fleuri. Minis zot in dir anba zot *achievement* zot in koz en pe lo ban program ki zot i met an plas lo kote *risk* pou bann lotel e pou travay en pti pe lo en plan, nou plan pou ek bann lotel.

Ki mon pe demande mon, pour vi ki nou'n aprann ki i annan bokou bann lotel ki zot pa pe swiv bann lareg ki *Public Health* in mete ek sa *COVID* la en, mon pe demande. Eski zot annan en seksyon ki pase pour fer sir ki bann lotel pe *comply* ki bann touris in met zot *mask*, ki pa met bann travayer a *risk*? Sa i mon premye kestyon.

Mon dezyenm kestyon, eski zot pe travay ek bann lotel an term pou fer sir ki etranze

pa pe ganny favorize plis ki Seselwa an term lo kote plas travay akoz nou war poudir bokou Seselwa pe perdi zot lanplwa sirtou lo bann zafer touris?

Mon trwazyenm kestyon i lo kote *Board*, parey nou'n ganny dir poudir se ki i annan bokou presyon pe ganny mete konmsi pour ki bann *Board* zot osi zot fer sa sakrifis, mon vwar poudir *Board* i annan zot larzan la sa Bidze. Eski nou pe demande ki zot osi zot pou fer sa sakrifis parey bann larestan *Board*?

E zot pe, ki mannyer zot pe travay dan bann letan, dan ler travay oubyen apre ler li menm li? Mersi.

### **MR SPEAKER**

Mersi Onorab. Wi Minis.

### **MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Mon a reponn premye. Ofet mon a reponn tou, apre *PS* i ava met bann lenformasyon adisyonnèl, an sa ki konsern *monitoring* bann lotel.

Wi i annan en seksyon dan *tourism* ki responsab pou pase pou fer sir ki bann *SOPs* pe ganny swiv ki mon konpran ki avek kantite lotel ki i annan

avek pe *staff* ki *tourism* i annan i pa posib pou fer en travay afon e dekouver tou lotel osi souvan ki nou ti a kontan.

Me wi i annan en *challenge* la, sa ki ou demande se ki sak letablisman ki'n ganny permisyon baze lo serten kriter pou zot akey touris sirtou dan sa letan ki nou ladan la kot lasante tou dimoun i a risk, nou demande ki zot swiv bann *SOPs*.

E Gouvernman pe, anfen Gouvernman in deza pronons son lekor lo la, se ki nou annan bann ka kot zot pa pe fer li, kot zot pe vreman Gouvernman inyor bann regleman bann lareg ki'n met an plas se ki sa posibilite pou zot aksepte touris i ganny tire avek zot.

Zot annan zot *license* lotel wi, me sa lotorizasyon ki'n donn zot pou konmela sete touris anba sa bann nouvo mezir sanniter pran avek zot. So vwala.

*Favoritizm* dan lotel nou napa dan Departman Touris konmela en seksyon spesyal ki pase pou al regard lanplwa *as such*. Sa i tonm anba Minister Lanplwa, nou travay *as much as possible* an kolaborasyon avek zot.

Lenformasyon ki nou gannyen nou pas avek zot, e

nou fer koumsa. Me nou, nou menm dan *tourism* nou napa en tim pou al fer sa, nou rode par egzanp dan sa bann mon'n fer referans avek bann *Graduates Shannon* ki'n *train*.

I annan en Komite deza ki rankontre souvan, pou fer sir ki sa bann etidyan sa bann *graduates* pe ganny tou loportinite pou zot avanse, e fodre pa ki zot kontinyen reste dan *Middle Management Junior Officers*.

Sa i aktyelman pe ganny fer, me pou al mezir si bann travayer Seselwa pe ganny viktimize ou kwa nou napa sa fasilite pou nou fer, nou napa abilite, kapabilite.

*Board so far, PS* a koriz mwan, sel *Board* ki nou annan konmela se *STA Board*, eski i annan ankor enn? *Anyway* ou a koz lo *Board*, e zot bann *fees* ki pe gannyen ziska konmela napa okenn desizyon ki'n ganny fer pou koup bann *fees Board*.

Me sertennman kot *STA* i konsernen ki mon pli familje avek i annan en nesesite pou redwir nonm dimoun ki lo sa *Board* sertennman e apre nou a diskrit an fonksyon demann ki Gouvernman in ganny fer pou sak dimoun aksepte en rediksyon dan *Board Fees*. Mersi.

**MR SPEAKER**

Mersi. *PS* ou azoute?

**PS ANNE LAFORTUNE**

Wi, mersi Mr Chair. Zis pou mon dir avek, pou premye kestyon regard bann *monitoring of SOPs* Lasante pe propoze ki la depi ki nou pou ouver le 25, ki pou annan en *Task Force* ant Lasante avek *Tourism*.

Zot pe propoz en spesifik *Task Force* pou nou aktyelman met ansanm detrw dimoun pou zis *focus mainly* al *monitor* bann *SOPs* dan bann etablisman pou fer sir zot pe swiv li a la let.

*Regarding Board*, apard *from STA Board* zis nou annan nou en pti *Board* kot an menm tan avek tou nou klasifikasyon, si klasifikasyon i vin an mars i annan en *Board* ki bann *assessors* pou bezwen asiz ansanm pou deside ki mannyer pou klasifye ki *grade* pou donn zot, ki stars, si 5 star, 4 star, 3 star eksetera.

So i annan en *Board* ki pou regard sa e sa ankor se klasifikasyon *will go on* i pou bezwen annan, se nou pou bezwen annan sa bann dimoun pou fer sa travay. Mersi Mr Speaker, Mr Chair.

**MR SPEAKER**

Mersi. Onorab Aglae.

**HON EGBERT AGLAE**

Mersi Mr Chair. Minis mon ti a kontan petet ou sitye nou koman en Lasanble an vi ki nou pe al donn ou en Bidze. E byento i en posibilite ki avek *phase-out STB* ou pou anmas ankor en lot konponan bidzeter atraver sa departman ki pou pe fer sa travay ki *STB*.

Minis mon ti a kontan petet demann ou, eski in annan premyerman diskisyon avek Lasosyasyon Touris Sesel fas a sa desizyon pou *STB phase-out* dan le fitir? Sa i enn.

Dezyenm Minis, ou'n anonse *ok*, ki pa pou ouver le 25 Mars avek *Tourism market* enternasyonal. Kestyon ki petet mon pou demann ou Minis, eski zot in kalkil tou keksoz? Ler mon pe dir tou keksoz Minis ler mon pe dir konsiltasyon avek bann partner ki dan sa biznes li menm pou vwar relman si ou keksoz in pare zot annord?

E pei li menm popilasyon li menm, vi ki nou pe *target* en sirtou avek sa *herd immunity* ki nou sipoze *attend* sa mwan ki nou ankor en pti pe lackin. Eski ou santi poudir s desizyon i en desizyon ki ou'n konfortab

pou pran li menm e i pou dan benefis pei a sa moman?

E dernyen Minis, ou'n koz aktivite mon konpran, aktivite ki touris i vini i depanse. Baze lo sa Minis eski ou pe mazin sanz en pti gin sa model, sa pilye nou lekonomi pou sa kapab arive?

En konsern Minis pou kapab organiz aktivite ou pou bezwen annan resours sirtou lo nivo lokalite distrik. Gouvernman in aboli CSR, ti en konponan, kwa ki petet ou pou vin avek an plis? Sirtou eski ou pou al kot sa bann biznes ski dan tourizm pou dir zot vwala investir dan la kominote pou nou kapab ganny plis benefis avek touris?

Eski ou pou annan en keksoz dan sa laliny, pou zot kapab annan sa rannman? Akoz Gouvernman li menm pa pou kapab finans sa bann aktivite lo zot menm? Mersi.

### **MR SPEAKER**

Mersi Onorab. Minis wi.

### **MINISTER SYLVESTRE RADEGONDE**

Mersi Mr Chair. Mersi Onorab pou ou keston. Konsiltasyon avek lorganizasyon STA pou desizyon ki nou'n pran, ou konnen i annan en

konsiltasyon regilye ki annan avek bann partener.

Me sa ki mon pe dir ou, e sa i pa pou en sekre pou bann dimoun ki pe ekout mwan ki dan lendistri. Se ki ou konnen sa lendistri la ou annan tou dimoun ladan, ou annan lotel, ou annan DMCs, ou annan tou operater, ou annan *tour guides* ou annan dimoun ki *yacht*, ou annan, sakenn i annan son lentere en, travay ek sa bann dimoun ganny zot pou tonm dakor lo en keksoz se pa evidan.

E la mon pe koz ou pa selman nou pti 3 mwan la, mon koz ou dan mon letan ki mon ti *Chairman STB* dan 2005, 2004, 2005.

Donk nou koze, nou partaz nide, nou dir ki nou plan. Me evantuelman sa i en Gouvernman ki pran en desizyon, nou pran en desizyon dan lentere nasyonal. So vwala ki nou'n fer, nou koze e apre nou pran en desizyon.

I for selman i pa pou zanmen arive ki tou dimoun pou dakor avek, Onorab ou a kontinyen tann mirmirasyon isi e la akoz personn pa pou tonm dakor, pa pou dakor avek tou keksoz.

Lo konsiltasyon pou louvertir le 25 Mars, wi nou'n fer konsiltasyon avek

maksimom dimoun ki nou'n kapab, dimoun konsernen. E Lasante e la mon servi Lasante parske i konsern en kantite, lasante Lepep, Lasante in ganny konsilte. Zot in ganny konsilte lo Komite *Platinum*, zot in ganny konsilte osi nou'n diskite lo sa *Task Force Tourism*.

En keksoz ki nou tou nou bezwen realize, wi nou konpran konsern tou dimoun avek sa *COVID* ki lefe pou annan lo popilasyon, dimoun ganny enfekte, les dimoun ante ensidswit.

Sa diskisyon osi i enn ki pou kontinyen, me nou osi nou bezwen dir ki *COVID* pou avek nou *whether* ki nou oule ouswa non, *COVID* pa pou ale demen, sepa vaksen ki pou fer ale *COVID*. I pa lannen prosenn, i pa lannen apre mwan mon krwar ki *COVID* i avek nou pou plizyer lannen e nou bezwen viv avek.

Prezan ki nou bezwen fer, regarde ki mannyer nou pou fonksyonnen an konesans sa ki nou konnen, sa ki lasyans in donn nou, rode ki mannyer nou pou kontourn sa pou nou kontinyen annan en lavi, en lavi ekonomik sirtou nou ki nou lekonomi i baze lo touris.

Nou bezwen trouv en mwayen san met an danze

initilman lavi dimoun. Sa koman en Gouvernman responsab, nou pa pou kapab fer, i pa nou lentansyon.

E nou pa pou fer, donk vwala Onorab si mwan mon konfortab, *yes* mon konfortab ki nou pran mezir, nou kontinyen pran bann mezir menm si nou ouver nou pe demann tou dimoun pran zot responsabilite, sakenn antre nou.

Bann ki pa ankore vaksinen, sirtou bann ki travay direkteman avek lotel, avek servis bann *front liners*. Nou demann zot pou pran zot vaksen *as much as possible*, nou demann dimoun port mask, nou demann dimoun lav lanmen, ouswa *sanitize*. Nou oule dimoun gard zot zistans.

Tou sa bann mezir nou kontinyen met, anfen sansibiliz dimoun lo la. E nou oule ki i kontinyen ler sa lendistri i reouver le 25.

Bann aktivite dan distrik Onorab i pa nou plan pour Gouvernman investir dan okenn sa bann aktivite e nou pa pe ekspekte ki nou pou al rod investiser *as such*. Ki nou pe demande, se ki bann dimoun zot menm, bann dimoun ordiner dan distrik Port Glaud e aryer ki zot

regarde dan zot distrik kwa ki zot kapab fer.

Annan de ler avek tre pe lenvestisman par egzanp en dimoun i kapab fer en lakwizin, fer en laklas kwi manze lokal, napa lenvestisman vreman gro lenvestisman ki i pou fer. Ladans tradisyonnèl, La Digue i a fer 'madilo' *as an example*, ou konpran, se sa ki nou pe regarde.

Mon dir par egzanp anler Val Den D'Or montre fer galet, fer penpen, se bann aktivite koumsa ki nou pe ankouraze tre pe lenvestisman me i en keksoz ki anrisir, pa selman kominote, me i anrisir sa bann viziter ki vini.

Mon pa konnen si mon'n reponn tou ou kestyon Onorab. Mersi bokou.

### **MR SPEAKER**

Ou bezwen klarifikasyon Onorab? Le terminen silvouple.

### **HON EGBERT AGLAE**

Wi Minis, Minis mon konpran ou pou sa dernyen parti la, petet is en klarifikasyon anvi ki parey *STB* ti *focus* lo sa *international market*, *ok*. E la vi ki sa departman pou vin *return* anba ou Minister en lot fason eski pa posib osi petet pou annan en konponan ladan ki li

son laspe i a konsantre lo nivo lokalite?

Akoz problemn parey o pe dir Minis pa Gouvernman ki pou envestir, me selman i bezwen annan en kordinasyon pou get sa bann Seselwa ki anvi *partake* dan sa bann aktivite, *who will coordinate*, akoz mon pa war ladministrasyon distrik pou antre ladan pou al fer sa.

So en konponan dan sa departman dan ou departman i devret al ver sa ki ou pe targete pou nou *achieve*. Mersi.

### **MR SPEAKER**

Mersi Onorab. Wi Minis.

### **MINISTER SYLVESTRE RADEGONDE**

Mersi Chair. Mersi Onorab. Mon oule asir ou ki sa dan nou bann diskisyon ler ou p travay lo sa striktir ki sa nouvo striktir pou look like i en konponan ant sa ki nou ep apel *product diversification and development*.

I pou en konponan enportan, i neser pou nou fer, parske parey mon dir ou kapab bat tanbour kantite ki oule deor, si apre ler dimoun i vin isi, pa selman servis e akomodasyon pa o nivo, me napa naryen pou fer, i, nou pa pou *achieve* naryen. Mersi.



**MR SPEAKER**

Mersi. Onorab Samynadin.

**HON KELLY SAMYNADIN**

Mersi Mr Chair. Bonzour Minis avek ou delegasyon e bonzour tou dimoun a lekout. Mon premye kestyon Minis, par lefe ki Sesel i ganny konsidere koman en destinasyon touristik, mon ti a kontan konnen kwa ki pe ganny fer lo nivo Minister Tourizm pou asire ki bann fasilite parey *toilets ek bins* i ganny enstale, e mentenir dan bann landrwa kot touris i frekante, pli spesifikman lo nou bann lans e vi ki dan mon distrik Au Cap i annan en mankman dan sa bann fasilite?

Mon dezyenm kestyon, apartir zot bann *current challenges* mon war ki zot pe rankontre kontrent pou kapab idantifye e rezourd bann aktivite tourizm ilegal, e parey zot in fer resorti dan zot priyorite stratezik, zot pou enplimant bann mekanizm sirveyans e ranforsman pli efikas afen ki sa bann aktivite i kapab ganny kontrole pou ganny eliminen konpletman?

Dan sa laliny mon ti a kontan konnen si ti deza annan mekanizm an plas avek

bi pou kontrol sa bann aktivite?

E dezyenmman donn en leksplikasyon lo sa bann nouvo form mekanizm ki zot pe mazin met an mars pou asire ki sa bann diferan form aktivite tourizm ilegal i ganny met anba kontrol oubyen i ganny eliminen. Mersi.

**MR SPEAKER**

Mersi. Wi Minis.

**MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Mon a reponn, mon a fer serten komanter zeneral e apre *PS* i ava al an detay. Mon ava pran an partikilye sa dezyenm pwen ki ou'n leve Onorab konsernan aktivite ilegal.

Sa in toultan en *challenge* kot tou dimoun i oule servi son lakaz partou kot i ete pou resevwar tourizm e pa zis sa, i annan lezot aktivite ki zot fer.

An sa ki konsern akomodasyon en *tool* ki nou krwar *going forward* pou ed nou dan sa travay ki nou annan pou fer, se sa *travisory of travisory* ki nou koz lo la, kot ozordi lide ou depar ti pou bann rezon sanniter. Me *going forward* i en zouti ki nou pou garde kot tou dimoun ki ep

rantré Sesel i bezwen *apply* lo la, e i pou bezwen donn en ladres kote i pe ale.

Donk sa li menm li i ava en posibilite pou nou konnen avan i ariv isi imigrasyon kote i pe ale, kapab *monitor* si evantyelman i pe al la kot i dir i pe ale. So sa vit konmsi pou reponn, pou adres sa size *illegal* akomodasyon.

Me wi i e *challenge*, dan lepase ki'n arive se ki pou esey *counter* sa *challenge*, ki Gouvernman in fer se plito kouver. In donn sa ki nou apel *change of use* tou bann lakaz ki ou krwar pe fer akomodasyon ilegal donn zot *license*. E ki fer ozordi nou ranpli avek sa bann pti *guest house* partou, partou ki en kantite pa menm o nivo.

En kantite bann dimoun ki pa tro konnen kwa ki zot pe fer. Me *going forward* parey mon dir i en keksoz ki nou a kapab, nou krwar met anba kontrol, si pa eliminen. *PS*.

### **MR SPEAKER**

*PS* wi.

### **PS ANNE LAFORTUNE**

Mersi Mr Chair. Mersi Minis. *Regarding toilets* mon kapab dir poudir lannen pase nou ti fer en letid ase entansif, pou kot nou ti annan en Komite en

*working group of tourism, planning Authorities,* Lanvironnman, tou ban Lotorite konsernen nou ti *meet* ansanm.

E nou ti fer en plan kot nou ti al idantifye kote fodre annan *toilet* lo sirtou lo bann lans ki pli *iconic beaches* parey nou dir. E sa plan in ganny fer an detay, in menm, nou'n menm ganny bann *design*, e *Planning Authority* ki mannyer nou, akoz i pa zis, i annan serten landrwa nou ti oule met zis *toilet*, be dan lot landrwa ki nou ti oule met osi bann *other sanitary facilities* avek osi *shower, lockers* eksetera depandan *how busy* sa *beach* is.

E sa nou ti fer en travay parey mon dir vremen an detaye, e in menm, nou ti *include costing* osi ladan. E parey ou konnen *costing* i pa, in koute e pa la ki nou'n realize osi kantite landrwa kot nou krwar nou pou bezwen met sa bann *toilet* i ganny, i dan bann later prive.

E sa osi ti en gro lobstak pou *other* pou nou kapab ganny permisyon pou met *toilet* la, so a lafen *the whole* sa ti donn avek *Minister Land Use* e i avek *Minister Land Use at the moment* ki sipoze regarde ki

manner sa a kapab ganny enplimante.

So i deza annan en travay ki'n ganny fer *regarding* kote fodre met *toilets* lo Mahe, Praslin e La Digue. Mersi Mr Chair.

### **MR SPEAKER**

Mersi PS. Onorab Cosgrow.

### **HON WALLACE COSGROW**

Mersi Mr Chair. Minis parey ou konnen petet pli byen ki mon oparavan avan legzistans *Tourism Board* sete sa model ki Sesel ti pe, ti'n adopte kot Bidze pou *market* Sesel ti dan Minister, me apre nou'n bouze, nou'n kre en *Tourism Board*.

I en model ki ganny servi dan en kantite lezot pei dan lemonn, e osi en model ki ganny servi par mazorite, *well* si pa ganny servi par mazorite, *well* si pa tou nou bann konpetiter bann pei pti zil. I pe marse - mon sipoze i pe marse i mars byen, nou war kot *tourism* in fleri dan bokou sa bann pti pei partou.

Minis kwa ki fer nou tourn *back to* en model ki nou'n kite bokou lannen pase? E eski dan sa bann desizyon pou nou sorti *from* en *Tourism Board* pou nou met nou Bidze, tou Bidze *Marketing* dan en

Minister ki kontrole par en Minis.

E dayer taler ou'n dir Minis e i en *political appointee*, *not in so many words*. Me solman ou'n dir poudir Minis i dil avek bann zafer politik.

E nou konnen sa Bidze *Tourism Marketing Tax* i ganny kontribye prensipalman par dimoun dan Lendistri Touris e lo *Tourism Board* zot ti annan en sit kot zot lavwa ti kapab ganny tande ki manner zot larzan ki zot donner i ganny servi pou *market* Sesel, *market* bann etablisman, *market* pei an zeneral.

So eski in annan en diskisyon avek sa bann dimoun avan ki nou pran sa desizyon ouswa sa ti en desizyon nouvo Gouvernman?

Dezyenm Mr Chair mon pe get sa nouvo *amended* ki zot ti donn nou dan *email* la nou vwar bann *amended budget* la en, lo en premye laliny anler la mon war en ta bann vid, vid. Eski sa i reflekte sa nouvo sanzman ki pou arive? Anba *Minister Support Services* petet PS Thesee i kapab reponn sa.

Apre dernyen Mr Chairman Minis in tous en pti pe lo sa ki mon pe al demande me solman en pti pe plis leklersisman. Nou konnen *dan lephase over the years*

Gouvernman in met en kantite lanfaz lo ki Seselwa i *own* dan *Tourism Industry*.

E nou'n war en kantite louvertir bann ptipti *guest house*, bann pti lantrepriz kot *Seychellois-Owned*, larzan i reste Sesel, larises i antre dan fanmir. Eski nou pou kontinyen mentenir sa Polisi kot Seselwa i kontinyen kapab fer bann pti letablisman touristik? Akoz nou war partou, Minis ou'n viv *L'Europe* ou konnen.

Demen bomaten la si mon anvi al Paris mon tap en *BNB* mon tap sa mon ganny en pti letablisman mon ale, i pa neserman en *Hilton* en gran lotel kot mon pou al depans en sitan kantite larzan. So eski nou pou kontinyen mentenir sa Polisi kot Seselwa i osi kontinyen benefisyé dan Sekter Tourism? Mersi bokou Mr Chairman.

### **MR SPEAKER**

Mersi Onorab. Minis wi.

### **MINISTER SYLVESTRE RADEGONDE**

Mersi Mr Chair. Mersi Onorab. Onorab parey mon'n dir wi nou'n koze, nou'n konsilte konsernan ki mannyer nou oule ale e ki direksyon nou oule ale. E parey mon'n dir

annan en lide kot tou dimoun i dakor, non nou pa'n ariv la. Ki tou dimoun pa dakor i non pli leka.

Me nou, nou pe regard ki nou oule *achieve*, ki nou oule *achieve* avek sa *merger*, se ki *streamline* en Lotorite ki *streamline* i *focus* lo manda ki nou annan pou fer, *hopefully* evantyelman depans mwens larzan ki nou pe depanse ozordi.

E ou a trouve apre midi ler nou'n diskit *STB*, *marketing* kwa ki nou depanse lo *marketing*. Annan en striktir ki pa pe *duplicate* en kantite dan en kantite domenn.

Par egzanp ozordi la dan sa *building*, ki mannyer i apele sa *building* kot zot ete la, *Botanical House* i annan *Tourism* anler, i annan *STB* anba. *Tourism* i annan li en *HR* Departman, *x number of staff*, i annan li avek sa i annan li en *fleet* loto, plizyer loto, i annan li plizyer drayver.

Anba *Tourism* i annan osi en *HR* i annan li detrwa loto, i annan li osi detrwa drayver. I annan en *IT Manager* anler kot *Tourism* pou son 30 ekek *staff* ki i annan, annan i annan en lot *IT Manager a floor down*.

Sa zis bann legzanp ki mon pe donneren kot nou kapab *streamline*, met resours

ansanm e servi larzan, met larzan kot la kot i bezwen. Nou bezwen larzan par egzantp dan *Marketing*, i devret al dan *marketing*.

Manda *Tourism* i pou napa gran sanzman li, *marketing* Sesel, *whether* i tonm anba en *Minister*, *whether* i tonm anba en *Board*, avan i ti anba *STMA* sa ki ti apel *STMA* ou depar avan *STB*. I pou kontinyen li, dan sa striktir mannyer nou pe anvizaze pou annan en divizyon *marketing* ki pou fer sa ki *STB* pe fer la.

Me i ava partaz resours avek lezot divizyon. Vwala ki mannyer nou vwar keksoz. Wi Minis i la koman *the political Head of the Ministry*, me Minis osi in la avek *STB*. Donk i donn oriyantasyon, i pa al neserman enterfer dan *running* me i poz kestyon ler i krwar ki resours pa pe byen servi.

Sa Onorab ou'n Minis ou konnen bann lorganizasyon ki tonm, ki pa neserman anba ou *Minister as such*. Nou annan en drwa de regar, so *that will continue*. Bidze *PS* i ava koz lo la, ouswa *PS or, well PS* Sinon ouswa *PS Tourism*.

Eski Seselwa pou kontinyen pou ganny ankouraze pou reste dan

*business Tourism? Of course, of course*. Mwan mon enn ki mon siport bann letablisman *run* par Seselwa bann pti letablisman.

Mwan si ou ti demann mwan, sa bann gro, gro *building* ki annan serten landrwa ki annan sepa konbyen letaz mwan si mon ti annan en Lotorite lo la, zanmen ti pou konstrir sa. *That's my point of view*.

Me selman osi nou bezwen konpran ki Sesel koman en destinasyon nou pou bezwen annan sa balans. Nou pa pou kapab *aim* zis pou bann touris odeganm 5 Zetwal, me nou pa pou kapab non pli vir grander nou popilasyon tourn an plis zis al dan bann touris bon marse.

Nou pou bezwen annan en balans kot ban pti lotel ki donn sa servis, sa *flavour* otantik Kreol i kontinyen kapab epanouir, fer son biznes.

So pou asir ou Onorab, wi zot pou kontinyen tou bann proze ki valab, ki *valuable* pou ganny ankouraze sirtou si zot pe *run* par Seselwa e nou pou al plis ki sa avek sa nouvo striktir ki nou pe met an plas la annan aktyelman en sipor pou sa bann pti lotel.

Akoz en kantite se vre zot antre ladan e zot annan en

basic nosyon e mon krwar zo bezwen ganny sipor lo ki manner pou *run* en biznes, ki manner pou *run* en letablisman bann *basics*.

So sa nouvo, si Lasanble i aprouve ki *STB* i *merge* avek divizyon *tourism* nou pou annan en seksyon spesifik pou sa. Mersi.

**MR SPEAKER**

Mersi. Kestyon lo bann amannman dan Bidze. *PS Tourism PS, yes PS* Thesee.

**PS DAMIEN THESEE**

Mersi Mr Chair. Si mon'n konpran byen lo paz 482 i annan sa *blank* Komisyon Sekretarya, sa in al dan savedir lontan ti annan 2 Minister 2 Minis. La ou annan Minister Zafer Etranzer ek *Tourism* savedir i annan zis en sekretarya dan Departman *Foreign Affairs*. Mersi.

**MR SPEAKER**

Onorab Monthy.

**HON PHILIP MONTHY**

Mersi Mr Chair. Bonzour delegasyon sorti *STA*. Premye kestyon mon'n remark en logmantasyon sorti 11milyon anba Bidze *STA* program 3, *tourism and hospitality training*.

Si mon kapab ganny en leksplikasyon pou sa. Apre Minis in koz lo *restructuring* kot Lakademi *Tourizm* touzour, eski sa i vedir ki pou annan redeployment oubyen i annan dimoun pou perdi travay? Si mon kapab ganny en leksplikasyon lo sa osi.

E apre mon pou retourn en pti pe lo *Shannon College, PS* in nonm 92 *graduates*, eski sa i depi ki sa program ti ganny *initiate*? E si ou ti kapab dir nou konbyen i koute pou *train* en etidyan pandan sa *Advance Diploma* epi sa 1an ki zot fer *Ireland* konbyen i koute sa *total training*? Mersi.

**MR SPEAKER**

Mersi Onorab. Wi Minis.

**MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Mon a reponn kestyon limero 2 konsernan re lorganizasyon, restriktirasyon *STA*. Apre mon a pas leres avek *Ag Principal STA*. Onorab sa mon oule dir pou asir tou dimoun, asir sa Lasanble asir ou dimoun deor.

Ler nou koz restriktirasyon, reorganizasyon i pa neserman vedir ki nou pe al pous person. Nou oule regard lefikasite, i annan

nesesite petet revwar serten divizyon ki mannyer i marse, re bouz dimoun, tir li dan an landrwa kot i ete e remet li dan en landrwa kot ou krwar i kapab delivre plis.

Donk napa okenn plan pou pous personn, sa pa lobzektif, me dan ka STA mon'n dir sa dan konteks rekritman sa nouvo *principles*. *Whoever he or she is, interview* anfen mon pa konnen lekel kandida ki'n *apply*. *Interview* i ava fer dan koran sa mwan, e nou a konnen apre si i annan enn.

Konmsi nou pou dir li donn li en nouvo manda, son nouvo manda se revwar sa lorganizasyon sa lenstitisyon, anmenn lefikasite revwar sa *syllabus* sa program *training* STA, pou nou delivre lo manda ki nou annan setadir *train* dimoun pou kapab donn lendistri ki a fer nou depans mwens lo bann travayer etranze ki nou bezwen anmennen dan tou domenn dan lotel. Mersi. *Deputy Principal or Ag Principal sorry*.

**AG. DIRECTOR - STA - BRIGITTE JOUBERT**

Mersi Minis. Mersi Onorab Monthly pou ou kestyon. Lo kote sa 11milyon, pli gro logmantasyon i annefe baze lo

4 diferan *code* ki avan ti ganny peye anba Lazans Proteksyon Sosyal ki prezan sa in ganny transfer anba Lakademi Tourizm.

Premye i pou *allowance* pou bann etidyan *Apprenticeship* dezyenm *sorry* i pou bann etidyan *advance certificate* zot bann *allowance* menm.

Trwazyenm i annan pou fer avek alokasyon transpor ki parey in ganny dir oparavan STA avek *NIHSS omnibus operators* ki pou responsab pou fer zot bann *transfers* e finalman sa lot i annan pou fer avek transpor menm e pour pey sa tiket ki bann etidyan Praslin avek La Digue i gannyen atraver *Cat Cocos*.

Sa i pli gro logmantasyon apre i annan apepre 1.3milyon ki sa i an relasyon avek gratwite bann *staff* Lakademi Tourizm sirtou bann *teaching staff* ki oparavan sot ti tonm anba Kontra *STB* en kantite letan pase ki apre sa letan ler sa letan Kontra in fini zot in antre lo *continuous employment*.

E la in ariv zo letan 5an kot zot sipoze ganny peye zot gratwite e sa i ganny kalkile dapre *Scheme of Service* pou *professional centres*.

An relasyon avek *Shannon* mon kapab komanse apre si *PS* i oule azoute i ava azoute. Annefe sa programm avek *Shannon College* parey ou'n dir Onorab premye 3an i e *Advance Diploma* dan *hospitality management* ki sa i ganny fer kot Lakademi Tourizm e nou pa pran etidyan ki sorti S5.

Avredir bann etidyan ki deza annan en konesans dan en domenn e ot bann etidyan ki zot grad i ase o nivo pou kapab swiv sa programm. E sa i ganny fer pandan 3an e i an konzonksyon avek sipervizyon ki ganny fer avek *Shannon College*.

E apre ki zot in fini sa 3an zot kapab *graduate* e i annan ki swazir pou pa kontiny zot letid. E si zot deside pou zot kontinyen la zot antre dan sa bout *Scholarship* atraver *ANHRD* ki *all* ansanm tou keksoz antye i plis ki R500mil.

Zis sa bout 10mwan i kouver *ANHRD* dapre lenformasyon ki *ANHRD* in donn nou akoz sa i tonm kote *Scholarship* i ariv apepre 350mil par etidyan.

E lo kote sa 3an sipervizyon sa osi i pa, menm si i tonm anba *STA* sa Bidze i tonm anba *Bidze ANHRD* e

ladan i annan peyman pou serten part time *staff* ki *STA* i napa sa fasilite pou *teach*. Par egzanp *economics* i enn, e i osi kouver serten sipervizyon lo kote *Shannon College*.

Me selman anvi *COVID* i annan serten eleman ladan ki'n ganny redwir. Mersi.

### **MR SPEAKER**

Mersi. Onorab Lemiel.

### **HON SYLVANNE LEMIEL**

Mersi Mr Chair. Bonn apre midi tou dimoun. Minis mo apresye tande ki kot *STA* napa person ki pou perdi zot travay menm si i pou annan serten bann reform serten bann lazisteman.

Me mwan mon konsern e lasirans osi ki mon ti a kontab gannyen ek Minis ozordi i se ki kot Departman *Tourism*. Minis ou'n eksplike ki par egzanp i annan serten divizyon dan Departman Tourizm kekfwa i annan en *IT* anler, en *IT* anba en *HR* anler e en *HR* anba.

Ler ou gete zot pe fer bann menm travay, *HR* anler, anba [e fer *HR*. So eski dan sa bann laliny koumsa dan Departman Tourizm napa okenn dimoun osi ki pou perdi zot plas?

Sa i dan Departman Tourizm. Otan ki ou al annan



sa *merge* avek *STB*, eski tou dimoun pou annan en rol oubyen pou ganny redeploj dan en lot travay si petet nou pe mazine pou annan 2 menm fonksyon? Sa i enn.

Dezyenman, mon vwar ki lo kote zot bann *priorities*, zot ti oule fer en fason pou zot enplimant sa *national accommodation grading system*, e an menm tan antan ki zot oule zwenn sa *global diversity finance initiative* i annan mon ti oule konnen si sa sistenm li menm eski i pe marse, zot in fini enplimant li sa sistenm?

Pa ankor, so mon war poudir *by 2021* la, zot oule fini avek li, *so therefore* si i pa ankor komans marse ki zistans petet zot in arive avek? E eski in annan en ase kou dan Bidze sibstansyel ki kekfwaw pou al avek sa pou zot kapab konplet tou keksoz pou li vin an mars? E lo sa kote i mon 2 kestyon. Mersi.

### **MR SPEAKER**

Mersi Onorab. Wi Minis.

### **MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Mon a pran ou premye kestyon Onorab e *PS* i a kouver sa dezyenm.

Onorab parey mon'n dir ler nou komans en legzersis restriktirasyon re lorganizasyon, nou premye bit se pa pour pouse, *at all*. E sa in lenstriksyon Prezidan Larepublik *from the start* pou nou tou.

E sa i en konsiderasyon e *PS* i konn tre byen parske nou'n gannye sa diskisyon, nou'n konmans travay lo en nouvo striktir e mon kontan poudir ki nou'n kapab kaz tou dimoun.

Nou pa oule pous personn. E parey mon dir tou dimoun in bezwen travay, zot bezwen is zot soset e mon konmela pou travay. Mwan sertenman bann ki anfen mon'n *find out* letan nou pe diskite petet i annan serten pa'n delivre dan lepase sepa kwa.

Nou dir *ok* be annou komans a 0 la, si i pa ti pe delivre dan lepase ti bezwen responsabilite en dimoun ki i anmenn sa *staff* konsernen, met li asiz e dir li kot i pa pe perform.

E ki ou ekspekte de li, donn li bann *target* ki i bezwen soz, mon pa'n arive dan lepase, mon pa kapab *penalise* sa bann dimoun. Donk si ki mon kapab dir ou la se ki la ler mon pe koze la nou'n kapab annan

en striktir kot nou pou kaz tou dimoun.

I annan dan *HR*, i serten dimoun ki pe al pran zot pansyon zot a *part time* la ziska ler zot a pran zot pansyon. *IT* nou kapab trouv en fason annan en sistenm travay kot prezan i *Tourism and Foreign Affairs*, e regarde kote nou kapab annan *overlap*.

Mon annan en o Zofisye *IT Foreign Affairs*, ki sorti *DICT* e petet ler i al konze ler sa mon kapab gannyen pou kouver.

So lo sa size Onorab pou asir ou e nou asire osi ki *staff STB* avek *Tourism Department* i tou dimoun ki oule travay e ki pare pou travay. Zot annan en dyob. Mersi.

### **MR SPEAKER**

Wi *PS* ou pran lot?

### **PS ANNE LAFORTUNE**

Mersi Mr Chair. Mersi Onorab. Parey mon'n eksplike avan Onorab sa *grading system* nou pa ankor komanse, sa *grading system* i zis pou nou klasifye bann gran lotel *from 1 star to 5 star*.

Nou pa ankor komanse akoz nou a ankor fini fer regilasyon avek *AG's Office*. So dek ki nou kapab regilariz sa e regilasyon i ganny met an plas *then* nou kapab komanse.

Parey zot dir e sa letan ler nou ti komanse napa *COVID*, ti napa *lack of* problemm finans.

Be la avek sa nouvo restriktirasyon ki nou pe fer e al ver nou lansman. Nou bezwen regarde si i *still* en priyorite, parey mon'n dir selman larzan in ganny mete pou n ou kapab met li an plas.

Par egzanp parey mon'n mansyonnen i annan *Board Fees* pou bann ki pe fer *accessing of the grading* nou bezwen annan, parey nou'n dir nou bezwen *monitor* bann *online platform* ki bann touris pe dir *regarding service, regarding zot stay* an zeneral.

Akoz sa osi i kontribye *towards* pou *grade* zot me sa larzan in fini ganny mete an plas. E dek ki nou'n fer en desizyon *whether* i pou ganny kontinyen *then* nou kapab konmanse.

Selman an tou konbyen nou'n mete dan nou sa pour sa, *Board Fees* normalman i apepre li ki dapre nou kalkilasyon Mrs Mondon ava tyek mon si i korek i annan 131mil *for the year* pou bann, akoz nou annan *Board* bann *Board Fees* avek bann *Appeal Board* apre nou annan nou en '*review pro*' ki nou *subscribe to* pou nou ganny bann komanter, bann touris lo servis

akoz nou pa pou kapab al obzerv servis nou menm.

Nou kapab obzerv fizikman striktir be servis ou pa pou kapab obzerv, so nou servi en platform ki ganny fer iniversel lo tou bann lotel ki donn nou en *average* en pwen lo ki zot panse lo servi sa lotel. So sa i kontribye *as part of* sa klarifikasyon.

So sa i pou kout nou anviron sa, ansanm avek aköz sa i ganny peye an Dolar so avek son nouvo *rate of exchange* i pou ariv nou apepre 317mil *for the year*. Non, wi *for the year*.

### **MR SPEAKER**

Mersi. Mersi PS. Onorab Romain.

### **HON GEORGE ROMAIN**

Mersi Mr Chairman. Bonzour Minis ek *panel*. Minis oubyen PS mon premye kestyon i trouve anba *Central Administration*, anba '*other good uses of goods and services*' kot mon'n war i annan en Bidze en pti R8.9bilyon pou *rent*.

E mon'n realize ler mon tann Minis koze oubyen PS mon'n tann li koze ler in mansyonn STB osi pe *share* sa batiman ek zot. Me selman mon kestyon mon ti a kontan.

Mon personnelman mon ti a kontan war zot dan zot prop batiman aköz sa larzan ti kapab *invest* dan zot prop batiman dan le fitir ki nou pa ava bezwen war ankor sa bann gro, gro sif koumsa dan lavenir. Sa i enn, mon ti a kontan ganny pwennvi Minis.

Aprè mon dezyenm kestyon mon ti a kontan demann Minis, an vi ki dan Polisi avan Gouvernman Avan ti annan ki ou pa ganny drwa, en touris pa ti ganny drwa reste dan en landrwa rezidansyel, zot ti dir ki *even though* ou lenfrastriktir ti bon mon krwar ou pa ganny drwa.

An vi ki mon'n tann Minis mansyonn detrwa fwa ki mon vremen dakor ek Minis ki ler in dir ki i a kontan vwar touris en pti pe pli pre ek la kominote menm la, mon fek mansyonn ankor ki pa'n kwi manze kreol dan bann distrik kot touris i kapab vini *enjoy* sa manze.

Alors ki Minis oubyen PS mon ti a kontan vwar dan le fitir zot osi zot ti kapab menm reviz sa Polisi ki alors kekfwa baze lo sa lenfrastriktir sa touris a kapab reste dan sa landrwa *even though* i dan landrwa en pti pe rezidansyel.

Aprè mon dernyen kestyon vin ki pei pe al re ouver le 25 Mars nou'n vwar ki

i annan bokou bann lotel, espesyalman bann gran lotel. Zot pe ganny en kliyan *already* kantmenm zot pa pe vreman fer sa gran *opening*.

Me selman ki nou vwar e pti pe plis defayans pou bann pti lotel parey ki lotel ki *own* par Seselwa oubyen bann *guest house* ki pou mwan ou a dir zot en pti pe *dormant* pa pe war vreman *improvement* ek zot.

Ki mon ti kontan demande, ki vreman zot pe fer pou ankouraz sa bann pti letablisman pou kapab ouver osi le 25 Mars ki sa enn osi i kapab ede pou kre lanplwa ki kapab tir en pti pe presyon lo Gouvernman.

Ou konnen ki bokou Seselwa pe rod lanplwa ki a lafen dizour Gouvernman a benefisye nou pa a war bokou Seselwa pe rod parey nou pe koz *URS*, *FA4JR* ki tousala mon konnen in *phase-out*, ki i ava ed Gouvernman lo sa bout. Mersi Mr Chair.

### **MR SPEAKER**

Mersi. Minis wi.

### **MINISTER SYLVESTRE RADEGONDE**

Mersi Mr Chair. Mersi Onorab. Mon a fer serten komanter zeneral apre mon a refer avek

PS pou koz lo *rent* ofet i annan 3 nou sa *building*, i annan ne bout Minister Transpor ki la osi.

Wi Polisi akomodasyon wi, nou oule ankouraz parey mon'n dir avan akomodasyon *run* par Seselwa, kantite dimoun ki kapab annan sa soz *entrepreneurship* i byen.

Me an menm tan nou bezwen fer atansyon ki napa tro en proliferasyon. Nou, ler nou dir dan kominote nou bezwen osi regarde ki sa kominote. Mon pa oule en viziter ki vini ki vin pou repoze i war li dan en milye en *Housing Estate* kot lisyen pe zape sanses, kot lot pe zwe lanmizik for, kok pe sante granmaten 4er, bann zafer koumsa.

So dimoun zot pey en kantite larzan pou vin repoze, fodre i en landrwa ki repoze e apre dimoun avan ler zot antre ladan. E se sa ki mon dir nou bezwen donn en lanfaz dan sa nouvo striktir sa nouvo departman kot i ava annan en seksyon pou ed sa bann dimoun pou ki mannyer pou tenir en letablisman touristik.

Mon pa pou rakont bann *horror stories* ki mwan mon'n war dan lepase kot i annan dimoun par egzanp i krwar i normal i pe *run* en *guest house*

be i krwar i normal ki avan dezennen i pase i al anmas larzan pou li kapab al aste lavyann pou li kwi pou dezennen i pa kapab.

So konmsi la mon pe egzazere, me i o en ka reel sa rar petet me i soz, be vwala amenn repons sa kestyon. Apre *small hotels* sa dernyen kestyon. Eskiz mwan, Onorab eskiz mwan ou dernyen kestyon silvouple.

### **HON GEORGE ROMAIN**

Wi Minis ki mon ti pe dir, an vi ki pei pe al reouver le 25 Mars mon pe demande ki zot pe vreman e fer pou ankouraz bann pti lotel, bann pti *guest house* ki *own* par Seselwa pou osi kapab ouver?

Ki a tir en pe presyon lo Gouvernman ki plis dimoun a kapab ganny lanplwa. Mersi.

### **MINISTER SYLVESTRE RADEGONDE**

Mersi Onorab. Mersi Mr Chair. Wi efektifman dan sa, ou war depi sa lan ki *COVID* i avek nou ki pei in fermen apre in reouver depi Out lannen pase, i annan bann gran lotel ki'n fer tre byen en, bann gran lotel in toultan fer tre byen. E tre, tre byen menm.

Me sa ki'n soufer se bann pti lotel me se sa ki nou dir i

neseser li sa bann pti lotel ki *run* par Seselwa i osi ganny en sans fer en lavi, ganny en lavi, ganny en reveni, gard Seselwa osi dan lanplwa. E dapre bann *shift* ki nou pe regarde la, lo bann *forward booking* lo sa bann zour i vini i kler ki sa i pou posibil, i pou posibil.

I annan plizyer vol ki'n pozisyonn e ki'n *book, overbooked* ki annan bann konpran ki pe met dezyenn vol. Me parey mon dir nou tou sa lendistri i konsern nou tou, sa bann letablisman Seselwa osi i bezwen konsyan ki sa pa en moman prezan pou zot vin touye.

Konmsi nou'n fermen pandan lan prezan annou tap tou nou a tir nou larzan ki nou kapab. Mon krwar nou bezwen rezonnab, donn en servis ki alaoter me son servis ki annan valer pou sa pri ki ou pe sarze.

Me plis ki sa wi mon toutafe dakor avek ou nou anfen nou, nou kontan avek sa louvertir ki pe vini, bann prozeksyon ki nou pe war i pi permet bann pti lotel zisteman ganny en lavi. Mersi.

### **MR SPEAKER**

Mersi. *PS* ti annan keksoz pou azoute?

### **PS ANNE LAFORTUNE**

Minis mon krwar ou'n kouver tou keksoz zis selman *regarding* sa *rent*, wi dan *rent* nou lwe, nou, nou ganny larzan pou lwe pou tou, konmsi pou menm pou *STB* menm pou Minister Transpor. Kantmenm ou war tou sa larzan i dan nou Bidze i *inflate* nou Bidze, be selman nou pe kouver osi *rent STB* ek *rent* pou Minister Transpor.

Ou korek Onorab ki vreman ti a ideal pou nou ganny nou prop *building* e sa larzan i ganny servi pou en lot keksoz, be mon krwar sa i pou arive dan le fitir mon krwar i annan plan pou Gouvernman i annan en *building* kot nou, nou - Akoz nou'n ganny demande osi nou bann dimansyon pou nou ganny *accommodated* ladan. So dan le fitir posibleman sa i pou arive. Zis *regarding to 'residential'* ki Minis in mansyonnen mon krwar si nou ouver *into high*, akoz norm, nou dir *high residential area* ou pa kapab annan touris ladan e Minis in dir klerman pour ki rezon akoz nou ganny en kantite konplent.

E menm nou pou ganny dimoun dan Perseverance, akoz nou'n gannyen aplikasyon pou dimoun fer *rental* pou *tourism* dan Perseverance e *obviously* sa i pa pou posib.

*So we have to be very careful of kote nou allow* touris pou zot vin pas zot *holiday* dan en landrwa trankil. Mersi Mr Speaker.

### **MR SPEAKER**

Mersi. Onorab Pillay.

### **HON SEBASTIEN PILLAY**

Mersi Mr Chairman e bonn apre midi tou dimoun. Mr Chairman mon byen kontan la ki mon'n tann Minis koz lo bann travayer ki si zot pare pou travay i annan en lespas pou zot.

Mon tre apresye Minis e mon ti a kontan petet ou *share* sa ek Vis-Prezidan ki li i annan en lot lapros, i dir nou en keksoz apre i fer en lot. Mr Chairman mon ti a kontan ki Minis i klarifye en keksoz pou nou, anba bi Bidze eleman Polisi *planning* i en konponan enportan.

E en Polisi ki nou, nou'n deside pran se pou nou re ouver pei e ler ou ti dir sa pou premye fwa an Zanvye mon rapel, bann dimoun ki pe vini ti ganny *required* pou annan en *PCR negative* avek sertifika vaksen.

La pa pe bezwen e zot bezwen zis en *PCR* negativ ki zot in pran *prior*, apre zot vin isi i annan enn zot *free*.

Be ler nou get la mazorite lezot pei apard *Maldiv* la mazorite lezot pei *Antigua, Barbuda, well* petet sa lenformasyon ti ki mwan mon pe gete lo sa sit *web* i mal. Zot demand ki ler sa dimoun i ariv dan pei i fer en lot tes.

Akoz dan *planning* sa Polisi nou pa'n pran sa desizyon pou fer sa menm stratezi pou ki en dimoun ki antre dan pei i osi fer sa tes e i ganny sa rezilta e pandan sa 2 zour, sa 3 zour ki i pe esper sa rezilta i reste dan *confinement*?

Parske la nou fek vwar poudir par egzamp lekol Baie Ste Anne ki ti sipoze re ouver pa'n kapab reouver. Nou'n sorti vwar en *release* yer ki'n dir nou poudir menm dan bann *Homes* i annan bann *staff* ki'n teste pozitiv pou *COVID* e i annan lenpresyon e menm dimoun ki'n konfirman ki apeare ki zot in prn tou le de doz vaksen zot in teste pozitiv pou *COVID*.

So eski dan lespri annan sa kouvertir nou'n pran ase letan pou regard sa Polisi? Eski nou annan dimoun adisyonnèl ki'n ganny mete anba sa Bidze pou ed Gouvernman fer planifikasyon sa Polisi pou reouver pei. Mersi Mr Chairman.

## **MR SPEAKER**

Mersi Onorab. Wi Minis.

## **MINISTER SYLVESTRE RADEGONDE**

Mersi Mr Chair. Mersi Onorab pou ou kestyon. Onorab ler nou'n pran sa desizyon nou'n pran li avek tou konsyans nou ti oule ki nou program vaksen i ariv sa staz ki nou krwar i pou arive le 25.

E avek sa an konsiltasyon avek bann *staff* medikal parske *ultimately* se zot ki pou dir nou risk ki annan ki napa en mezir risk avek lezot keksoz. So nou'n pran sa desizyon an konesans de koz, e ozordi mon napa okenn rezon pou nou doute sa desizyon ki nou'n pran.

Me la mon e kout ou ozordi, tou desizyon ki nou pran nou pran li baze lo lenformasyon ki *available at the time*. Eski i ava annan en sityasyon kot nou pou bezwen petet aziste mon pa pe dir ou non, mon pa pe *rule out*.

*So there may come a point* ki nou pou bezwen aziste serten keksoz. Me la o moman ki mon dir ou nou, nou'n pran sa desizyon e nou'n pran ki pour Sesel nou pa'n konsider ki lezot destinasyon pe fer *to be honest with you*. Mersi Onorab.

**MR SPEAKER**

Mersi vitman silvouple Onorab, wi.

**HON SEBASTIEN PILLAY**

Mersi Mr Chairman. Mr chairman prenon kont kestyon ki'n ganny demande pou nou *allow* serten letablisman pou kapab re ouver.

E mon aksepte poudir pou annan lenstans kot serten letablisman ki dan kominote petet standar pa alaoter me en gran parti depans ki Seselwa in fer dan zot pti letablisman i montre poudir zot tou zot in sey zot mye pou elev standar letablisman.

E lefe ki nou pa pe *provide* sa *additional layer* of sekirite si oule lo en pwennvi Lasante, eski Minis ou pa krwar lefe ki nou, nou prezant en konteks touristik diferan avek *Maldives* ki li i servi sa bann zis ek sa bann *resorts as oppose* ki nou, oubyen sa bann letablisman i lo *main islands*, sa bann zil satelit parey Praslin e La Digue ki nou annan en striktir kot ou fer en *layer* sekirite adisyonnal parey sa teste, ki ler sa dimoun i vini, *as oppose* ki nou annan en *free for all* zis dimoun i antre dan pei pe galavant pe marse partou e nou tou nou konnen ki lenpak sa i kapab annan si

sa i ankor restrikte nou pou nou kapab ouver bann, en fason pli larz *as oppose to* fer bann reouvertir ki ouver frenmen, ouver frenmen.

E ki kout nou plis ser dan lonterm akoz nou bezwen met ls resours pou nou *manage COVID?* Sa i en konsern mon annan, e mon ti a kontan ou konsider sa.

En lot kestyon enportan ki mon oule, dernyen keksoz ki mon oule met devan ou Minis. Mwan, mon'n mon desizyon pou mon, mon pou siport ou Bidze akoz sa lapros ki ou'n pran pou donn bann travayer loportinite pou zot kapab kontinyen travay.

Sa pou mwan i en keksoz enportan e se sa rezon akoz mwan mon krwar mon devret pou siport sa Bidze lo non sa ban travayer.

Me en keksoz ki mon ti a kontan demande *Minister* se, an relasyon ek sa bann standar pour ki sa bann standar dan lenplimantasyon, e dan zot laplikasyon pa al ver touy lantouzyazm oubyen linisyativ Seselwa, pou zot fer keksoz dan en aktivite ki ou war etranze i vini i kapab fer.

Akoz li i vin avek larzan e la i pe vin avek son Dolar son *exchange rate* pou fer li pli fasil. Me la Seselwa li avek sa



pti larzan ek difikilte ki in gannyen ek sa bann *loan* ki in pran pou li anbelir son pti landrwa, e sa i kapab met lezot difikilte adisyonnèl pou li kapab repet sa bann *loan*.

So mon pe demande ki akòz nou pou annan sa kapasite dan sa Minister pou fer sa, ki nou regard sa de pre e asire ki Seselwa ki'n envestir dan sa ban aktivite i kapab zwir en serten keksoz dan zot aktivite malgre difikilte ki COVID-19 in anmennen? Mersi Mr Chairman.

**MR SPEAKER**

Mersi Onorab. Wi Minis.

**MINISTER SYLVESTRE RADEGONDE**

Mersi Mr Chair. Mersi Onorab. Onorab mon konpran antyerman ou pwen konsernan bann lotel, bann mezir ki nou devret annan sirtou bann pti lotel. I annan bann SOPs ki'n mete la.

Anfen nou a debat pou war si i pour, i *up* pou soz, mwan, mon krwar i *up to* standar, me *done 100 percent* konmsi i annan en set mezir ki pour *100 percent safety proof* pou napa, i pou toultan annan posibilite ki *you know* en viziter i kapab ganny enfekte i posib.

Parske menm avek vaksen ou gannyen enfekte, me sa ki mon kapab dir se ki sa bann mezir ki nou pran i pa'n *cast in stone*.

Parey mon dir bann kondisyon parey ou konnen ler nou ti prn sa desizyon, e parey nou konnen la ler mon pe dir ou i tel ki nou konfortab avek sa mezir si i annan okenn naryen drastik ki sanze nou a vwar si nou bezwen aziste.

An sa ki konsern bann letablisman Seselwa wi nou konsyan, nou annan serten paramet ki nou mete, ki nou demande mi en letablisman ki en dimoun ki oule fer par egzanp en *change of use* vwala bann kondisyon ki i devret annan.

Nou demande ki lasanm i devret annan en serten grander lasanmben serten grander. Mon espere ki dan lepase pa'n arive bann ka kot dimoun in konmsi in annan de pwa de mezir kot ou donn enn ou pa donn lot.

Me an tou ka sa ki mon kapab dir sa Lasanble dir avek Onorab se ki mon napa lentansyon annan sa fason fonksyonnen. Nou annan en set mezir ki pou aplikab pou tou dimoun. Mersi bokou.

**MR SPEAKER**

Mersi. Onorab Georges.

**HON BERNARD GEORGES**

Mersi Mr Chair. Mr Chair mon napa kestyon pou Minis mon ti anvi zis fer e pi lobzervasyon avek ou permisyon. Akoz mon santi ki mon bezwen.

Mon pa anvi ouver en deba, me mon krwar ki i mon responsabilite antan ki *Leader* Zafer Gouvernman pou mon defann Vis-Prezidan kont en latak an riflan ki Onorab *Leader* Lopozisyon in anmennen bomaten.

I regretab ki dan en tre bon kestyon, dan en tre bon kestyon *Leader* Lopozisyon in deside anvoy en latak an riflan lo Vis-Prezidan dan son kestyon. E mon dir sa akoz,

**MR SPEAKER**

Onorab Pillay les li koze silvouple.

**HON BERNARD GEORGES**

Dan en sel kou, dan en sel kou in kas *Order 36(1)(2) "question shall not contain opinions imputations* ki in anmennen *obviously"* bomaten, e *Order 59* kot in anmenn kondwit Vis-Prezidan *into question*.

So Mr Chair mon pe zis lev sa pwen pou mon defann Vis-Prezidan akoz i pa la pou li defann son prop lekor, i annan

en latak lo li e mon ti a kontan redres sityasyon an dizon ki sa pa ti neserer Onorab. E annou sey *refrain from doing it again*. Mersi Mr Chair.

**MR SPEAKER**

Mersi. Nou a termin la. Nou a termin la e nou a pran en vot lo Bidze pou *Department of Tourism* lo paz 478 ziska 486 pou en total 53milyon R22mil. Manm ki an faver lev lanmen silvouple? Mersi, Manm ki kont? Mersi Madanm Clerk.

Bidze pou *Department of Tourism* ki lo paz 478 ziska 486 pou total 53milyon R22mil in ganny 29 vot pour, 0 vot kont e 1 abstansyon. Alor sa Bidze in ganny aprouve par Lasanble.

Nou pou osi pran vot lo Bidze total pou Minister *Foreign Affairs and Tourism*. Ki tou ansanm i lo paz 471 ziska 486 pou en total 148milyon R275mil, Manm ki an faver? Okenn Manm ki kont?

Vot pour *Ministry of Foreign Affairs and Tourism* ki lo paz 471 ziska 486 pou en total 148milyon R275mil, in ganny 30 vot pour, 0 vot kont e 0 abstansyon. Alor sa Bidze in aprouve.

Mon a dir zot tou mersi bokou e nou pran poz la e nou a rebran 2er edmi. Eskize bann

Manm ki ti annan Komite zot zis bezwen e met an retar en pti pe komans en pti pe pli tar ki labitid.

E mon a dir mersi Minis ek bann Zofisye Departman *Tourism* pou zot partisipasyon. Nou a rebran 2er edmi. Mersi.

**(BREAK)**

## **SEYCHELLES TOURISM BOARD**

### **MR SPEAKER**

Bonn apre midi tou dimoun. Nou'n ariv lo *Seychelles Tourism Board*. E mon annan plezir akey bann zofisye ki'n zwenn Minis pou sa sesyon. E nou annan Mrs Shirin Francis, *Chief Executive Officer*. Ms Jenifer Sinon, *Deputy Chief Executive Officer* e Mr Guy Hoareau, *Financial Controller*. Bidze *Seychelles Tourism Board* i lo paz 487 ziska 492 pou en total R142milyon 59mil. Minis, lentrodikeyon silvouple.

### **MINISTER SYLVESTRE RADEGONDE**

Mersi Mr Chair. Bonn apre midi Mr Chair, *Leader Lopoziyon*, Onorab *Leader Government Business*, Onorab. Efektivman Mr Chair, *Board Touris* parey nou tou nou

konnen i responsab pou *marketing* Sesel aletranze. E en kantite son aktivite, son Bidze osi i dirize ver sa. Pour sa lannen 2021, nou'n ganny alokasyon R142.06milyon koman Bidze *STB* e sa i en logmantasyon 1.2milyon konpare avek Bidze lannen pase.

An gro sa logmantasyon i reflekte prensipalman logmantasyon lo to lesanz deviz etranzer.

Avek *COVID-19* Mr Chair, *STB* pandan sa, anfen depi lannen pase e dipi sa lannen in komanse in bezwen revwar son bann aktivite, revwar ki mannyer i fer son bann aktivite pou atenn lobzektif ki i bezwen. E i kler ki ozordi en kantite bann aktivite pe ganny fer par *zoom*, par *video* konferans e i kler osi plis ki zanmen ki *STB* i bezwen bouz dan *e-marketing*. Servi bann teknolozi modern pou nou fer travay ki nou annan pou fer.

Depi osi lannen pase, *STB* in anbank lo en legzersis pou koup depans loperasyon, pou kapab annan plis larzan pou met dan *marketing*, ki touzour annan en gran demann pou envestir ladan.

E an rezilta sa nou'n, *STB* in ferm lofis *STB Italie*, *La Grande Bretagne* e en Lofis

L’Afrique du Sud. *CEO* apre i a eksplike ki mannyer sa nouvo loperasyon prezan pou fonksyonnen.

An se ki konsern La Frans, parey mon ti dir bomaten ler nou ti pe diskite Bidze Departman Touris, La Frans, ouswa avek *Foreign Affairs*, mon pa tro rapel. La Franse, prezan *STB* i baze dan *building* Lanbasad Paris. E i sov nou larzan ki nou ti pe peye lo *rent* dan sant Paris kot ti ete. Lasin ti annan detrwa biro e prezan nou pe mentenir zis en biro ki baze Shanghai.

Avek sa bann restriktirasyon, revwar loperasyon *STB* i vedir osi ki plizyer *staff* ki ti baze deor in ganny prezan ganny demande pou vin fer zot loperasyon isi. Lasanble i a konpran ki avek *COVID* ki person pa pe kapab voyaz, tou biznes pe ganny fer *online*, nenport ki i kapab fer sa, nenport ou. E ler zot isi Sesel i sov nou bann depans ki nou fer pou mentenir *staff* aletranze.

Vwala Mr Chair, mon a les kestyon vini e *CEO STB* i ava kapab donn en apersi ki mannyer nou stratezi i ete *going forward* an se ki konsern *marketing* Sesel, bann marse ki nou bezwen targete, ensidswit. Mersi.

### **MR SPEAKER**

Minis eski ou le fer leksplikasyon la, oubyen an repons avek kestyon? Ki mon pa’n tro konpran ki ou anvi fer?

### **MINISTER SYLVESTRE RADEGONDE**

Non, non. Mon dir avek kestyon nou a reponn, nou a donn leksplikasyon, leklersisman.

### **MR SPEAKER**

Tre byen, tre byen. Nou a pas lo kestyon Manm. Mon apel Onorab Aglae.

### **HON EGBERT AGLAE**

Mersi, Mr Chair e bonn apre midi *panel*.

Minis dan ou *summary* la, mon ti a kontan konnen anvi ki ou pe nonmen poudir i annan bann biro *STB* enternasyonal ki pe fermen. Mon ti a kontan konnen premyerman, an vi ki zot ti annan bann azan ki ti travay pou Sesel aletranze. E ki pou arive avek zot, akoz zot ti lo en *sort of payroll*? Premyerman mon ti a kontan konnen.

Dezyenm, eski zot pe al dan en pratik, vi ki nou dan sityasyon ekonomik la. Kot a lavenir bann azan ki

promosyon touris pou Sesel. Zot pou petet konsider en lofis dan bann Lanbasad ki nou, nou pe okipe? *Ok?*

E dernyen Minis, mon konnen zot in bouz. Ler ou'n pran ou lofis Minis, *STB* zot in al dan menm batiman ansanm avek. Si mon pa tronpe i annan en Departman mon krwar zot in *share floor STB* avek Minister Tourism. Zot dan en sel lokasyon. *Are my right? Yes, ok.*

Eski baze lo sa Minis, sa Bidze ki pe prezant ek nou, *STB* ki mon konnen pou annan sanzman avek *STB*. Eski pou annan okenn sanzman lo kot i konsern *rentals* lo sa nivo? Mersi.

### **MR SPEAKER**

Mersi Onorab. Wi Minis.

### **MINISTER SYLVESTRE RADEGONDE**

Mersi, Mr Chair. Mersi Onorab. Mon a reponn dernyen kestyon e mon a les sa 2 lezot pou *CEO* avek *Deputy CEO*. An sa ki konsern *rental* Onorab, sa *building Botanical House* i *accommodate* Departman Touris, Minister Transpor. *At least Secretariat* Minis Transpor avek son *PS* e *STB*.

Mwan mon biro i reste touzour *Foreign Affairs*, dan *Maison Queau de Quincy*. *Rent* ki nou peye parey *PS* Touris ti dir bomaten. Nou pey R800 ekek mil par mwan pou *rent* ki bokou. I bokou e anvi sa demann ki Gouvernman ti fer avek tou dimoun pou al negosye, re negosye *rent*. Nou'n fer sa legzersis e nou pa'n ganny sa 25poursan ki target ki Gouvernman ti'n donn nou pou al negosye. Nou'n ganny 12.5 poursan. Sa ki mon konpran.

Donk sa Bidze *rent* i tonm anba Departman Touris, ki pey pou tou lezot antite ki dan sa *building*. Me i kler *going forward* ki nou pou bezwen regard posibilite. An atandan ki nou ganny sa *complex* biro Gouvernman, ki nou a pa tro konnen kan pou komanse ankor, ki petet nou etidye posibilite ganny akomodasyon biro ki pli bonmarse. Vwala. Lo zot 2 kestyon avek lotorizasyon Mr Chair, mon a pas avek *CEO* silvouple.

### **MR SPEAKER**

Mersi, wi *CEO*.

### **CEO SHERIN FRANCIS**

Mersi Mr Chair. Mersi pou ou kestyon Onorab. Petet avan mon reponn sa kestyon.

Kekfwa i enportan ki mon klarifye. *Overseas* pou nou bann marse nou annan *staff* apre nou annan bann marse kot nou annan bann reprezantasyon. Petet mon krwar sanmenm sa ki ou pe fer referans koman azan.

I annan landrwa kot nou'n ferm lofis, ki i anfet bann *staff* *STB* ki travay dan sa bann lofis. E kantmenm nou'n ferm sa lofis fizikman i pa vedir ki, rol sa *staff* i diminyen. I ankor *still* reste ansarz sa marse, me zis pou rezon ekonomik la. I pou pe travay apartir *Head office* Sesel.

I pou *conduct* son aktivite apartir *Head office* Sesel, i *still* reste ansarz sa marse. Me selman son biznes i pou pe fer li *from Head office* isi Sesel.

Kant a bann marse kot nou annan reprezantasyon, sa bann fason ki nou *operate* i diferan. Ou pey li zis en *fee* e i pran ka avek tou keksoz. So, *whether* kot i asize i pa fer en diferans pou nou.

Ou'n demann sa kestyon lo kote Lanbasad. Mon krwar sanmenm sa kestyon ki ou'n demande. Si petet pa ti a - dan lefitir pou gete si sa bann azan i pa kapab asiz dan Lanbasad. Parey mon'n dir, bann reprezantasyon ou pey

zot zis en *fee*. So, kote zot lofis i ete i pa vreman en gran konsern. I pa en konsern pou nou aköz zot ki bezwen rod zot prop lofis.

Me selman sa legzersis kot nou annan *staff*, sa ki nou apel nou *staff* pou nou *STB*, nou ti'n deza fer depi avan, kot nou kapab servi fasilite Lanbasad, nou'n toultan *welcome*. E deryer mon kontan sa *move* ki ozordi lofis Lafrans osi i ganny trouve dan Lanbasad.

Avek sityasyon ekonomik osi nou'n vwar li neserer ki nou bann larestan lofis osi tou, nou rod fason pou nou ekonomiz nou kou. Me selman mon kapab garanti tou *staff* zot bann rol ek fonksyon i ankor la.

#### **MR SPEAKER**

Lot pwen. Ki klarifikasyon Onorab?

#### **HON EGBERT AGLAE**

En klarifikasyon petet *CEO*, ou ti kapab zis dir nou konbyen sa reprezantasyon enternasyonal, *staff* la. Konbyen *staff* i annan?

#### **MR SPEAKER**

Mersi. Wi *CEO*.

#### **CEO SHERIN FRANCIS**

Enternasyonalmman pou lemoman la nou annan 15 kontra. Nou annan 7 reprezantasyon e 8 ki i bann kontra *staff* deor.

**MR SPEAKER**

Mersi. Onorab Romain.

**HON GEORGE ROMAIN**

Mersi Mr Chair. Bonn apre midi Minis ankor ek ou *panel*. CEO, mon'n tann CEO detrwa fwa in koz *e-marketing* parey Minister osi fek mansyonnen. Bann *digital marketing* mon konnen zot enterpret sa.

Ki mon pe demann CEO, an vi sa pou nou i nouvo dan en serten sans. Akoz problemn i akoz i COVID, COVI-19. Nou pa kapab al *travel overseas* pou fer *marketing*. Alors mon pe demann CEO ki lavantaz in anmennen pou nou? Si ou krwar nou'n benefisyen vreman lo sa kalite staz *marketing*? Ki manner ki nou pou kapab prouve ki nou'n benefisyen? Si wi, kan ki nou pou vwar sa logmantasyon dan *tourism* kekfwa sa lannen oubyen lannen prosenn, baze lo sa *style marketing* ki zot in fer? Mon konnen zot in napa swa, *that's the only way*.

Apre mon dezyenm kestyon. Mon pe regarde anba *international marketing*. Mon

pe vwar i annan 2 *marketing cost*. Sa i anba '*other uses of goods and services*.' Mon vwar enn i R2.5milyon apre i annan en lot i R4.5 milyon. Konmsi anba 2 menm non - 2 menm *head*. Mon ti anvi zis ganny en pti leksplikasyon lo sa 2 *amount*. Mersi, Mr Chair.

**MR SPEAKER**

Mersi Onorab. *Panel* ler zot pare sinyal mwan silvouple. Zis lev lanmen pou sinyale pou reponn. Wi CEO.

**CEO SHERIN FRANCIS**

Mersi Onorab. Zis pou nou eklersi, akoz anba '*international marketing, other use of goods and services*' i annan en kantite Code. Si kekfwa ou kapab presize lekel ki ou pe fer referans avek, vreman?

**MR SPEAKER**

Ou a eklersi?

**HON GEORGE ROMAIN**

Ok, Mr Chair. Ok, parey sa enn ki pe dir 2.5, si mon pou dir son Code. Akoz kekfwa mon pa pe swiv dan menm, mon pe swiv dan en lot latab mwan en. Sa i Code 2.5 pe tonm ... Son Code i vin 120A001. KD2110. Mon pa

konnen si ou'n vwar sa enn. Latab 4, lo *page 4*.

### **MR SPEAKER**

Wi *CEO*.

### **CEO SHERIN FRANCIS**

Mersi pou klarifye. Anfet dan *international marketing* ou pou vwar i annan en kantite bout ki nou kas li an pti morso. Akoz sa? I annan 2 Bidze prensipal ki ganny *factor anba international marketing*. Enn i nou *marketing cost for marketing budget* e 2 i bann 'other service agreement' ki *basically* nou bann kontra deor.

Pou sa enn *specifically* 001 i fer referans avek marse Lasin, pou li ki ou pou vwar i pa zis Lasin me i annan detrwa lezot marse ki *the trend*. Sa ki nou'n *allocate* zot lannen pase ek sa ki nou pe *allocate* sa lannen, in redwir.

E rezon pou sa i en pti pe anliny avek nou stratezi ki nou anvi donn bokou plis sipor bann *partner*. E la bann *partner airlines* sirtou. E ki nou'n fer, se ki nou'n redwir en pe *marketing cost* ki ti pe ganny distribye atraver bann lofis deor, e nou ti pe tant kit en pe plis avek *Head office* pou nou kapab sipor bann *airline*, nou annan *joint marketing*

*agreement*. Ki sa larzan i ganny depanse lo sa marse, li.

Me selman ler ou depans li atraver en *partner* ou kapab double sa sonm ki ou annan, akoz ou konnen poudir sa *partner* i pou *match* sa ki ou annan. Si ou'n met en \$1 lo osi i pou et \$1 an term sipor ou an term larzan direkteman.

E sa *Code* ki ou'n demand i ore *specifically marketing cost* pou La Chine. *Ok?*

Pou kestyon ki ou'n demande lo *digital marketing* ki en tre bon kestyon. Pou nou *STB*, *digital marketing* i pa en keksoz nouvo. Mon krwar si zot in swiv en pti pe Lasanble dan lepase, zot pou vwar poudir in toultan dan nou *strategic priorities*. Nou'n toultan rod fason pou nou angaz sekter prive dan tourizm pou *embrace* benefis ki sa i kapab anmennen pou nou.

E pou sa lannen nou pe en pti pe pli agresiv lo la, byensir *COVID* in ed nou dan en bon lavantaz, lefe ki nou'n vwar ki lemonn antye in tant pou bouz vertyel.

Avan nou ti pe servi bokou bann platform sosyal pou nou kapab *reach* nou bann *intended customer*. Me ozordi preski tou nou biznes, en bon pe i ganny performen *virtually*. E menm *building*



relasyon avek nou bann *partner*, nou *media partner*, nou *trade partner*, nou bann Lazans, tour operater. E en kantite sa bann relasyon i ganny fer atraver *virtual*.

E menm ozordi i annan sa ki nou apel. Semenn pase mon'n partisip ladan, i apel *virtual ITB*. Kan avan nou ti bezwen fizikman depase pou nou ariv *Allemagne* pou nou kapab fer sa levennman. Nou ti annan nou *GCC roadshow* detrwa semenn pase osi tou. Annan nou ti bezwen deplase nou tou pou fer sa *roadshow* dan 4 pei par egzanp e nou ti bezwen anmenn avek nou, nou bann *trade* lokal osi, ki ti bezwen *incur* sa *cost* pou zot kapab deplase.

I vin dan nou kou en pti pe kot resours i limite, *but going virtual* i pou ed nou en kantite. Me selman nou bezwen *monitor* ki mannyer *trend* i ale. Nou espere, e mwan mon espere ki en *trend* ki reste. Akoz ki i fer ki nou ava kapab *stretch* nou pti git resours en pe plis, akoz *then* nou kapab fer plis ek sa larzan akoz nou napa sa bann kou deplasman.

Tout an rekonesan ki nou konnen nou dan en lendistri ki enplik dimoun, petet i pou annan en lenstan ki nou

bezwen vwar en dimoun fizikman, me selman pou lannen pase nou'n fer en kantite nou aktivite *virtual*. E mwan mon menm mon'n satisfè avek rezilta e nou espere ki sa *trend* i reste.

E mon krwar ou'n osi demann en kestyon, si sa i pou ed nou pou nou kapab ogmant nou larive tourizm pou bezwen mwan ki pe vini. Mon mazine *probably* i en kestyon ki lo lespri zot tou. *Digital marketing* i enn bann stratezi, bann taktik ki nou servi pou nou kapab fer nou biznes. Enn, pou nou kapab *reach the audience* e sa ki bon avek *digital marketing*, se ki ou kapab pli *targeted* dan ou stratezi.

Ou devlop, ou travay lo ou bann *potential persona* ki ou anvi *reach*. Si ou konnen ki laz i annan, kot reste, ki i fer, ki son *patern*, ki i fer lo *internet*. I pli fasil ler ou fer bann kanpanny *to reach them*.

So, si ou konnen ou kalite kliyantel i kontan lir en serten magazin, kan i *click* lo sa magazin, ou avertisman in fini ariv kot li.

So, i donn ou plis sa sans *to be more targeted*. Me selman nou bezwen realiz nou bann kliyantel. Wi en kantite i servi *screen* e pour sa rezon

nou pe anplifye *digital marketing*. Me i annan en kantite nou kliyantel ki ankore *still* vin atraver bann *traditional channel*. E dan sa prosesis nou pa kapab negliz nou bann *traditional challenge*. I ava annan en tranzisyon, me si i annan en serten marse kot en *tour operater*, en Lazans i ankore *still* pe prodwi gro nimero pou nou. Nou bezwen dan nou stratezi osi fer sir ki, nou pe travay avek zot an menm tan e nou pa kapab negliz kot nou biznes i pe sorti.

So, *I hope* mon'n reponn ou kestyon. Mersi.

### **MR SPEAKER**

Mersi *CEO*. Onorab Lemiel.

### **HON SYLVANNE LEMIEL**

Mersi Mr Chair. Bonn apre midi tou dimoun. Premyerman *Minister* mon vwar anba zot *international marketing* en pti pe partou, zot '*other service agreement*' in *increase*. Petet mon ti a kontan konnen akoz e kwa sa bann '*service agreement*.'

Apre letan mon pe regard anba zot *strategic priorities*. En pwen enportan se *marketing intelligence*, ki mon vwar zot oule fer serten travay lo la pou *enhance* sa. Pandan lannen 2021, ki sonm larzan petet zot

in mete pou zot kapab *enhance* en pti pe lo sa kote *marketing intelligence* pou zot fer li vin en pti pe pli byen? E ki pou zot kapab fer sir ki lo kote *marketing* zot reste relevan e nou pe fer sir ki nou ganny touris pou vin Sesel? Mersi.

### **MR SPEAKER**

Mersi Onorab. Wi, *CEO*.

### **CEO SHERIN FRANCIS**

Mersi Onorab pou ou kestyon. '*Other service agreement*' i bann *staff* ki lo kontra deor. I annan 2, i *either* nou bann *staff* ki lo kontra ouswa nou bann reprezantasyon.

Ou pou vwar an tou i pe kout nou pou sa lannen en pti pe R20.7milyon. Anfet sa sif i preski parey pou lannen pase li. Me in annan diferans ant kontra. Lannen pase nou ti annan 21 kontra. Sa lannen nou annan zis 15 kontra. E sa gran diferans i akoz *rate of exchange* ki bokou pli ser. So, i kout nou plis Roupri pou nou servis sa bann *contract*.

Lo kote nou *strategic priorities marketing intelligence*, i byen ou'n demann sa kestyon. Akoz pou nou sa i en nouvo seksyon dan *STB*. E nou'n vwar li enportan ki nou annan sa seksyon e ki sa lannen dan Bidze nou'n donn li

zis pou finans son aktivite, pa *staff*, R2.5milyon ki pou sorti dan *marketing budget*.

E sa seksyon i vreman enportan akoz i *actually* sa seksyon ki pe donn nou *marketing intelligence* pou nou kapab *build* nou stratezi *going forward*. Mersi.

**MR SPEAKER**

Leklersisman Onorab? Wi.

**HON SYLVANNE LEMIEL**

Mersi Mr Chair. Wi, petet mon pe mazine letan ou'n nonm lo kote *staff*, konbyen petet *staff* ki ou pe mazin annan dan sa seksyon pou fer sa travay? Mersi.

**MR SPEAKER**

CEO, wi. Wi CEO, *go ahead*.

**CEO SHERIN FRANCIS**

Nou ti annan 2 *staff* dan sa seksyon, en direkter avek en *senior officer*. Komansman sa lannen nou'n *second* en *marketing staff* ki en trwazyenm *staff* pou travay dan sa seksyon akoz nou'n vwar volim travay in ogmante. E si pandan lannen nou santi nou bezwen plis kapasite dan sa seksyon, nou pare pou nou fer *redeployment* pou tir *staff* dan lezot seksyon, pou bouz dan sa seksyon si i neser.

Me pour lemoman i annan en kantite fwa, sirtou ler i annan *survey* ki pe ganny fer, *staff marketing* i asiste direkteman, sirtou si i *labour intensive*, zot asiste direkteman sa seksyon avek bann travay.

**MR SPEAKER**

Mersi. Onorab Labrosse.

**HON RICHARD LABROSSE**

Bonn apre midi Mr Speaker. Bonn apre Midi Minis. Bonn apre midi CEO Francis avek ou lekip. Ler mon pe ekout ou la devan i paret ou en dimoun ki konn byen ou bann *stuff* e sa i en gran lankourazman pou nou pei kontinyen devlope dan sa Sekter. Lo '*other uses of goods*' dan *budget details*, Mr Speaker, lo *Code 120A006*, nou'n vwar ki 2020 ti annan en sonm 500mil. Pou 2021 la, nou'n vwar ki sa in ogmante pou ariv 900mil lo bann zafer *agreement*.

Mon ti ava kontan si CEO kefwa ou ti a voudre donn en pti pe plis detay Lasanble, ki a bann lagreman ki nou pe koz lo la avek sa bann alokasyon? Apre mon'n vwar dan ou '*current challenges*' ou pe ganny en pe difikilte pou ganny bann statistik pou ou kapab fer bann desizyon, sa sirtou ler

i konsern *monitoring* avek *reporting*.

La kekfwa si ou ti kapab dir ek Lasanble kwa ki ou krwar ki pe fer ou ganny sa bann difikilte e ki sizesyon ki kekfwa ou ti kapab met devan. Mersi Mr Speaker.

**MR SPEAKER**

Mersi Onorab. Wi *CEO*.

**CEO SHERIN FRANCIS**

Ou kapab zis repet sa dezyenm kestyon silvouple.

**MR SPEAKER**

Ale Onorab. Lo *statistic*, lo *marketing*.

**HON RICHARD LABROSSE**

Yes *CEO*, lo statistik mon vwar ou ‘*current challenges*’. Mon vwar ki ou dir ki ou ti pe ganny serten difikilte pou ou ganny bann lenformasyon, sirtou ki annan pou fer avek *monitoring* ek *reporting* lo performans. So, la nou ti ava kontan si ou ti ava dir avek Lasanble kwa ki ou santi ki pe fre ou ganny sa bann difikilte e ki sizesyon ou ti annan pou fer ou louvraz pli fasil lo sa kote ?

**MR SPEAKER**

Mersi Onorab. Yes *CEO*.

**CEO SHERIN FRANCIS**

Mersi Onorab pou ou kestyon. Lo kote sa *Code*, ankor i *relate to other service agreement*. Menm kestyon ki Onorab avan in demande. E sa i pirman *reflective of exchange rate*. Sa logmantasyon ki ou vwar i annan pou fer ek *exchange rate*.

Dezyenm kestyon lo kote *statistic and monitoring* ki enn nou bann *challenge*. Ou konnen pou ou fer en stratezi ou bezwen en kantite *data*. Ou bezwen *statistics*, ou bezwen en kantite *insights*. E nou ti a voudre avek letan, ki nou *statistics capability* menm as en pei, i kapab *beef up* pou nou ganny plis detay, pli *accurate*, pli detaye ki i ava ed nou kapab *be more targeted* dan nou lapros.

Nou deza, parey mon ti’n mansyonnen oparavan dan mon larepons avek Onorab. Se ki nou annan sa seksyon *marketing intelligence* ki i ase resan, i ase nouvo. E ki nou’n kapab fer en kantite travay pou nou kapab ganny en kantite bann *marketing intelligence*, kan dimoun pe reserse e ki zot pe reserse. Ki zot pe rode, kwa ki dan zot lespri. En pti pe lo kote *forward booking*. Nou ganny diferan lenformasyon ki ed nou en pti pli *targete*.

Me selman par egzanp nou ti a kontan konnen en viziter ler i vini, pa zis an gro kantite reveni nou'n anmase. Kantite *earnings*, kantite *foreign exchange* ki'n antre dan sistenm pou 1 mwan. Nou ti a kontan *eventually* nou konnen lekel sa marse kot nou pe ganny sa rannman en pe plis.

Nou, *as STB* nou sey rode bann fason pou nou anmas sa lenformasyon. Par egzanp nou annan en kontra avek *VISA*. Kot sak *VISA card* ki ganny depanse Sesel, nou ganny sa *statistics* e nou konnen si sa *VISA* i *originate from Switzerland*, si i *originate from Lafrans*, si i *originate from Langleter*. So, i donn nou en ledikasyon lekel marse ki pe depans lo kwa, atraver *VISA card*.

Me selman nou ti a kontan nou *as a* pei, kekfwa nou annan plis sa kapabilite pou nou ganny plis sa bann detay, akoz *then* i ti pou fer nou en pe pli *targeted* dan nou lapros e ler nou pe fer nou bann stratezi osi tou.

### **MR SPEAKER**

Mersi *CEO*. Onorab Loze.

### **HON JOHAN LOZE**

Mersi Mr Speaker. Mr Speaker, kestyon ki mwan mon

ti anvi poze se la ki nou dan en letan *non-traditional*. Mon ti anvi konnen si nou pou annan bann stratezi *marketing* ki inovativ, ki *non-traditional*. *What will we be selling going forward* ki pou aport sa touris pou vin depans son larzan isi Sesel *apart* nou ban atou tradisyonnal ki nou annan e nou kiltir natirelman?

So, si *STB* li i pe mazin fer en depar dan en nouvo direksyon pou lo pozisyonn Sesel kot i a kapab anmas tou sa bann larzan ki pe flote deor? Mersi Mr Speaker.

### **MR SPEAKER**

Mersi Onorab. Yes Minis. Wi.

### **MINISTER SYLVESTRE RADEGONDE**

Mersi, Mr Chair. Mersi Onorab pou ou kestyon. Si nou koz, Onorab si nou pe koz dan lepok ki nou ladan la, ki nou pe vann Sesel. Nou pe vann Sesel la koman en destinasyon ki *safe* pou ale, en destinasyon ki pe *welcome* tou dimoun. En destinasyon ki lanvironnman i ankor prop, i ankor *pristine environment*. Vwala ki nou pe propoz zot la.

Me i kler *going forward*, nou pou bezwen revwar ler lemonn i ouver nou pou bezwen revwar nou stratezi

*marketing*. Pou en bon pe letan nou'n anba sa *tagline* 'Seychelles another world.' Bon de tanzantan dan tourism ou bezwen re envant ou, ou bezwen re vwar. So, moman *venu* mon krwar nou pou bezwen osi revwar sa e gete ki manner nou pou pozisyonn nou dan sa nouvo normal.

Mon pa konnen si *CEO* ou anvi azoute.

### **CEO SHERIN FRANCIS**

Mersi Minis. Mersi Onorab pou ou keston. Zis pou azout lo sa ki Minis in dir, nou'n realize wi i enportan pou nou rod fason pou kapab re atir latansyon touris globalman, sirtou ki nou konnen la pou komanse i pou napa vremen sa gran kantite dimoun ki pou pe voyaz. E Minis in koz lo *re branding*. Me nou *STB*, ki nou pe fer. Zot pou vwar poudir i annan bann kanpany ki nou'n lanse, sirtou *digital*. Akoz i ganny *consume* en kantite *digital* 'experience Seychelles.' Kot nou pe pous bokou leksperyans, i annan enn ki pe *run* la. 'Experience Seychelles, our home your sanctuary.'

Koz en pti git lo sa ki Minis in dir, i reflekte en kantite nou bann atou. I annan enn ki pou pe vini tre

byento pou swiv. E sa ki i enportan ladan sa bann letan la kot nou pe reouver lafrontyer en pe pli gran. Nou pe re pozisyonn nou lekor, se ki retourn kot *market intelligence* la. Ou anvi konnen an premye lekel sa bann dimoun ki pou pe vwayaze. Kot zot ete. Dan ki pei zot ete. Ki zot pasyon, kwa ki dan zot lespri. Kwa ki enportan pou zot pour lemoman la.

I parey nou konnen poudir parey lanatir, *nature travel*. Kantite dimoun in ganny *lock* anndan pou en gran peryod letan, zot anvi eksperyans *outdoor*. Zot anvi al dan bann landrwa ki ankor *pristine*, ki annan zoli labote, ler fre.

So, atraver nou *marketing intelligence* nou pe *build* sa, ki fer ki prezan nou kapab *build* nou kominikasyon lo la. E si ou pe koze ki manner *inevitably* nou kapab pas sa bann mesaz, la a nou laporte i nou bann *virtual means* ankor. Nou bezwen konnen lekel platform ki pli dan nou lavantaz, nou kalite kliyantel lekel *platform* ki frekant plis, ki *spend* plis son letan lo la *digitally*. E ki nou *build* nou bann *persona* pou target zot bokou.

I annan sa bann bout kot prezan ou kapab fer bann konpetisyon. Bokou plis konpetisyon pou ou ganny *content*. Pou ganny dimoun pou *engage* avek ou bann *content* osi. So, nou pe mazin en pti pe bokou. Linovasyon i kapab vin lo kote *digital*.

Lo kote si ou pe demann lo *market segment*. *Niche*, bann nouvo *niche* ki nou kapab target. Par egzanp nou'n travay avek nou lezot *partner* lo en program par egzanp *even* pou *long stay travel* par egzanp. I en keksoz ki petet avan *it was unheard* pou Sesel. So, kot nou vwar i annan en loportinite atraver nou bann resers ki nou pe fer. Nou, nou fer sir ki nou devlop bann stratezi, fason kominike ki pou kapab *reach* sa marse. Mersi Onorab.

### **MR SPEAKER**

Mersi. Wi, klarifikasyon Onorab.

### **HON JOHAN LOZE**

Mr Speaker. Mon ti a zis kontan propoze. Si ti ava enters zot pou ankouraz bann Seselwa, *content creators*. *Anyway*, nenport ki i kapab en *content creator nowadays with the right phone*. *Create content*,

*post online*, sirtou lo *YouTube*, *generate the buzz*. *Generate* lentere dan Sesel.

Si zot ti kapab trouv en fason, sirtou bann zenn Seselwa ki enerzetik, ki kreativ. Ankouraz zot, posibleman *reward* zot *from that huge marketing budget* ki zot annan. Kree zot *YouTube channel*, pose, *generate* aktivite e *generate* en *general buzz* otour Sesel. Sa i posibleman kapab anmenn nou en retonbe ki pa pou nobou trouve lo ou menm. Mersi Mr Speaker.

### **MR SPEAKER**

Mersi. Wi *CEO*.

### **CEO SHERIN FRANCIS**

*Ok*. *Noted* pou sa. Selman i pa ti dan nou stratezi. Mersi.

### **MR SPEAKER**

Mersi. Onorab Cosgrow.

### **HON WALLACE COSGROW**

Mersi, Mr Chair. Bonn apre midi *CEO*, Minis e tou bann dimoun lo *head table*. Mon pou re vin avek mon kestyon bomaten konsernen lefe ki *STB* pe ganny abzorbe dan Minister. *CEO* ou'n laba en kantite letan kot *STB* e ou'n vwar revolisyon nou Sekter Touris. Annefe mon krwar mon devret felisit ou, pandan ou

letan ek *STB* nou'n vwar nou kantite touris, viziter ki pe vizit Sesel in ogmante e mon sipoze nou fer ase byen. Eski ou krwar *is the right move* pou *STB* pa egziste e sa fonksyon ganny fer dan en Minister?

Dezyenm, *CEO*, Minis in dir nou *market* Sesel koman *safe*, tre byen. Mon ti pe *look forward* pou letan nou lans nou *tourism sector*, nou re ouver. Nou ti kapab dir Sesel i '*COVID safe*.' Malerezman zis yer menm nou vwar nou'n ganny 83 ka *COVID* e nou'n perdi sa *marketing edge* ki nou ti kapab dir Sesel i '*COVID safe*.' Petet nou ti ava ganny bokou, bokou plis viziter komansman.

Ki nou pou fer dan sa laliny pou nou reasir viziter ki pe vin Sesel ki zot pa pou vin anmas *COVID* Sesel?

E dernyen kestyon o size ou Bidze. Nou annan sa dan ou Bidze *international marketing*. Nou annan sa bann' *other service agreement*' la. Ozordi Gouvernman pe dir avek tou nou bann antreprenner, sirtou bann ki lwe lofis, lakaz. Ki annan *service agreement* avek Gouvernma,. Gouvernman pe demann zot pou donn en *discount* 25 pousan or mannyer zot kapab. *Building* zot in ganny 12.5.

Eski i annan *anything* ki zot pe fer dan sa laliny pou osi negosye ek sa bann dimoun, akoz i en *big chunk of the budget*. Negosye ek sa bann dimoun ki zot annan servis *agreement* deor pou sey gete si zot kapab dan nou letan problemn la, solider avek nou. Zot osi sey donn en pti *discount* lo zot *servis agreement* ki ler keksoz i tourn normal, petet nou a kapab re negosye.

Me konmsi nou pa kapab zis dir avek nou Seselwa ki zot osi zot dan difikilte fer sa sakrifis, me selman sa bann dimoun osi pe benefisye avek nou. Zot osi zot bezwen kapab fer en pe sakrifis. Mersi.

### **MR SPEAKER**

Mersi Onorab. *Panel*. Minis, wi.

### **MINISTER SYLVESTRE RADEGONDE**

Mersi, Mr Chair. Mersi Onorab. Mon a reponn sa enn kestyon lo *COVID safe Seychelles*, e *CEO* i a pran lezot kestyon. Onorab nou pe *vaccinate* sa popilasyon. *COVID* pa pou ale demen. Donn garanti ki personn pa pou ganny latou, personn pa pou ganny lafyev mon krwar i



en move largiman ki nou pe al ladan.

Vaksinen li menm i pa en garanti ki ou pa pou ganny *COVID*. Ki i donn ou garanti, si ou ekout bann syantis, Dokter se ki omwen i pa devlop dan bann enplikasyon serye. Setou. Donk i vedir ki ou, mwan, nou tou, nou riske ganny enfekte. E touris parey nou dir, nou dir zot parey tou nou dimoun. Pran bann mezir normal ki Lasante in mete. *Mask*, lav lanmen, kit zistans. Ensidswit.

So, ki kler ler nou regard, ler nou'n fer sa lanons ouver i kler ki lemonn i enteres pou vin Sesel. Pou bann pei ki napa kontrent pou zot sitwayen kite, menm avek sa bann sif lenfeksyon ki ou dir. Touris i enterese pou vini. *Aeroflot* in met en *flight*, in met dezyenm *flight*. *Emirates* in konmans detrwa vol, la i pe *plan* pou vin tou le zour.

*Turkish Airline* in fini pozisyonnen pou vini. *Air Seychelles* pe al Dubai, byento Israel. Mumbai i annan *booking*. So, i paret ki lafet ki nou'n vaksinen, a sa nivo ki nou'n nobou vaksin nou dimoun, sa i donn lasirans dimoun ki pa zis en *rogue* Leta, ki pe dir vini zot tou, vin malad, vin anmas *COVID*.

Alors mon oule donn lasirans ki nou program vaksinyasyon i *on course*, nou'n pran tou bann prekasyon ki fer sir ki viziter i pou *safe* e nou *stand by that*.

*CEO*, avek permisyon Mr Chair.

### **MR SPEAKER**

Mersi. *CEO*, wi.

### **CEO SHERIN FRANCIS**

Mersi Onorab pou ou kekyon e Minis pou ou leksplikasyon. Alors mon ava *focus* lo sa de larestan kekyon. Lo kote *merger*, ler Minis ti apros nou pou *the plan of the merger*. En reasirans ki ti donn nou se ki dan sa *merger* rol ki *STB* pe fer an se moman i pa pou ganny *diminish at any point in time*. Nou bann travay ki nou pe fer i pou kontinyen.

Me zis la son striktir i pou diferan. E pou mwan *as long* ki nou kapab kontinyelman. *Staff* i kapab kontinyelman fer sa travay ki zot ti pe fer e mon napa, mon pou napa okenn problemanm avek sa. *As long* ki sa ki responsab pou fer promosyon ek *marketing*, son rol pa diminyen mon krwar nou *ok*.

Lo kote '*other service agreement*.' Wi in annan diskisyon ki nou'n fer avek nou

bann reprezantasyon an deor. Bann logmantasyon ki zot vwar i akoz *foreign exchange* ki mon'n eksplike. Me selman i annan kontra ki nou'n redwir par 50poursan. Me selman nou'n bezwen donn zot en pti pe letan. 1 mwan, 2 mwan ki pou *take effect*. Akoz i annan ki nou'n dir kekfwa si son kontra pe fini sa lannen. Si nou pe renouvle, lo kondisyon ki i zis 50poursan. I annan kontra osi ki nou'n bezwen terminen osi tou.

E apre ler keksoz i a rebran, e sa mon pe dir reprezantasyon. Nou ava konsidere pou pli tar. So, nou'n pran tousala an kont la an vi sityasyon ki pei pe pas ladan.

### **MR SPEAKER**

Mersi *CEO*. Onorab Pillay.

### **HON SEBASTIEN PILLAY**

Mersi, Mr Chair. Bonn apre midi tou dimoun e bonn apre midi nouvo *panel* Departman *Tourism*, *STB* ki la. Mr Chairman, premye keksoz ki mon ti a kontan dir se ki mon en pti konsernen avek larepons ki Minis in donnen par lefe ki mon kapab konpran nou tou ki la nou kapab ganny *COVID*. Me selman sa ki mon pa pou kapab aksepte se ki si mon

kapab anpes en dimoun ki annan son vye manman ganny *COVID* e mor ek *COVID*. Personn pa pou kapab konpran sa.

Met lavi okenn Seselwa a risk, personn pa pou kapab konpran sa. E mon krwar i enportan ki nou pa *convey* en mesaz ki nou pe abandonn lager pou nou protez nou popilasyon akoz nou bezwen ganny touris dan pei. Pa sa mesaz ki nou oule pase.

E mon santi poudir ler ou'n fer sa *statement*, petet i bezwen ganny kategorize dan lespri ki ou pe dir li. E non pa en *blanket statement* ki *as if* Gouvernman i pa *care* si dimoun i ganny *COVID*, akoz sa i lenpresyon ki nou pe gannyen.

Si swa mwan, ou, swa Onorab Cosgrow, swa okenn dimoun la anndan i kapab ganny *COVID*. Nou tou nou kapab ganny *COVID*. *That should not be the message we are sending*. Akoz i annan dimoun ki pe mor ek *COVID* e sa ou en keksoz ki nou bezwen pran li serye.

En kestyon enportan ki *come up* ler nou pe get sa Bidze *STB*, se lefe ki i annan sa bann *retainer fees* ki nou pe peye. *Ok?* E mon krwar sa i bezwen bann landrwa kot nou komans

regard dan sa *almost* 140 ekek milyon. Apart Bidze ki al pou bann saler, bann *emoluments* pou nou bann dimoun ki travay avek *STB*. Menm bann ki'n fer re desann. Bann Seselwa ki'n re desann pou travay isi. Ki nou bezwen sey garanti sa *package*. E mon kontan ki Minister taler in donn nou sa lasirans ki sa ban dimoun pou annan en travay. Akoz zot annan en rol pou zot zwe.

Me i annan sa bann lezot ki nou bezwen vwar fason pou nou sov en pe sa 142 milyon. Akoz ler nou get pozisyon konsolide ou Minister apre ki *STB* in sorti. I annan 142 milyon ki pe al antre anba en *line Ministry*. E ou pe *manage* deza en Bidze sibstansyel vizavi reprezantasyon pei aletranze an se ki konsern *Foreign Affairs*. E la ou pou al *manage* en lot konponan Bidze sibstansyel.

So kestyon ki mon annan pou ou, eski nou annan kapasite *inhouse*, akoz zerans depans i tonm anba ou la aprean, anba sa *political head*. Eski ou annan konpetans anba ou Departman pou kapab zer en Bidze *to that extent*? Prenon an kont difikilte ki nou'n vwar parey ou menm ou, ou'n rankontre avek Bidze

*Foreign Affair*. E la ou pe met sa lot Bidze anba la. So sa i mon premye kestyon.

Oubyen si Minister Finans i oule reponn i kapab ed nou. Kote ki annan landrwa ki zot kapab redwir bann kou an relasyon avek sa Bidze *marketing* osi. Akoz nou pa pe fer *marketing as such* la. I annan en *issue* kot nou pa pe anvoy dimoun deor pou fer *marketing* bann aktivite. Zot ava eksplik mwan, petet mon ki'n male enformen lo sa size.

En lot pwen enportan ki souleve prezan se sa pwen *STB merger* avek Departman *Tourism*. Mon'n sey pran en pe letan pou mwan regard Lalwa *STB*. E rezondet deryer sa Lawa, nou pe vot son Bidze la, me nou konnen poudir sa *head* pou disparet dan sa *Appropriation Act* e *eventually* alors nou pou bezwen ganny en revizyon ki pou bezwen vin kot Lasanble.

Sa ki mwan mon konsernen avek se ki sa model ti pe marse. Sa model ti pe marse e ler mon ti get sa Lalwa, Minis ou ti annan kontrol lo sa Lalwa akoz sa Lalwa i fer referans avek Minis ki donn direktiv *STB*.

So, kestyon *which begs itself*, se akoz ki nou bezwen pran sa Bidze e anmenn li

anba Bidze en Minister kan nou ti deza annan en *set up* ki pe marse, ki tou dimoun in vwar, in annan logmantasyon dan lakantite touris ki pe vin isi. E for *intended purposes*, 2020 was predicted to be a record year vizavi touris. CEO koriz mwan si mon mal.

So, akoz ki nou bezwen re envant larou, kan nou ti annan en sistenm ki pe marse e ki tou lemonn antye in *recognize STB* koman enn bann *Board* tourizm ki'n perform byen. Pa zis *CEO*, me tou bann dimoun ki'n travay depi Departman Tourism, tou bann dimoun ki'n *involve*, ki'n fer sitan byen.

So, petet Minis si ou kapab eksplik nou akoz nou bezwen met sa 142milyon anba ou Minister. Mersi, Mr Chairman.

### **MR SPEAKER**

Mersi Onorab. Minis, wi.

### **MINISTER SYLVESTRE RADEGONDE**

Mersi Mr Chair. Mersi Onorab pou ou kestyon e komanter. Mr Chair, mon bezwen. Ki manner mon pou dir. Mon sirprann komanter, premye komanter Ki Onorab in fer konsernan *COVID*. Si, mon'n donn lenpresyon konmsi nou pa *care*, mon eskize. Mon

krwar depi bomaten tou mon bann komanter ki mon'n fer, mon'n dir ki nou konsyan ki Gouvernman i konsyan e Gouvernman pa pou pran risk ki pa neserer, pou met lavi dimoun an danze. Sa i reste. Mon pa konnen kote Onorab in ganny sa lenpresyon ki konmsi mon'n fer en *reckless* deklarasyon. I pa korek ditou.

Nou reste koumsa. Mon konnen nou pozisyon, pozisyon Gouvernman e pozisyon parti lot kote i diferan san sa zafer *COVID*. I annan ki ti a voudre *lockup* konpletman, aret bouze tou dimoun, ferm nou anndan. Espere ki *COVID* i pase. *COVID* pa pou ale, *COVID* pou reste.

Ki Gouvernman pe dir. Gouvernman pe donn garanti, pe pran tou mezir pou protez e son dimoun ki isi, popilasyon e viziter.

Mon retourn ankor lo program vaksen. Lo nou zenou, partou. Prezidan, mon menm nou tou. Nou'n al rod vaksen partou kot nou kapab gannnen, nou'n ganny ase pou *vaccinate* tou dimoun.

Ki ou trouve. I annan i vini, i annan i trouv tou rezon akoz i pa kapab pran vaksen, akoz i pa pou pran vaksen. Ki ou kapab fer? Lalwa pa permet nou forse pou pran.

Nou kontinyen dir ti a byen zot pran pou zot sekirite e pou sekirite dimoun otour zot, menm zot fanmir.

So, Onorab i pa korek pou dir ki mon fer konmsi mon pa *care*. *I do care*, sa Gouvernman i *care* e par lefet ki nou'n rod vaksen pou nou *vaccinate* dimoun i laprev sa.

An sa ki konsern *management* Bidze, mon pa vwar ki gro problem i annan mwan. Parski i annan serten Minister avek bokou plis Bidze ki si ou azout sa 2 Bidze ansanm. Mon pa konnen, amwen petet problem i ek mwan. Ki mon pa pou kapab *juggle* detrwa sif. Wi mon ti *fail* mon *O Level Maths*.

Mon pa fyer pou mwan dir. Me *manage* Bidze i annan bann teknisyen ki fer zot louvraz, i kontinyen fer zot louvraz e dan *Foreign Affairs* e *Tourism*. So, *there's no issue* la. Mon pa krwar nou devret al kree *issue* kot napa.

Akoz nou'n bezwen *merge* sa 2? I aköz i annan en novo Gouvernman ki vwar keksoz dan en lot fason e i oule fer keksoz diferaman. Se vwala le bit. Sa nouvo Gouvernman avek son plan koumsa ki i vwar. Pa tou dimoun ki pou dakor avek, *obviously*. Pa tou dimoun ki pou dakor avek. Me

mwan mon ganny peye pou mon defann pozisyon Gouvernman, pozisyon ki nou'n pran e koumsa ki nou oule. Ki nou annan en striktir ki *streamline*. Ki sa ki okip *marketing* i tonm ansanm dan en sel Minister. Kot *marketing* avek *product development*, avek *training*, avek tousala i tonm anba la, anba en sel parasol.

CEO li menm li in dir, li tan ki *marketing* pa ganny afekte i *ok*. Be mon'n dir bomaten. *Marketing* pou kontinyen, pou annan en divizyon responsab pou *marketing*. *Basically* sa menm rol ki *STB* pe fer, i ava fer anba en Departman Touris. Vwala Mr Chair, sa ki mon ti oule reponn lo la. Mersi.

### **MR SPEAKER**

Mersi Minis. Mon'n ariv a lafen lalis kestyon. Ou le repas lo serten keksoz Onorab? *Ok*, silvouple wi.

### **HON SEBASTIEN PILLAY**

Mersi Mr Chairman. Mr Chairman avek ou permisyon mon pou repas lo serten pwen. Me selman i enportan ki avan mon kontinyen mon koriz en misapreansyon ki Minis in fer, ki wi nou annan pozisyon difere lo lafason ki Gouvernman pe *handle COVID*.

Par lefe ki mon parti i krwar poudir nou ti'n devret *lockdown* e entansifye nou program vaksinyon lo komansman e pa ouver pei sa letan ki nou ti ouver li. Me Gouvernman in al dan en lot direksyon.

E nou ankor pe siport program vaksinyon, me i enportan ki nou, nou met konsern ki nou krwar i reste relevan devan ou. Mon pa kapab fer plis ki met sa konsern devan nou akoz pouwar pou fer bann desizyon i devan ou Minis. E parey ou'n dir zot pe fer bann desizyon baze lo zot nouvo Gouvernman, lapros ki zot nouvo Gouvernman pe pran.

Mwan sa ki mon bezwen fer, se ki mon pa ganny peye pou defann pozisyon ou parti.

**MR SPEAKER**

Onorab nou'n dir ase lo sa pwen.

**HON SEBASTIEN PILLAY**

Me mon ganny peye pou defann pozisyon Lepep Seselwa.

*(Interruption)*

**MR SPEAKER**

*Order* silvouple! Onorab silvouple, nou'n dir ase lo sa

size vaksen. Ou, ou'n koze, Minis in eksplike, ou'n fer ankor serten komanter. Silvouple *move on to any point* ki ou krwar i esansyel lo sa Bidze e nou a kapab terminen silvouple? Mersi.

**HON SEBASTIEN PILLAY**

Mersi Mr Chairman, mon eskize si ler mon pe koze in *disrupt* ou oubyen in *disrupt* lot kote. I pa mon lentansyon pou *disrupt* zot. Mon apresye zot bann reaksyon. Mon vwar i tre byen ki zot reakte.

**MR SPEAKER**

Mersi.

**HON SEBASTIEN PILLAY**

Me selman mon ti a kontan demann *CEO* e Minister Finans en kekyon enportan. Sa Bidze *STB* i pa en Bidze ki'n pas dan Lasanble san bann kontansyon dan lepase. In toultan annan kontansyon. Nou a rapel tre byen ki dan Lasanble presedan in ariv menm ka kot Bidze *STB* pa ti ganny vote par lot kote latab ki ti asiz lo sa kot pandan sa letan e zot ti an mazorite.

Sa ki mon oule met devan *PS Thesee*, se eski Minister Finans i konfortab avek sa Bidze *STB*, dan lafason ki i pou ganny zere? Eski i annan bann *areas* ki Minister Finans

i santi poudir zot pou amelyore pandan lannen? Akoz nou pe rod tou fason pou *save* tou sou e sa i lesansyel.

Zis an pasan Mr Chairman, mon note ki taler mon bon kole Onorab Georges ti fer en pwen, ou ti les li fer pwen. Mon apresye Mr Chairman, ki ou'n les mwan fer sa pwen e mon tre kontan e mon ava demann *PS Thesee* pou reponn mon kestasyon. Mersi Mr Chairman.

### **MR SPEAKER**

Mersi. *PS*.

### **PS DAMIEN THESEE**

Mersi Mr Chair. Annefe Bidze *STB* si ou get li, son *marketing cost* apre son bann kou loperasyon pou osi bann lofis etranzer i preski parey 2020. So, annefe in fer gran zefor pou li kapab tenir sa Bidze. Aprezan annou pa bliye ki nou annan en devalyasyon dan nou Roupi ki apepre *on average* 30 poursan ki si nou ti kit li dan son totalite, posibilite bokou sa bann *budget lines* ti pou *increase* par 30poursan.

So, ki premye zefor Departman Touris in fer avek *STB*, Se ki in revwar son bann lofis ki in vwar li pa nesaser, parey avek *Foreign Affairs* osi in fer e sa larzan ki in *save* in

kapab permet li pou li kapab finans son bann landrwa ek son bann loperasyon ki i vwar i kritik.

Ki si ou get son *marketing cost* i 94milyon, konpare avek 91milyon. Savedir ki sa bann keksoz ki in tire in finans son bann priyorite. Ki si i pa ti pou'n fer, son Bidze ki i ti pou prezant avek nou al ti pou plis ki sa.

So, in annan osi bokou travay ki nouvo *management* in fer pou met bann kontrol an plas. Parey zot in anonse ansanm avek Departman *Foreign Affairs*. E nou, nou rol alors se pou *monitor* pandan lannen pou gete si tou keksoz i mars korek. Mersi.

### **MR SPEAKER**

Mersi *PS*. nou a pran vot lo Bidze pou *Seychelles Tourism Board* ki lo paz 487 ziska 482 pou en total R142milyon, 59 mil. Manm ki an faver lev lanmen silvouple. Mersi, okenn ki kont?

Bidze pou *Seychelles Tourism Board* lo paz 487 ziska 482 pou en total R142 milyon, 59 mil in ganny 21 vot pou, 0 vot kont e 10 abstansyon. Alors Bidze in aprouve par Lasanble.

Avek sa mon ava dir Minis ek son delegasyon

*Seychelles Tourism Board* mersi bokou pou zot partisipasyon e bonn *fin* apre midi.

Nou pou *pause* la e nou a re pran 4er. Mersi.

**(BREAK)**

**OFFICE OF THE AUDITOR GENERAL**

**MR SPEAKER**

Alor byenveni avek nou Mr Gamin Herath, *Auditor General* avek Ms Nathanielle Volcere, *Senior Auditor*. Nou pe pran Bidze biro *Auditor General* ki lo paz 88 ziska 82 pou en total R18milyon 414mil. Alor *Auditor General* ou a entrodwi ou Bidze silvouple.

**AUDITOR GENERAL GAMINI HERATH**

Mersi bokou Mr Chair. E bonn apre midi Mr Chair e bonn apre Midi tou le de Dirizan lo de kote latab. Bonn apre midi tou bann Onorab e bonn apre midi tou dimoun ki a lekout.

Mr Chair, avek plezir mon pou donn serten lenformasyon lo mon biro avan mon pou al lo Bidze ki pou mon biro. Oditer Zeneral i ganny apwente anba Lartik 158 dan Konstitisyon. I annan pouwar pou fer odit lo kont *Cabinet Office*, Lasanble

Nasyonal, tou bann Departman ek biro gouvènmantal ek tou Lakour. Annefe son manda i konsern tou larzan ki tonm anba *Consolidated Fund*. Osi i ganny mandate pou fer odit lo bann lenstitisyon piblik koni koman *Public Bodies*, etabli anba Lalwa. Ensi ki serten lantrepriz piblik, sa ki nou apel *Public Enterprises*.

Son responsabilite kle anba Konstitisyon se pou raport lo bann odit avek Lasanble Nasyonal lo en baz anyel. Konstitisyon i osi fer provizyon pou *FPAC* pou konsider rapor Oditer Zeneral e fer bann rekomandasyon neser. Biro Oditer Zeneral i ganny etabli anba *Auditor General Act, 2010*. Oparavan i ti koni koman Departman Odit anba dezyenm repiblik e i ti ganny gouvènen par *Auditec 1972*. An *Act 2010* i port biro Oditer Zeneral e lankadrem legal pou fer marse son biro e desarz son bann responsabilite parey in ganny dir anba Lartik 158 dan Konstitisyon.

Biro Oditer Zeneral, setadir *OAD, Office of the Auditor General* i osi ganny rekonnèt koman sa lenstitisyon siprenm odit dan pei.

Loperasyon biro Odit i ganny gouvènen prensipalman par provizyon



Lalwa osi byen bann standar enternasyonal lo odit. *OAD* i sa sel lenstitisyon Leta ki annan en rol sipervizyon lo tou 3 brans Gouvernman. Setadir Egzekitiv, Lezislatif ek Zidisyer.

An se moman *OAD*, *Office of the Auditor General* i annan apepre 150 antite ki tonm anba son manda pou fer odit. Sa i enkli tou bann antite *MDAs*. Setadir bann Minister, Departman ek Lazans. *OAD* i antreprann plizyer kalite odit. Tel ki odit finansyer, odit performans, odit *IT* e odit lo bann size spesifik.

Lobzektif en odit finansyer se prensipalman pou etabli si en antite i gard son rikord parey i sipoze dapre regilasyon. Kont i annord, larzan bidzeter i ganny servi selon sistenm kontrol ki'n ganny mete an plas par Lotorite e raport lo okenn inegalite dan bann loperasyon finansyer toulezour.

Apart bann odit ki ganny fer, *OAD* i osi fer lodit lo en baz demann sorti kot Lasanble, Prezidan oubyen en lot Lotorite. Sa i enkli odit lo bann prose finanse par bann lenstitisyon eksteryer tel ki *AFDB* osi byen ki verifikasyon pansyon ek gratwite.

Lo kote Gouvernans, *OAD* provizyon dan *Act 2010* i aplik

*comme* swivan: Seksyon 24 i koz lo bann rikord ek kont ki nou bezwen garde. Seksyon 25 i fer provizyon pou nou soumet en estimasyon lo nou Bidze anyel atraver Speaker Lasanble pou konsiderasyon par *FPAC* e Minis Finans.

Seksyon 26 i osi fer provizyon pou nou soumet avek Lasanble Nasyon en rapor lo nou bann aktivite anyel. Seksyon 27 i demande ki *OAD* i ganny odite par en oditer rekomande par *FPAC*. La nou kapab dir Mr Chair, ki *OAD* in toultan satisfere sa bann provizyon Lalwa lo en baz anyel.

Kot i konsern donn lenformasyon avek piblik, *OAD* i annan en *sit web* ofisyel, i apel *oad.sc*, en *Facebook page OAD Seychelles* e i osi fer bann rankont regilye avek media.

Tou rapor piblik i ganny soumet avek Lasanble Nasyon e osi *Cabinet Office*. Bann ki enterese i kapab *download* tou rapor lo *sit web oad.sc*. E sela mon ti a kontan lans en lapel avek tou bann Onorab dan Lasanble sirtou bann nouvo Manm pou aprofondir lo nou lofis atraver sa rapor ki apel *Annual Activity Report*, ki nou fer sorti tou le lannen.

Tou lenformasyon ek tou bann detay ki zot ti a kontan gannyen lo nou lofis i ladan. Avek ou permisyon Mr Chair, mon a bouz lo nou Bidze.

Pou sa lannen 2021, nou'n gannyen en Bidze a en sonm apepre 18.4 milyon. Sa pou ganny depanse anba sa 2 programm prensipal, kot programm *A1*, i pou gouvènanans e programm 2. I pou servis odit. Fodre note ki *staff* dan nou lorganizasyon i ganny anploye lo en sistenm kontrè pou 2an. Nou annan en striktir lorganizasyon ki fer provizyon pou 48 pos anba nou 2 programm respektif.

An se moman nou annan 35 pozisyon ki'n ganny ranpli e sa larestan 13 i ankor vid. Sa i anmenn serten lobligasyon lo nou lofis pou pey serten benefis a lafen sa kontra.

Inisyalmen nou lofis in fer provizyon pou apepre 20.6 milyon dapre *ceiling* mete par Minister Finans. Me apre bann koupir pou apepre 2.1milyon nou'n ganny en Bidze 18.4 milyon. An rezilta sa programm 1 i reflekte en rediksyon 654mil e programm 2 apepre 1.5milyon.

Bidze propoze i *comme swivan*: Anba '*wages and salaries in-cash*,' 13.7 milyon. Anba '*wages and salaries in-*

*kind*' R338mil. Anba '*office expenses*' 822mil. Anba '*transportation and travel expenses*' 174mil. Anba '*maintenance and repairs*' 126mil. '*Other use of goods and services*' R3 milyon. '*Minor capital expenss*' R159mil.

Parey zot in vwar, nou Bidze i pa konplike. Ladan nou napa bann programm ek kontra konplike. Bidze i ase senp, alor nou enplor tou bann Onorab pou vot an faver sa Bidze san okenn leksepsyon. Parski avek sa Bidze nou a kontinyen travay pli dir pou anmenn bokou plis e meyer bonn Gouvènanans, latransparans ek rann kont dan sekter piblik.

Nou bann rapor i osi kler tors lo gaspiyaz ek bann move pratik lo kote zesyon larzan piblik. Avan konklir mon ti ava kontan remersi Minister Finans pou alokasyon sa Bidze malgre bann difikilte ekonomik ki nou pe pas ladan. Osì nou ti a kontan fer rapel avek tou bann Onorab pou vot pou sa Bidze. Mersi bokou.

### **MR SPEAKER**

Mersi *Auditor General*. Nou a komans avek kestyon bann Manm. Onorab Woodcock.

### **HON WAVEL WOODCOCK**

Mersi, Mr Speaker. Bonn apre midi Oditer Zeneral. Oditer Zeneral, ou lofis i en lofis ki vremen, vremen enportan. Par lefe se ou lofis ki annan sa responsabilite pou *audit* e raport lo lafason ki bann diferan antite Gouvernman, Lazans, Minister, Ante Gouvernman i depans larzan ki zot in ganny *allocate from the Consolidated Fund*. E sa Larzan se Lasanble Nasyonal ki aprouve.

E non selman ou fer sa, ou osi antreprann e *undertake* bann diferan odit, lenvestigasyon ki Lasanble i *request* ouswa Prezidan i *request* lo bann diferan Minister ouswa Departman.

Alor i en Departman ki vremen enportan e i enportan pou nou, i enportan ki lepep i konnen ki fason ki son larzan pe ganny depanse. E dan lepase nou'n vwar plizyer bann rapor ki ou'n fer sorti, kot in montre kot i annan bann *misappropriation of fund*, lafason ki larzan in mal ganny zere ouswa menm kot larzan in mal ganny vole.

E sak pti sou, sak pti *cash* i vremen enportan. Menm si en dimoun in vol larzan bouden, i pou bezwen rann kont okenn depans ki in ganny

fer sa laprouvasyon Lasanble Nasyonal.

Alors mon kestyon i, ou sa travay ki ou bezwen fer an vi ki ou pe ganny, i annan bokou plis *request* ki pe vin devan ou, eski ou santi ki ou annan ase bann *expert* pou ou deservi ou responsabilite? Eski ou santi ki dan sa Bidze in fer provizyon pou ou ganny sa bann *expert*, sa bann profesyonnel ki ou bezwen pou ou kapab deservi manda ki ou departman in gannyen? Mersi bokou.

### **MR SPEAKER**

Mersi Onorab. *Auditor General*.

### **AUDITOR GENERAL GAMINI HERATH**

Mersi bokou Mr Chair. Mersi bokou Onorab. Annefe resours i pa ase, me nou pe fer mannyer nou kapab avek sa resours tre limite. 2021 i en lannen tre difisil parey nou tou nou konnen e i pa fasil pou nou ganny resours adisyonnal. Me mon ti a kontan ganny bokou plis resours aköz parey mon'n dir oparavan mon lofis i bezwen 48 dimoun. Pour lemoman nou annan 13 *vacancies*.

Prensipalman nou pa'n kapab *recruit* aköz tanzantan i

annan bann *freeze* lo rekritman e osi byen *space*, lespas lofis li osi i limite. Alors mon ti a voudre ganny plis resours.

**MR SPEAKER**

Mersi *Auditor General*. Onorab Gill.

**HON CHURCHILL GILL**

Mersi Mr Chair. Bonn apre midi tou dimoun. Mon premye kestyon se ou'n fer sorti poudir i annan konsern *backlog*. Mon kestyon se sa bann *backlog*, eski pandan lannen i menm *areas* ki annan *backlog*? Oubyen si sa lannen ler ou'n odit ou pa'n kapab fer odit serten landrwa, son lannen answit prezan ou al *tackle* sa landrwa kot ou pa ti kapab fer dernyen, son lannen avan?

Oubyen si ou pa ganny sans *deal* avek e dan bann ka koumsa ki arive ek sa bann landrwa ki pa'n ganny *audit*? Eski i annan en program ki ganny fer apre, ki fason ki ou pou *tackle* sa? Oubyen si petet i annan en konversasyon ek Minister Finans pou *outsource*, pou kapab odit sa bann landrwa pou kapab *at least* vwar ki pe pase laba?

Mon dezyenm kestyon se ki mannyer ou adres sa bann *backlog* kot apre en serten

letan tousala I a'n ganny fini kouver? Mersi.

**MR SPEAKER**

Mersi Onorab. Herath.

**AUDITOR GENERAL GAMINI HERATH**

Mersi Onorab. Mon a sey eksplik sityasyon aktyel. Ler mon dir *backlog*, sa *backlog* i sirtou bann lorganizasyon ki bezwen prodwi kont anyel par Lalwa. I annan parey ou konnen bann antite ki mon odite i varye. I annan bann Departman ki pa neserman prodwi kont. I annan Minister ki pa neserman prodwi kont. I annan bann lorganizasyon ki nou apel *public enterprises*. *Public enterprise* i pa neserman prodwi kont anyel e sa bann odit i azour. Napa okenn bet lo kote *concern public enterprises*.

La mon pe koz lo bann antite ki bezwen prodwi kont anyel par Lalwa, me zot pa'n kapab fer pou en rezon ou en lot. An menm tan i kre serten problem pou mon lofis osi akoz nou napa resours pou al an aryer detrwa lannen, pou fer odit, akoz lakantite travay nou pe sey fer koumsa i bokou plis.

E an menm tan i dekourazan pou bann oditer

osi. Zot osi zot fer zot mye, me mon kapab dir mon napa okenn kont ki mon'n resevwar dan mon biro e mon pa pou fer odit. Tou kont ki mon'n resevwar, mon'n fini fer odit.

Si bann Lazans ki devret prodwi kont lo en baz anyel, si zot prodwi kont mon fer mon program, i pou *accommodate* sa bann ka. Mon krwar mon'n donn ou en larepons.

**MR SPEAKER**

Mersi, ou le en leklersisman Onorab? wi.

**HON CHURCHILL GILL**

Mon'n konpran larepons ki ou'n donn mwan. Me selman lefe i reste ki i pou annan sa bann ki pa donn ou zot rapor. Parey ou'n dir nou, ou pa kapab fer odit lo sa bann kont. Be ki provizyon ki annan dan ou Lalwa ler ou fer fas ek tel sityasyon e an menm tan si petet ou met dan latansyon Minister Finans pou ansanm kapab rod en solisyon pou sa. Mersi.

**MR SPEAKER**

Mersi Onorab. Mr Herath.

**AUDITOR GENERAL GAMINI HERATH**

Mersi Onorab. Wi, nou toultan nou annan sa dyalog avek

Minister Finans lo sa bann size e ou konnen limitasyon i pa zis lo mon kote. Lo kote sa bann Lazans osi i annan limitasyon. I annan problem kapasite, i annan problem resours, i annan. Problem i varye.

Me Minister Finans osi menm si zot servi bann diferan metod. Mon krwar par ler zot pa neserman *release* Bidze si kont pa annord, eksetera, eksetera. I pa'n marse 100 pour sa zistans. Be i annan lespas pou nou fer bokou plis e mye. Bokou pli mye. Mersi Onorab.

**MR SPEAKER**

Mersi. Onorab Aglae.

**HON EGBERT AGLAE**

Mersi Mr Speaker. Mon ti a kontan petet eklersi en keksoz. Ou'n koz lo difikilte *ok*. Resours pou ou kapab fer ou travay mannyer ou ti a swete fer. Eski Departman Lodit zot in antre an diskisyon avek Minister Finans pou zot kapab *at least* ogmant zot kapasite pou zot kapab fer en travay. Akoz zot en lenstitisyon ki vremen e enportan avek zot *oversight* lo nou bann lenstitisyon e nou larzan. Sa i enn.

Dezyenm mon ti a kontan petet, eski dan sa travay ki zot

pe fer. Ou'n nonmen poudir i annan bann antite ki an retar pou zot kapab delivre zot bann kont devan lodit.

Eski zot pe ganny bann *form of* rezistans mon kapab dir avek bann antite pou zot fer sa bann soumisyon? Sa. E dernyen ki fer mwan rapel poudir sizyenm Lasanble, sirtou kote latab, Onorab Ferrari ti met presyon ki si ou pa'n soumet ou kont avek lofis odit, si *the next budget* ou pe vini, nou pa garanti nou pou donn ou larzan. *Ok?* Mon ti a kontan petet dan sa laliny, sirtou la koman finans i la, ki kalite presyon ki zot pe mete pou fer sir ki sa bann keksoz i ganny obzerve e delivre? Mersi.

### **MR SPEAKER**

Mersi Onorab. *Yes, Auditor General.*

### **AUDITOR GENERAL GAMINI HERATH**

Mersi Onorab. Kot i konsern resours e si nou'n ganny en dyalog avek Minister Finans. Annefe parey mon'n dir oparavan, i annan en provizyon dan Lalwa pou mon fer mon Bidze, provizyon bidzeter pas atraver *FPAC* e Speaker. Sa i dan mon Lalwa. Akoz fodre mazine, fodre note

ki Minister Finans i enn parmi mon bann kliyan, si mon kapab servi sa mo.

Alor i pa neserman garanti mon lendepandans si mon al devan Minister Finans avek bann *request* pou larzan. Larzan i garanti, i bezwen ganny garanti par provizyon sa Lalwa. Alor, mwan mon pe petet komansman sa lannen nou pe al dan sa direksyon, en pe pli entans mon kapab dir, avek *FPAC*, pou regard mon bann bezwen, mon lofis vizavi mo son responsabilite e pou nou fer nou *proposal* baze lo sa bann analis.

Mon pa pe neserman rod resours adisyonnal. Mwan ler mon lir sa Lalwa e osi sa bann deklarasyon enternasyonalman in ganny fer par *UN*, eksetera, mon biro i bezwen ganny sipor pou nou sey zer nou Bidze, kote i annan nou priyorite e kote nou bese.

Mon krwar mon pa pou neserman dakor, ki mon bezwen swiv tou sa bann sirkiler ki Minister Finans i anvoy lo sa bann antite. Akoz si mon fer koumsa mon pa pou kapab *operate* endepandaman. Minis *DPA*, ouswa Minister Finans ouswa en lezot lorganizasyon ki mon kliyan. Mon pa pou kapab pran lord avek sa bann kliyan. I pa

korek. Mon krwar detrwa zour pase Onorab Georges in koz lo lendepandans.

Lendepandans Zidisyer, lendepandans Lezislatif e lendepandans mon biro e lendepandans *Ombudsman*. I garanti par *UN resolution*, i annan detrwa *UN resolution* mon kapab dir ki garanti sa. Alor nou bezwen adopte sa. 69/228, 2014 *Resolution. General Assembly Resolution. 66/209, 2011*. Me sa i garanti mon lendepandans. An menm tan nou annan sa provizyon Lalwa. Sa Lalwa nou bezwen aplike e nou bezwen fer sa avek mon krwar konviksyon. Lalwa i zoli, Lalwa i la. Si pa aplik sa i pa pou marse.

Alors se la mon pou arete. Onorab mon krwar mon'n sey reponn.

### **MR SPEAKER**

Wi, me selman i annan lezot pwen ki ou pa ankor ganny repons. Ou kapab repas lo la silvouple.

### **HON EGBERT AGLAE**

Mr Herath, mon konpran ou larepons e ou lendepandans ki sa antite i bezwen garde. Me selman i ariv en pwen kot ou bezwen met lipye ater, ou bezwen met lipye ater san okenn lenterferans. Alors petet

dan sa travay. Eski zot osi servi bann lezot antite parey prive pou ed zot dan sa parkour travay ki zot pe fer pou bann lodit?

Eski zot annan en fason atraver avek bann *outsource*, avek bann *law firm*, bann lezot antite ki fer lodit.

### **AUDITOR GENERAL GAMINI HERATH**

Mersi, bokou Onorab. Wi, anefe i annan detrwa odit ki mon'n *outsource* avek bann lakonpanyen prive pou fer odit lo mon non e i mars tre byen. Selman pa tou Lorganizasyon ki kapab pey sa *fee*. I annan en fre ki atase avek. Oditer dan sekter prive i bezwen ganny peye. Me kot mon pou peye. Mwan mon kapab fer laranzman.

Alors i bezwen annan resours dan en Bidze e lot Lorganizasyon pou peye. Me pour lemoman sa bann laranzman i marse kot i konsern *public enterprises*. *Public enterprises* zot annan zot Bidze, zot annan zot larzan, zot peye. Be mon pe koz, si ou pe koz lo bann lezot lazans ki pa'n prodwi zot kont aler e i annan en *backlog* e ou si ou pe koz si mon kapab *outsource* sa bann lodit. Zot bezwen ganny en Bidze pou peye, aköz oditer

prive i pa pou fer odit pou naryen. I bezwen ganny peye. *Sorry*, mon pa konnen si mon'n reponn.

**MR SPEAKER**

Mersi. Nou a *move on* silvouple. Onorab Mondon.

**HON TERENCE MONDON**

Mersi Mr Chair. Mr Chair mon premye kestyon, dabor mon le dir ki manm *FPAC* travay lofis Odite Zeneral. E permet nou dan sizyenm Lasanble dekouver antite labi lo bann byen Leta e in anmenn en kantite laklerte.

E anfet nou pe zwenn kontinyen donn li sipor pou li kapab konn plis ankor. E lo sa pwen mon premye kestyon se pou *PS* anefe ki Oditer in met devan son konsern set en Bidze R575mil, pou li kapab ouver bann aktivite ki tonm dan son priyorite stratezik pou sa lannen, e mon krwar in deza anna en konversasyon si ti kapab konfirman ek sa Lasanble ek sa Lasanble, si sa i pou posib pou li kapab ganny sa sonm pou li fer son travay vin pou sa lannen?

Mon dezyenm kestyon i al lo sa volim travay ki lofis Oditer Zeneral i annan pou fer. E lannen pase 2019 2020 zot kouver 6 odit spesyal.

Mon anvi konnen avek Bidze ki zot annan, eski konbyen Oditer Zeneral ti'n demande dan son Bidze e konbyen ki in gannyen? Par konbyen ki'n redwir? E si sa Bidze i vremen pou permet zot fer sa travay osi lo lakantite parey in fer bann lannen presedan ouswa i pou vremen afekte zot bann aktivite odit?

Mon trwazyenm kestyon i lo plan travay zisteman, ki zot plan travay pou bann lantrepriz piblik kot la i osi annan en gran nesosite ki i annan en pe plis laklerte lo zesyon resours piblik anba sa bann lantrepriz piblik?

E ki mon konnen dan lepase zot in deza fer odit performans, eski zot annan plan pou sa lannen pou fer ankor bann odit performans dan servis piblik? Mersi Mr Chair.

**MR SPEAKER**

Mersi Onorab. *PS* Thesee oule adres premye pwen ki ti fer?

**PS DAMIEN THESEE**

Mersi Mr Chair. Soumisyon ki nou annan sorti kot Biro Oditer Zeneral 18.4 e nou'n donn li R18.4milyon. Mon konpran i annan en demann adisyonnal ki'n vini apre ki Bidze prose Bidze in fer, mon



pa ankor vwar sa demann mon. Mon konpran in al kot Minister Finans. Selman dapre diskisyon ki nou pe annan, i annan pou fer avek serten azisteman dan *housing*.

E petet bann travay ki konplet zot bann letid pou ogmant zot *skill allowance*, ler zot konplet zot bann lesan, ki pa'n ganny mete dan soumisyon. So sa nou kapab touzour kouver dan *mid-year review*, akoz i pa en sonm signifikan, ki pou neserman afekte nou. Mersi.

**MR SPEAKER**

Mersi. AG oule pran lezot pwen?

**AUDITOR GENERAL GAMINI HERATH**

Mersi Mr Chair. Mersi Onorab. Mon krwar ou kestyon i lo *special audit*. *Special audit* wi nou tou le lannen nou fer bann *audits* spesyal e rapor i ganny pibliye rapor i ganny soumet pou lannen 2020 osi nou'n fer ane 3 rapor spesyal.

Parey ou konnen 2020 lannen pase i pa ti en lannen fasil, akoz moman ki nou ti dan *lockdown* e laplipar bann lorganizasyon pa ti pe travay a plentan.

Me nou nou'n travay an plentan nou travay ane sa

pei *lockdown* osi, selman an zeneral nou pa'n kapab fer 4 rapor spesyal nou'n fer 3. Kot i konsern *performance* tou le lannen nou fer en *audit*, e tou le lannen nou pibliye en rapor lo *performance*.

**MR SPEAKER**

Mersi. Ou ale Onorab Mondon dernyen pwen

**HON TERENCE MONDON**

Wi i pa'n tous lantrepriz piblik ki son plan travay pou bann lantrepriz piblik, kot i annan en kantite resours *involve* pou nou kapab ganny plis laklerte lo sa bann lantrepriz. Mersi.

**MR SPEAKER**

AG wi.

**AUDITOR GENERAL GAMINI HERATH**

Mersi Onorab. Wi lo sa bann lantrepriz piblik kot mon annan en manda pou fer odit. Mon fer sir ki zot ganny odite tou le lannen. E so bann kont i azour e annord.

E parey mon'n dir oparavan, mon ganny sipor avek bann lakonpanyen prive pou mon fer serten odit. Epi i annan detrwa odit lo lantrepriz piblik ki nou pe fer nou mye, akoz mon bann oditer zot osi zot in ganny sa eksper. E alor

nou fer odit lo 4 *public* larestan nou *outsource*. Avek tou sa bann odit i pe fini la akoz pou lannen 2020 pe fini la, nou vwar en *deadline* 31 brans pou nou sertifye tou sa bann kont.

**MR SPEAKER**

Mersi. *PS* i anvi azout keksoz.

**PS DAMIEN THESEE**

Mersi Mr Chair. Zis en pti koreksyon. Soumisyon ti 19.5 nou donn 18.4 sa 1.1 ti rediksyon dan '*rent*' ek Trezyenm Mwan Saler. Mersi.

**MR SPEAKER**

Mersi. Onorab Cosgrow.

**HON WALLACE COSGROW**

Mersi Chair. *Good afternoon* Mr Herath avek Mrs Volcere. Mr Herath ou'n koz en pti pe lo *outsourcinmg of audits*. Dan lenstans *with outsource audit or* kekfwa en *public body* i *outsource* son *audit*, e *audit* i ganny fer, eski i annan okenn lenstans ki *Auditor General* pa *certify* sa *audit or* i ariv bann sityasyon kot sa lorganizasyon i ganny dir konmsi sa *audit* pa pou ganny *certify*?

Aprè an term ou *audit schedule* pou en lannen, eski i annan bann lorganizasyon ki ganny ki *mandate well* pa

*mandatory*, me ki zot fer li en *must* ki zot *audit* li tou le lannen;- par egzanp mon pe donn en lannen par egzanp *Agency for Social Protection* kot en kantite larzan i ganny deroule, eski i annan en prensip kot zot *update* li tou le lannen? Mersi Mr Speaker.

**MR SPEAKER**

Mersi AG.

**AUDITOR GENERAL GAMINI HERATH**

Mersi Mr Chair. Mersi Onorab. lo kote lantrepriz piblik ki mon annan manda pou fer odit, mon napa okenn mon'n pa'n sertifye mon pa'n sertifye ouswa mon ganny problemn pou sertifye.

I mars byen sa laranzman ki mon'n fer i mars byen, e kote anefe mon dan mon biro mon annan en tim en tim ki pe travay lo sa bann odit. Alor menm si nou *outsource* serten odit nou pa pou antyerman depan lo oditer prive pou fer sa odit. Nou osi nou annan en *role oversight* lo la, pou nou nobou kapab fer sir ki i annan i donn nou valer pou larzan. Akoz menm si *public enterprise* ki peye i larzan piblik sa.

Lo kote manda, si pou fer sir ki serten antite i ganny odite par tou le lannen? Wi i

en sityasyon ideal, si ou kapab odit tou antite tou le lannen. Sa i pa egziste dan lemonn odit. Akoz i pa fasil premyerman apre resours pa a se. Mon'n koz lo apepre 150 antite, sa i enkli tou lekòl tou klinik tou *DA*, e tou bann *outlets* ki nou annan lo Mahé, Praslin, La Digue.

Alor i pa posib alor ki nou fer nou fer en *risk assessment* e nou swazir bann lorganizasyon nou pe fer tel peryod letan sa ki nou apel *audit cycle*. *Audit cycle* i ale pou 12 mwan i konmans dan Septanm i fini an Out lannen swivan.

Alor wi i annan serten lorganizasyon ki ganny odite tou le lannen;- par egzans pen lot *financial statement of Government*, prodwir par Minister Finans i ci ganny odite tou le lannen e ganny sertifye tou le lannen e ler i ganny sertifye i ganny soumet dan Lasanble.

Wi parey mon'n dir oparavan i pa posib pou nou odit tou lorganizasyon tou le lannen. E mazin i annan plizyer *unit*, plizyer seksyon plizyer program anba sak antite. Alor lakantite travay ki nou bezwen fer i ogmante plizyer fwa. Alor nou al lo en bas selektif e *material* si mon

kapab dir. Lo baz *material*. Mersi.

### **MR SPEAKER**

Mersi. Onorab Pillay.

### **HON SEBASTIEN PILLAY**

Mersi Mr Chair. Ankor enn fwa safwasi mon bezwen dir ankor enn fwa bonn apre midi tou dimoun, bonn apre midi Oditer Zeneral avek ou *Senior Auditor*.

Mr Chairman, Bidze Oditer Zeneral i enn bann Bidze ki ekstrememan enportan pou Lasanble Nasyonal akoz se sa Bidze ki Lasanble Nasyonal fer en travay *oversight* lo si oule lo en *scrutiny* lo depans piblik.

E en pe kekyon ki mon pe demande, i pou plito diriz ver Minister Finans akoz pandan plizyer lannen mon'n lo *FPAC* mon'n enterakte avek Oditer Zeneral, mon'n konpran ase byen zot Bidze.

En konsern ki mon annan se ki konman *Chairman FPAC* nou sipoze resevwar Bidze Oditer Zeneral avan i ganny met dan *Appropriation Act*, me mon konpran safwasi sa lannen i annan serten keksoz ki pa'n mars parey, e nou kapab konpran sa.

Me se sa rezon akoz sa i bezwen, se akoz si oule Mr

Chairman si ou regard nou Konstitisyon lartik 158(7) i kler ki Oditer Zeneral i annan serten lendepandans pa serten lendepandans me en kantite lendepandans.

So kestyon ki mon pou dirize ver Minister Finans se eski *going forward*, lefe ki Konstitisyon i donn Oditer Zeneral sa lotonomi vizavi son Bidze, e son Bidze i pas atraver FPAC ki apre i vin en diskisyon an FPAC ek Minister Finans, i annan bann sirkiler ki ganny *issued* avek bann departman piblik parey tou lezot departman piblik. Eski sa bann sirkiler i ganny devret pe *bind* Lofis Oditer Zeneral vizavi *recruitment*, oubyen vizavi son *staff* ki i bezwen pou li kapa fer serten odit?

Akoz nou bezwen sa bann *staff available* pou zot kapab fer sa bann odit. Sa i en premye kestyon ki mon annan.

Dezyenman Mr Chairman, sa Bidze mon'n ganny sans regard li dan en pe detay. I en Bidze ki ase restren akoz pou lakantite travay ki sa lofis i fer i pa neserman en gro Bidze. E pou lakantite demann ki sa i anmenn lo bann *staff* Oditer Zeneral i pa neserman en gro Bidze.

E mon santi poudir i annan en keksoz ki nou

bezwen fer akoz sa i bann *staff* ki tre kalifye e nou annan nou en *pool of*, si oule profesyonnel ki nou bezwen fer tou fason pou nou kapab kontinyen ed zot devlope ed zot kontinyen kapab fer sa travay ki zot fer vremen enportan pou pei.

Dan sa konteks Mr Chairman, eski Minis ter Finans in regard pa zis *provide* en Bidze Oditer Zeneral me osi *provide* sipor kapasite *building* ki Oditer Zeneral i bezwen, pou bann *staff* ki aktyelman egziste? Nou vwar nou annan en zenn madanm ki en *Senior Auditor*, nou ti a kontan ki nou ganny ankor bann zenn dimoun *Senior Auditor*, akoz *lifespan* i en keksoz en kantite retour nou travay ki nou pou gannyen pou bokou plis.

E mon krwar se sa ki Oditer Zeneral i le vwar ki ler li i ale probableman i ava annan sa relev ki a kapab kontinyen fer sa travay se sa mi m on anvi vwar.

So sa i de kestyon ki mon ti annan pou Minister Finans Mr Chairman.

### **MR SPEAKER**

Mersi.

### **HON SEBASTIEN PILLAY**

Mon annan en dernyen pwen Mr Chairman ki petet, an

relasyon prezan avek bann *public enterprises* ki *Vice-Chairman FPAC* in *raise*, mon konnen ki bann Lalwa i fer li statitwar pou serten antite ganny 158 Konstitisyon. Eski Minister Finans pe konsidere *moving forward* pou osi enkli Lartik 158 konman *overarching principle* dan lodit bann *public enterprises*?

E la i ava konpran i ava enkorpor *Air Seychelles IDC SEYPEC*, tou bann *PEs* ki Gouvernman Sesel i annan bann lenter ladan, pou ki i ava annan en *snapshot from* sa antite ki *interface* direk avek Lasanble Nasyonal, lo kwa ki pe pase dan sa bann antite? Mersi Mr Chairman.

### **MR SPEAKER**

Mersi. *PS* Thesee ou a konmanse.

### **PS DAMIEN THESEE**

Mersi Mr Chair. Mon krwar lo konmansman nou'n deza ganny en diskisyon lo sa *issue* lotonomi. E nou repet ankor nou pozisyon ki nou krwar i annan en misyon, seksyon dan konprenezon ler nou ti enterferans, parske nou, nou pa enterfer dan louveraz okenn antite endepandan.

Tou bann travayer Gouvernman dan sa 3 lebra

Egzekitiv, Lezislatif e Zidisyer i apre tou travayer Gouvernman. E alor zot sipoze swiv menm lord e Lalwa parey tou travayer, pa sipoze annan *anyone* ki spesyal ki lot.

Parkont bann antite konstitisyonnel, son Lalwa i donn li plizoumwen son lankadremman ki mannyer i sipoze *operate* san lenterferans Gouvernman dan lopresyon son louveraz. Savedir nou Minister Finans nou pa kapab dir Oditer Zeneral pa odit isi pa odit laba, me solman ler i pe koz lo son Bidze, an vi ki nou Minister Finans nou annan sa ki nou apel *the allocating role the allocating function*, savedir se nou atraver Konsey Minis ki pou fer sa alokasyon Bidze an diskisyon avek tou antite.

E natirelman zot bezwen diskite ek nou parske nou pa, nou pa en lakes nou. Lakes i enn nou fonksyon. Me selman i pa en landrwa ki nou vini ki nou zis *disburse* larzan.

So ler nou fer en prose Bidze nou get nou lankadremman, nou gete ki mannyer nou Bidze nou reveni pou ete, nou get nou sityasyon makroekonomi ki mannyer nou ete. E nou fer alokasyon dapre osi bann demann. Nou'n dir tou kou si nou annan *over* 100 antite, si

groser Gouvernman i gro, natirelman nou pou annan en kontrent pou kapab satisfere tou dimoun.

So sa *issue* lotonomi i an tou pou fer avek abilite kapab donn bann antite sa larzan ki zot pe demande. So sanmenm sa ki ou vwar ki i annan tou kou sa diskisyon lo lotonomi. So sanmenm sa ki mon dir nou annan fleksibilite avek bann antite ki *constitutionally appointed* me pa neseriman *financial* lotonomi.

E lo bann demann pou donn Oditer Zeneral bann resours ki i bezwen. Oditer Zeneral i enn bann antite ki nou *rely* bokou lo la pou fer sir ki sa resours ki nou donner bann antite Gouvernman pe depans li byen. E alor si i annan demann pou resours mon krwar petet Oditer Zeneral i bezwen fer sa demann parey in ganny fer dan lepase, si i santi li i annan demann pou plis oditer, pou plis *training* i kapab fer sa demann. I pa en keksoz enposib.

E nou kapab gete dan *mid-year* si nou kapab *allocate*. E dernyerman lo Lartik 156 si mon'n konpran byen lo bann SOEs vi ki i pa vremen vin kot Lasanble mon krwar petet sa i en keksoz ki nou kapab gete.

Me solman vi ki nou konnen i annan *PEMC - Public Enterprise Monitoring Commission*, i fer revu lo tou *state-owned enterprise*, petet zot kapab *commission PEMC* donn en rapor lo son bann travay ki i fer pou vwar bann diferan defayans lo bann diferan rapor ki ganny fer lo bann SOEs. Solman mon krwar i pou en keksoz enteresan osi, pou konnen ki pou arive dan bann SOEs.

Akoz la mannyer i ete i en pti pe a lekar. Bokou zot i *operate* lo *Companies Act*. Zot ganny odite me zot odit i pli zou mwen en odit finansyel. Savedir i gete pou zot ler zot prodwir zot *annual financial statement*, si in ganny fer dan en fason ki *true and fair*.

Savedir in rikord tou son tranzaksyon byen dapre bann standar *accounting*, me pa vremen al an detay parey Minister, pou vwar bann kalite spesifik depans, oubyen loperasyon ki pe fer si i anliny avek Polisi Gouvernman.

So mon krwar sa petet i en diskisyon ki nou kapab fer avek *FPAC*, pou gete ki mannyer nou tret bann SOE. Mersi.

**MR SPEAKER**

Mersi. Wi Onorab ki leklersisman? Wi.

**AUDITOR GENERAL GAMINI HERATH**

Mersi Chair zis pou azoute, wi kot i konsern resours parey mon'n dir i pa neserman lakantite resours. Me sa abilite pou nou zer nou Bidze kote nou annan priyorite, sa i enportan.

Dezyenm wi, aneufe nou pa pe ganny okenn restriksyon an se ki konsern lekipman mete par *DPA*. Nou an deor sa sistenm *DPA* in rekonnèt en bon pe lannen pase in rekonnèt ki nou bezwen endepandan.

E zot in donn nou sa fleksibilite. Alor selon sa diskisyon, nou'n met an plas sa sistenm *Contract* pou tou travayer dan mon lofis. Alor sa i marse, sa i mars byen. Mwan mon krwar tou - sa de le *solution* i *binding* lo *state*. Sa i enportan sa de le *solution* i annan *assembly* i spesifikman fer *reference* lo *state audit office of the supreme audit institution*.

Alor pou *UN* pou kapab fer sorti sa de *resolution* lo la i bezwen annan lenportans lo la. Ladan mon pa pe al dan detay ladan zot ava vwar ki *UN* pe demann bann *Members State*

pou rekonnèt, *Supreme Audit Institution* konman en *institution* ki spesyal. Me *accordingly* zot pe demann fer en neser pou bann *Supreme Audit Institution* pou ganny resours. *Of course* mon pa krwar nou pe fer bann demann ki pa rezonnab. Mon pa pe demann 25milyon, nou pa'n met 25milyon nou. Nou pa'n demann en 22milyon nou konnen resours i limite.

Be ler nou ganny 18.6 milyon, Mon bezwen annan sa fleksibilite, par egzanp pou *still* mon bezwen met plis larzan lo formasyon. *Training*, e mon bezwen ganny mon bezwen ganny mon bezwen kapab anmenn bann eksper.

Akoz nou, nou bezwen fer nou odit atraver en *scanner* enternasyonal, sa i demann kantite lo nou. Akoz nou bezwen azour avek sa bann *scanner*.

Pou nou nobou fer sa nou bezwen led sorti kot bann lorganizasyon enternasyonal. Si mon kapab sa i sa i *international standard of supreme audition number 10*, ladan i annan 8; i annan 8 pilye lendepandans. I pe koz lo lendepandans administrativ, lendepandans finansyel, lendepandans eksetera, eksetera.

Si nou pa kapab satisfè bann lorganizasyon ki fer i fer evalyasyon lo mon biro, i pou *downgrade* mon biro. Annefe ki pou arive? Bann lenstitisyon parey *IMF World Bank ADB*, zot pa pou aksepte mon bann lopinyon. Prensipalman lopinyon lo *Central Bank* i pe ganny regarde par bann lenstitisyon, si mon pa kapab satisfè sa 8 *pillars independent evaluation*, otomatikman mon *office* i pou tonbe.

Son repitasyon i tonbe. I annan en ka lo la mon'n deza pronons mon lekor.

**MR SPEAKER**

Mersi.

**AUDITOR GENERAL GAMINI HERATH**

Mersi Mr Chair.

**MR SPEAKER**

Mersi AG. Nou kapab konklir la? E nou ou kapab konklir Onorab Pillay? Ale en pti pwen.

**HON SEBASTIEN PILLAY**

Mersi Mr Chairman mon konnen nou pe al konklir lo sa vot. Me selman mon krwar i pou enportan ki Minister Finans Lasanble i pran

konsyans ki son travay i pa zis odit bann kont.

Son bann lopinyon osi i konte. E si ler li i ganny *assess*, evalyasyon i montre poudir son bann konteks ki i pe *operate* ladan i diferan, son lopinyon osi i ganny afekte.

Se pou sa ki mon ti pe met sa lanfaz avek Minister Finans, e mon kontab - *PS* in reponn mwan parey Minister Finans mon espekte sa, me pou annan sa diskisyon ki nou pou bezwen fer atraver ou lofis Mr Speaker, pou nou kapab etabli en mantalite travay *moving forward*. Mersi Mr Chairman.

**MR SPEAKER**

Mersi. Mon krwar konman *Chairman FPAC* osi i don ou en lot laport pou kapab avans sa bann konsern.

Bon prezan nou a pran vot lo *Office of the Auditor General* ki lo paz 88 ziska 92 pou en Bidze R18milyon 414mil. Manm ki an faver lev lanmen silvouple? Mersi e napa personn kont mon krwar. Mersi Madanm Clerk.

Bidze pou *Office of the Auditor General* lo paz 88 ziska 92 pou en total R18milyon 414mil in ganny 31 vot pour 0 vot kont e 0 abstansyon. So *Auditor General* in ganny *full*



sipor Lasanble. Mersi bokou,  
Bidze in aprouve.

Avek sa nou a repas dan  
Staz Lasanble pou nou  
*adjourn*. E nou a rezwenn  
demen bomaten 9er. Mersi  
nou *adjourn*.

**(ADJOURNMENT)**